


558

FLORVM, ET
 CORONARIARVM
 ODORATARVMQVE
 NONNVLLARVM
 HERBARVM
 HISTORIA,



REMBERTO DODONÆO
 Mechliniensi Medico auctore.

*By July 21. 1681. sent 1681.
 Ex libris Mon. et Bibliot. S. Rudolphi
 de Vindob.*



ANTVERPIÆ,
 Ex officina Christophori Plantini.
 M. D. LXVIII.

SVMMA PRIVILEGIORVM.

CAUTVM est Regio priuilegio, ne quis alius
præter Christophorum Plantinum, librum
cui titulus est, *Florum & coronariarum odoratarumq;
nonnullarum herbarum Historia*, Remb. Dodonæo Mechli-
niensi Medico auctore, imprimat, vel alibi impressum
vendat hinc ad sexennium, sub pœna confiscatio-
nis librorum, vt latius patet in litteris datis Bru-
xellæ 2. Decembris M. D. LXVII.


Subsignat.

De Langhe.


Idem cautum est in Consilio Brabantia, ad toti-
dem annos, & sub pœnis ijsdem, vt in superiori
Priuilegio; quemadmodum latius patet in litteris
datis Bruxellæ 3. Decembris eiusdem anni.

Subsignat.

De Langhe.



CLARISSIMO AC
AMPLISSIMO VIRO,
D. IOACHIMO HOPPERO, AV-
rata militiæ Equiti, Domino de Dalem,
Regis Consiliario, & supplicum libello-
rum magistro, cognato suo, Rembertus
Dodoneus Medicus. S. P. D.

E FLORIBVS, odora-
tisq; ac coronarijs stirpi-
bus, Clarissime HOP-
PERE, multa nobis di-
cenda occurrerent, si
per omnes dicendi lo-
cos discurrere, & en-
comium scribere cogitaremus: sed id fa-
ciendum non instituimus, abunde esse ra-
ti, vtilitatem eorum & quantum mate-
riæ Medicæ conferant, in hac, ad te, præ-
fatione paucis ostendisse. Nam de inuen-
tione ac origine florum herbarumque: de
amœnitate, quæ hortis, viridarijs, ac om-
nibus

nibus ferè locis ex ijs accedit : aut de ea quæ ex aspectu , odore aut tractatione florum , voluptas animi aut recreatio concipitur , quid refert verba facere ? De origine siquidem ac inuentoribus florum herbarumque , multa fabulosa apud Poëtas & alios subinde auctores , tam Græcos , quàm Latinos reperiuntur , quæ longum & perquàm molestum foret huc referre . Maximum verò ornatum , maximumque decorem , summamque gratiam , hortos hinc accipere , notissimum est . Neque etenim ex vllis quantumvis artificiose contextis , aut coloribus ornatis , topiarijs vel perticalibus scenis , umbraculis aut alijs hortensibus operibus , tantum ornatus his accedit , quantum ex floribus , herbisque odoratis coronarijsue ; absque quibus etiàm omnia hortensia opera , ornatu , gratia , & amœnitate destituuntur . Voluptas autem & animi recreatio ex his ipsis , non nisi honestissima esse potest . Ad id enim quod pulchrum honestumque , hominem commonefaciunt . Suggestunt siquidem flores sua pulchritudine , coloris elegatia , formæ præstantia , odoris suauitate ac fragrantia , generosis

nerosis animis honesti pulchriq̃ue, & omnium virtutum recordationē. Turpe namque, vt quidam sapiens ait, fuerit, pulchra contemplantem, pulchra tractantem, pulchrisq̃ue in locis versantem, non pulchrum aut turpem habere animum. Vtilitas porro quæ à floribus materiæ medicæ, & pharmaceuticæ accedit, non exigua aut sterilis, sed fœcunda, varia & omnino multiplex est. Profunt vel solo odore, non parum: deinde & alijs suis facultatibus, flores quamplurimum. Odore siquidem spiritus refouent, reficiuntq̃ue; collapsas vires redintegrant; torpentem animum non rarò excitant; subinde remorantem somnum clemēter conciliant; & inter ea quæ ὁσφραγτὰ siue odorabilia nuncupantur, principem facilè locum tenent; facilè videlicet parabiles & amica naturæ consuetudine familiares. Alia etenim quæ ab Indis, extremo Oriēte aut Occidente odorata aduehuntur, nō ita familiaria sunt, sumptuosiora interim, neque cuius statim & promptè parabilia: flores verò horti, & subinde, arua sponte etiam suppeditant. Alijs verò suis facultatibus, calfaciendū videlicet, re-

frigerandi, reprimendi, corroborandi, concoquendi, digerendi, discutiendi, resol-
uendi, aperiendi, attenuandi, leniendi, &
si quæ sunt similes; sic conducibiles flores
sunt, vt nulla corporis pars malè affici pos-
sit, cui non ex floribus remedium adhibe-
ri queat: pauca item compositiones mi-
xtaque medicamenta, quæ non flores ali-
quos admittant. Capitis doloribus & ple-
risque alijs eiusdem morbis, flores mede-
lam conferunt. Pulmoni, lateriue dolenti-
bus flores præsidio sunt. Ventriculum cor-
roborant: aluum laxiorem reprimunt; ean-
dem adstrictam laxant & aperiunt. Iocino-
ris & Lienis medicamentis flores permif-
centur. Si calculi, coli aut vesicæ dolor vr-
get, flores præsto sunt. Vteri dolores le-
niunt: menses sistunt & citant. Antidotis
& alijs compositis medicamentis magna
vtilitate admiscentur. Recipiuntur in ca-
taplasmata, malagmata, emplastra, vn-
guenta, fodus, balnea. Rara absque flori-
bus enemata. Oleorum ex floribus multæ
compositiones. Condiuntur flores. Fiunt
ex floribus tragemata, serapia; elicitor ex
ipsis liquor. Vino, melli, aceto, flores vires
com-

communicant . Ita nullam alicui stirpi indidisse facultatem natura videtur , quam non & floribus communem fecerit , & subinde etiam cumulatiùs contulerit . Et tantum quidem abest , vt florum materia vel ieiuna sit aut sterilis ; vel ad medicinam nihil faciat ; vti sycophantæ & calumniatores quidam indocti clamitant , qui non modò florum ; verùm omnium herbarum ac simplicium medicamentorum , adde etiam compositorum notitiam , medico non necessariam opinantur ; imò veluti superfluum temerario ausu damnant : ad solos Pharmacopœos eam , aut mulieres reiicientes , & pertinere iudicantes . Qua vel sola sententia se indignos titulo ac nomine medici planè ostendunt . Nam ita cohærens stirpium , herbarum & reliquorum simplicium medicamentorum , & multorum compositorum cognitio , alijs artis partibus est , vt nemo verè Medicinæ cognitionem habere queat , qui notitiæ eorum rudis sit & imperitus : vt & nos alibi , & Galenus quoque ipse manifestis verbis scriptum reliquit . Si etenim omnis artifex artis suæ instrumenta cognita & in nume-

rato habere debet , quomodo ea ignorans medicus , ab artis suæ imperitia excusari poterit ? Inter instrumenta siquidem quibus ars medendi in curationibus morborum vitur , ipsæ sunt stirpes earumque radices, cortices , medullæ, folia, flores, fructus, semina, succi, lacrymæ, & quæ sunt alia . Necesse namque est huiuscemodi medicos sæpenumerò hæsitare , & veluti paladundos diuagari, ac in grauissimos perniciosissimosque errores labi . Veluti non ita pridem in celebri quadam ciuitate medico cuidam , magnifico tamen titulo superbiēti accidisse, à fide dignis accepimus. Præscripserat is cuidam Diagridij drachmas duas; monente autem Pharmacopœo excessum quantitatis esse nimium , & percunctante eo , an pro Diagridio cogitasset Diatragachantes scribere ; responsurus interrogauit an ne idem Diagridium & Diatragachantes esset. Adeò stupidus, omnisque materiæ medicamentorum , atque etiam artis ipsius magnificus iste λογίατρος fuit : vt quantum inter Diatragachantes arteriacam compositionem , ac Diagridium medicamentum potentissimum bilem per aluum

uum subducens, discriminis fuerit, planè ignorauerit. Alius nupèr aquam elici voluit ex herba quæ Latinis Thyrsus dicitur (ita siquidem scriptum eius habebat) ipse tamen & multum arrogans, & fastu quodam sibi plurimum in modum placens; persuasumque habens, se omnes quotquot sunt medicos iudicio & eruditione superare, quum tamen serò artem cognoscere cœperit ex pædotriba medicus factus. Meminisse hunc oportebat Thyrsum non aliquam herbam esse, sed propriè quidem hastam aut facem hederis obuinctam; metaphorice verò Thyrsos, cuiusuis herbæ cauliculos superiores, in quibus flores gignuntur, appellari. Fuit & olim medicus quidam, qui vbi apud Galenum in compositione quadam Origani Onitidis nomen reperisset, ægrotanti mox cuidam compositionem quandam parauit, quæ Onitidem recipiebat. Hic Pharmacopœo ignoranti qualis herba Onitis esset; & percunctanti, quum non haberet quod responderet; suggerenti an Ononidem putaret; mox annuit, ac pro Origano Onitide, Ononidem substitui permisit; herbam

multum ab Origano Onitide differentem. Atque in tales errores medicos perducit, & stirpium materiæque medicæ imperitia, tum & neglecta ea artis pars, quæ sola propriè Medicinæ nomine appellari meretur: curandorum videlicet morborum ratio ac methodus. Fieri etenim non poterit, ut doctus & in operibus artis versatus exercitatusque Medicus, in huiusmodi errores labatur. Dosim siquidem, iustumque pondus singulorum exactè tenebit: ignota, vana, & quæ in rerum natura non sunt, aut quæ ipsi somnianti vel deliranti occurrerunt, ad vsum ducere non putabit: in veterum compositionibus si vnum aliquod desideretur, non nomine ac appellatione simile, sed viribus ac facultate respondens substituet, alteriusque deficientis loco addet. Ex his quantum stirpium materiæque medicæ notitia, medico sit necessaria, plenè & abundè constare potest: & quàm nihil à nostra professione, aut artis in qua versamur exercitatione peregrinum aut alienum sit, hoc quod tractauimus argumentum: quum inter stirpes, non postremo flores sint loco;
& hu-

& humanis vsibus varijs multisque modis utiles. Et de florum quidem utilitate hæc satis.

N V N C ad te clarissime ac amplissime Hoppere me conuerto, atque hanc nostram de floribus ac odoratis coronarijsque nonnullis herbis historiam, tibi offero & dedico: non modò diuturnæ nostræ amicitiae veluti pignus quoddam apud te futuram; aut absentis cognati & amici *μνημόσυνον*; sed præcipuè & maximè nonnullæ cōgratulationis ergò. Posteaquam enim te magnis muneribus ac præmijs D. Philippus Hispaniæ &c. Rex Catholicus sibi obstringat ac deuinciat, honoribus nō exiguis augeat; alijque procures & magnates summis fauoribus prosequantur; de his tibi, Historiæ huius nostræ dedicatione, omnino congratulandum, pro ea, quæ inter nos à prima adolescentia coaluit amicitia, putavi: ne videlicet amici & cognati officio defuisse videri possem. Solent siquidem amici, prosperis & lætis amicorum rebus non solum gaudere & exultare, verùm & verbis ac factis lætitiā exprimere & ostendere. Prodit igitur Historia

ria hæc nostra , & maximi ac potentissimi
Regis fauorem & munera , deinde & alio-
rum nobilium ac magnorum procerum
amicitiam tibi gratulans , omniaque fau-
sta & felicia deprecans . Reliquum foret
eam commédare, nisi iamdudum gratam
tibi ac iucundam futuram , certus essem.
Proinde & ne verbum vllum quidem ad-
do , optans modò , studiosis omnibus vti-
lem, & æquè ac tibi , acceptam esse posse.
Bene vale , clarissime D. Hoppere . Nonis
Ianuarij, Anno 1568. Mechliniæ.

R E M-

13

REMBERTI DODONÆI
FLORVM ET CORONARIARVM
ODORATARVMQVE NONNVLLA-
RVM HERBARVM HISTORIA.

DE NIGRA SIVE PURPUREA
VIOLA. CAP. I.



NIGRA siue purpurea Viola mox à radice fo-
lia promit, multa, lata, venosa, per ambitum
leuiter crenata, hederæ foliis rotundiora, te-
nuiora, nigriora q̃, præsertim parte superiore,
inter qua medij, tenues exeunt styli, & in singulis flores
singuli,

singuli, pulchri, odorati, colore in cæruleo subnigro purpurei; nonnunquam sed raro candidi, ex quinque parvis foliolis compositi, quorum infimum maius; ac deinde pensiles caliculi, qui per maturitatem in tres partes dehiscunt: semen paruum & in rotunditate oblongum est: radicibus tenuibus ac fibrosis firmatur. vires hyeme pariter ac æstate, frigoris patientissima. locis opacis, iuxta dumos, muros, agrorum hortorumq; margines, pingui solo plurima frequensq; emicat: flores ut plurimum Martio, ubi serius Aprili prodeunt mense.

EST huius generis quædam, florum foliola multiplicans, cum purpurea, tum candida, hortensis vtraque.

EST & genus quoddam sylvestre, foliis minoribus, floribus pallidioribus, minus aut non odoratis: nascitur id, & locis quidem opacis, ac secus vias & margines agrorum, verum arido steriliq; solo.

VIOLAM autem Græci ἰὼν, & ἰὼν πορφύρεον, id est, Violam purpuream nuncupant. Theophrastus verò & ἰὼν μέλαν καὶ μελάνιον, hoc est, nigram Violam; à nigricantis purpureæ florum colore. Plinius solam hanc Græco nomine, à cæteris Violis discerni, appellariq; ἰὼν, & ab his Ianthinam vestim dici refert. Officina latinum nomen servant; at herbam Violariam nominant, & matrem violarum. Germani florem, blau veiel oder Wertzzen violen: Galli similiter Violette de Mars, hoc est, Violam Martiam: Belgæ, violetten dicunt.

ἰὼν autem Græcis vocatum in Geoponicis Nicander credit, ut refert Hermolaus, quod Nympha quædam Ionia, florem eum Ioui primum dedere muneri. Alij ἰὼν dictum affirmant, quod cum Io puellam adamatam Iupiter in vaccam conuertisset, terra florem hunc pabulo eius produxerit; qui propter ipsam factus, ab ipsa nomē accepit. Atq; inde etiam

Latinis

Latinis Viola, quasi vitula, extrita littera t dici putatur. Seruius Violam Latinis etiam vaccinium, eadem occasione dici refert, locum enarrans Vergilij in Bucolicis:

Alba Liguſtra cadunt, Vaccinia nigra leguntur.

Vergilius tamē Ecloga 10. Vacciniū à Viola differre oſtēdit:

Et nigra Viola ſunt, & Vaccinia nigra.

Vitruuius etiam Architectura libro ſeptimo, Violam à Vaccinio diſtinguit. Nam ex Viola Silis Attici colorem, ex Vaccinio purpuram fieri elegantem memoria prodi-
dit. Tinctores, inquit, cū volunt Sile Attricum imitari, Silis Attici
Violam aridam coniicientes in vas cum aqua conferueſcere color.
faciunt ad ignem: deinde cū eſt temperatum, coniiciunt
in linteum, & inde manibus exprimētes, recipiunt in mor-
tarium aquam ex Violis coloratam, & ex ea eretrium in-
fundentes, & eam terentes, efficiunt Silis Attici colorem.
Eadem ratione Vaccinium temperantes, & lac miſcentes,
purpuram faciunt elegantem. Quæ autem ſint appellata
Vaccinia, alio, & ſuo loco explicabitur.

AD VIOLAS reuertimur, quarum & flores & folia tem-
periem habent frigidam & humidam. Et flores quidem om-
nibus internis inflammationibus, laterum potiſſimum &
pulmonis, vtiles ſunt: pectoris, aſpera arteriæ, nec non fau-
cium aſperitates & ſcabrities leniunt: iocinoris, renum, &
veſicæ nimios calores reſtinguunt: ardentium febrium ar-
dorem mitigant: bilis acrimoniam obtundunt: ſuim arcent
& ſedant.

QVOD ex ipſis ſit *δποράτιον*, ſiue vti Aētuarium nomi-
nat *σπεράτιον*, ſi ex diluto decoquatur in quo pluries recen-
tes Viola fuerint macerata, aluum lenit, & bilem per infer-
na educit, trium aut quatuor vnciarum pondo ſumptum.

FIT & ex Violis oleum quod refrigerādi humectandiꝫ
potentia pollet: temporibus illitum, ſomnum clementer con-
ciliat,

ciliat, quem calida aut sicca intemperies remoratur: cum oui luteo sedis & hæmorrhoidum dolores mulcet: additur quoque vtilissimè cataplasmatibus refrigerantibus, ac dolorem sopientibus.

SIT autem oleum, in quo Viola macerantur aut ex immaturis Olinis, Græci ὀλινοτριβὴς ἢ ὀμαράκιον nominant: aut ex Amygdalis dulcibus, vti Mesues ait: Sint & viola ipsæ recentes humentesq; oportet. Arida etenim iam perditæ humiditate, & minus refrigerant, & caliditatis non-nihil adeptæ videntur.

RECENTIORES aridas violas, medicamentis quæ cor roborare creduntur, vtiliter admisceri sentiunt.

FOLIA Violarum in olerè sumpta, refrigerant, humectant, aluumq; leniunt: foris admoda, calidas omnes inflammationes mitigant, cum per se, tum cum polenta imposita. Imponuntur & æstuanti stomacho, & oculis, Galeno teste. Dioscorides sedi etiam excidenti imponi scribit. Crapulam, Plinius ait, & grauedines capitis impositis coronis, olfactuè discutunt: anginas ex aqua potæ.

ID quod purpureum est ex iis, comitialibus medetur; maximè pueris in aqua potum.

SEMEN Scorpionibus aduersatur.

DIOSCORIDES florem purpureum non viola, sed Asteris Attici, cum aqua potum anginis & comitali in morbo pueris, auxiliari scribit. Ex cuius historia, hac perperam Viola apud Plinium accessisse suspicari, & non temere suspectus. quidem, licet.

Plinij locus
suspectus.

DE TRICOLORE VIOLA. CAP. II.

FOLIA tricolori Viola exigua sunt, ac initio quidem rotundiuscula, deinde oblongiora, per ambitum modicè serrata:



rata: caules infirmi, tenues, angulosi, geniculati, palmi longitudine : flores longiusculis pediculis insident, purpurea Viola forma similes, & magnitudine ut plurimum pares,

B

triplici

triplici colore splendentes, purpureo videlicet, luteo, candidoq; vel caeruleo: quorum elegantia ac varietate colorum, maxime placent, cum odorem exiguum aut nullum habeant. In summis duobus flosculi foliolis, & subinde in inferioris, & quandoque etiam in mediorum extrema parte, purpureus relucet Viola nigra. Medius ut plurimum, ac nonnunquam inferiori candidus aut caeruleus insidet. Luteus non raro inferius foliolum vel magnam eius partem, semper autem flosculi medium, intercurfantibus una nigris aliquot radiolis, occupat. Semen exiguis, in rotunditate oblongis, vasculis, ochri magnitudine continetur, quae deciditibus succedunt floribus, & ultro semine iam maturo dehiscunt. Radicibus nritur fibrosis. In arvis pluribus locis exit: nascitur & in hortis, & crebro quidem sua sponte, sylvestri speciosior & elegantior. Vere una cum Viola nigra aut paulo post emicat, aestate dein tota & maxima Autumni parte, ac subinde etiam hyeme floret.

IACEA à plarisque nominatur: est tamen & alia iacea quae nigra cognominatur. Aliis, herba Trinitatis, propter triplicem floris colorem, dicitur. Nonnullis herba clauellata, Galli flores penlees nuncupant, quae etiam appellatione Brabantis ac vicinis Belgis innotuere. Germani Freyscham kraut/ vnd Dypseltsichcyt blumen appellanti. Cum φλογί Theophrasti conuenire videtur, quod φλόξ ἢ φλόγιον etiam dicitur, & flos est tantum sylvestris absq; odore. Vere una cum Viola alba aut paulo post exiens, plurimumq; durans: cuiusmodi haec tricolor Viola est, quae uti scripsimus, natura sua sylvestris est atque in odora, & diutine floret. φλόγα autem siue φλόγιον, GAZA Violam flammeam interpretatur.

QUALITATEM herba habet, frigidam quidem obscuram, sed humidam manifestiorem, lenti glutinosiq; succi.

succi, vti Malua, particeps : emollientis eà de causa quoque facultatis, verùm minus quàm illa . Prodest, vt recentiores aiunt, febricitantibus maximè pueris & infantibus, quorum conuulsionibus ac comitialis morbi accessionibus subuenire creditur : commendatur item ad pulmonis pectorisq; inflammationes, & ad scabiem corporisq; pruritum : vlcera quoque glutinare fertur.

DE LEVCOIO SIVE VIOLA
ALBA. CAP. III.

LEVCOII voce plura Violarum generâ comprehenduntur, quorum in florum quidem colore præcipua, sed tamen & nonnulla in foliis differentia . Possunt hac in duo genera distingui . Vnum genus cui folia candidiora & molliora, candidum Leucoion, à foliorum non florum colore quis nuncupauerit . Alterum verò Leucoion luteum, à floris colore luteo. Sunt autem candidi Leucoij genera, rursus duo: maius videlicet & minus.

MAIORI, caulis est bipedalis aut altior, rotundus, in al. is nonnullas diuisus : folia oblonga, candida, mollia, & veluti lanuginem habentia, salicis foliis quodammodo similia, verùm molliora : flores odorati, ex quatuor foliolis congesti, secundum cauliculos, superiori parte in tenuibus pediculis exeunt, colore aut rubentes, aut candidi, aut ex purpureo punicei, aut cineri candidiori proximi, subinde varij: siliqua inde sequuntur, oblonga, angusta, in quibus semen latum & rotundum : radicibus nititur fibrosis, sed validis. Floret primo Vere & tota propemodum æstate, altero à satione anno, deinde & aliquot sequentibus, si diligentia & cura adhibitis, hybernis mensibus à frigore arceatur.

MINVS genus à priori, non forma sed magnitudine



sola differt : caules foliaq³ habet similia, sed minora : flores etiam non vnius coloris, sed vel candidos vel rubentes, vel punicantes, vti maioris : siliquas etiam & semina similia. Floret istud genus, non quidem Vere, sed Iunio, Iulio, aut Augusto, & eodem quidē quo satum est anno: hyeme perit.

EST verò & Leucoion, florum foliola multiplicans, sed rarissimum, quod ex maioris genere est, primoq³ Vere florescere incipit, & maiorem curam hybernis mensibus, ne à frigore offendantur, requirit. Seruntur ferè in hortis.

PRÆTER hæc, est & sylvestre quoddam candidum Leucoion, humile & paruum, quod in Zelandia locis exit maritimis; ac iuxta Monspeliū quoq³, vti Gesnerus scribit.

IAM & Leucoion quoddam etiam est bulbosum, de quo subsequētib⁹ capitibus.


MATTHIOLVS & fruticosam quandam depingit Violam foliis latis; flore Consolida regia, odorato; caule bicubitali; ex monte Baldo allatam, & ad se à Francisco Calzolari Pharmacopœo Veronensi missam: arborescētem quam Violam nominat.

APPELLATUR autem λευκοίον, Latinis quidem Viola alba, Arabibus verò Keyri. Nostri maius genus, stock Violieren nominant; minus verò, heete Violieren: Vtrumque à canitie foliorum, vti diximus, candidum, ad differentiam lutei, quod præstantissimum est, non improprie dici potest.

FACULTATE autē Leucoia hæc, luteo Leucoio haud dissimilia videntur; viribus tamen infirmiora.

DE LEVCOIO LVTEO. CAP. IIII.

LVTEO Leucoio caules sunt ramosi virentes, folia oblonga angusta, glabra, in virore nigricantia, Leucoij can-





didit foliis minora : flores lutei perquam odorati ; siliquæ tenues oblonga in quibus semen latum . Totus frutex lignosus hyemis rigorem facillè sustinet. Floret Aprili & Maio, & si hyems clemens fuerit, etiam Martio vel prius. In peruetustis muris, in ruderibus & aliis saxosis locis libentius nascitur ; seritur & in hortis iuxta parietes ac muros.

Huius Leucoij quoddam quoque est genus, flore multiplici, cui siliquæ nullæ. Seritur hoc surculis, & in hortis colitur.

λευκῶιον & istud Græci nominant, & λευκῶιον κίλινον, Latini Violam albam & Leucoion luteum. Arabibus Keyri est: nostris, steen Violieren. Parietinas aut saxatiles Violas dixeris, & geel Violierē. Germanis geel Violaten. Gallis Giroffles iaulnes.

Est autem Leucoij frutex vniuersus, ut Galenus ait, extergentis facultatis, ac tenuium partium, plus tamen flores: & inter hos, qui sint sicciores, magis etiā quam virides.

Dioscorides lutea Leucoia præcipui in medicina vsus esse scribit ; & huius aridos flores in defensionibus decoctos, ad vteri inflammationes & mēstrua ducenda facere : carato exceptos sedis rimas sanare, & cum melle oris aphthas : semen duarum drachmarum pondere ex vino potum, aut cum melle subditum, menses, secundas, & sætus educere: radices cum aceto impositas, lienem reprimere, & podagricis prodesse.

Hippocrates lib. de natura muliebri, ad secundas educendas, & sanguinem ex vteris pellendum, Leucoij semen tritum cum vino bibendum exhibet : & ad eadem lutei Leucoij radicem, eodem quoque modo sumendam tradit.

DE VIOLA MATRONALI. CAP. V.

MATRONALIS Viola folia habet mox à radice longa, lata, subnigra, per ambitum crenata : caules cubi-



tales aut altiores, foliis similibus, sed tamen minoribus circundatos: flores in summis alarum virgis erumpunt, Leucois similes, coloris aut candidi aut rubentis, dilutæve purpureæ; semen in siliquis oblongis & rotundis gignitur paruum, figura oblongum, colore in ruffo subnigrum; radices subsunt fibrosæ & validæ. Nascitur in hortis. Altero à quo sata est anno, Maio & Iunio mensibus potissimum florêt, non raro tota æstate floris eius productio.

GALLI Violettes des dames, & Girofleees des dames appellant, hoc est, *Violas matronales*; nostri corrupta voce, *Damas bloemen*. Germani *Winter violen*; id est *Violas hybernas* siue hyemales.

SYNT autem harum *Violarum* folia gustu quidem acria & calida, *Eruca* cuius species videntur, sapore & facultate proxima.

DE VIOLA LATIFOLIA. CAP. VI.

FOLIA, *Viola latifolia* promit, virentia, lata, per ambitum crenata, *Alliaria* vocata herba similia, sed maiora: caules rotundos ramosos: flores *Leucoij* colore purpureos subcæruleos; quos sequuntur latæ, planæ & propemodum rotundæ siliquæ ex tenuissimis mēbranis, veluti laminis compactæ; intra quas semina plana, lata, obscuri coloris, forma quodāmodo διχοτόμου Luna, inter quæ media tertia membrana: radices subsunt crassæ, candidæ, in diuersa tendentes, *Pæonia* scēmine alterius, radicibus quodāmodo similes, sed minores & tenuiores, intus porosæ. Belgæ hanc *Violam* vnā cum aliis in hortis serunt: flores Aprili prodeunt mense, altero à quo sata est anno.

BVLBONAC aut *Bolbonac* voce barbara vulgo, nos *Violam latifoliam*, aut vt plerisque placet, *Violam peregrin-*



nam nūcupare maluimus. Brabanti *Penninckbloemen* à siliquarum forma, denarium quodammodo referente, & *Daeschbloemen* quod circa Paschæ solennitatem ferè semper floreat, nominant. Recentiorum pleriq; Lunariam, alij Lunariam Græcam appellant: vel ab ipsius seminis figura, aut siliquarum mediæ membrana argenteo splendore, quo, decidentibus per summam siccitatem cum semine ex utraq; parte membranis, nitet. Veterum autem *Thlaspi* alterum videtur, quod videlicet à *Cratœa* describitur, à *Thlaspi Cratœæ*. nonnullis *Sinapi Persicum* appellatum. Nam vt *Dioscorides* ait, *Cratœas Thlaspi* quoddam recenset *πλατύφυλλον & μεγάλῳριζον*, id est, latifoliū & magnis radicibus; qualis omnino *Viola* hæc est, quam latifoliam cognominauimus.

H V I C latis folijs & siliquis planis ac rotundis similis est & alia quedam *Viola*, quæ perenni radice nititur, ac hyeme non marcescit. Sunt huic caules lignosi cubitales: folia multa lata, siliquæ planæ & latæ, utraq; paulo minora quàm prioris: flores candidi instar *Viola matronalis*. Reperitur in hortis; floret æstate.

CÆTERVM facultate ac potentia, *Latifolia Viola* semen calidū quidem, & siccum est, gustuq; acre, *Thlaspios* semini sapore & viribus simile: radices acrimonia quoque nonnulla sed non multa participes sunt: eduntur cum acetarijs vt quarundam aliarum.

DE VIOLA MARIANA, SIVE RAPO
SYLVESTRI DIOSCORIDIS.

CAP. VII.

MARIANA *Viola* folia primum habet oblonga, lata, subnigra, aspera, nonnihil hirsuta, vulgaris *Buglossi* folijs nigriora, minora minúsque aspera. Caules deinde secundo anno profert rotundos, rectos, ramosos, ali-



aliquantulum etiam hirsutos, circa quos folia similia, sed minora: flores in summis virgis exeunt oblongi, cavi, rotundi, per oras incisuris quinque sed non profundis divisi, coloris ut plurimum in caeruleo purpurei, subinde candicantes, in quibus stamina duo aut tria candida; qui & priusquam debiscunt quinquangulares sunt. Post flores capitulum nascitur, superiore parte latius, quinque quoque angulos habens, & quinque loculis veluti caligulis asperis & hirsutis deorsum dependentibus circum vestitum, in quo semen exiguum, subruffi, & eius cuius Castanea fructus echino exemptus propemodum coloris. Radices subsunt longæ, crassæ, candidæ, non ingrati saporis. Nascitur ut aiunt in sylvis & montibus, nec non in opacis quibusdam tractibus, ut Matthioli refert, plarisque Italiae & Germaniae locis: apud Belgas in hortis colitur, Iunio, Iulio & Augusto mensibus floris eius productio: semen interea ad maturitatem pervenit; neque enim simul sed particulatim floret.

VIOLAM Marianam nostri appellant, & vulgo Mariettes. Recentiorum plerique Medion esse volunt. Medion Medion. autem Dioscorides tradit folia habere Scridis, (exemplaria quædam Iridis habent) caulem tricubitalem, & in eo florem magnum, rotundum, purpurascens: fructum parvum similem Cnico; radicem dodrantalem, crassitudine baculi, gustu acerbo. Cum qua descriptione Viola mariana non admodum respondet: tamen si enim illi flos grandis & rotundus; folium tamen propriè nec Iridis nec Scridis: & fructus aut semen, Cnici semine haud simile. Quas ob causas non Medion, sed potius verum Dioscoridis Rapum sylvestre videtur; ρογγύλη ἄγρια quæ Græcis dicitur, cum cuius descriptione magis convenit. Nam fruticosa est stirps & ramosa, cuius lobi siue capitula appendentibus aliquot loculis circumtectâ, quibus sublatis interior lobus siue capitulum conspicuum

Dioscori-
dis locus
corruptus.

spicuum est: quale Rapum sylvestre esse, ex eius apud Dioscoridem descriptione satis constat. Quae tamen si superfluum quorundam accessione corrupta, Rapo tamen sylvestri propriissima complectitur. Describitur autem Rapum sylvestre à Dioscoride his verbis: ἄγρια γογγύλη φύεται ἐν αἰρούραις, θάμνος πηχναῖος τὸ ὕψος, πολὺ κλάδος, ἐξ ἄκρου λείος. φύλλα ἔχουσα λεῖα, δακτύλου τὸ πᾶχος, ἢ καὶ μείζονα. καρπὸν δὲ ἐν λοβοῖς καλυκώδεσιν. ἀνοιχθέντων δὲ τῶν περικαρπίων, ἔσωθεν ἄλλος κεφαλοειδὴς ἐστὶ λοβός, ἐν ᾧ σπερμάτια μέλατα, θραυσθέντα δὲ λευκὰ ἐνδοθεν. id est, Rapum sylvestre, nascitur in aruis, frutex altitudine cubitalis, summa parte leuís: folia habens laeua, digiti latitudine aut maiora: fructum in lobis calyculatis, quorum inuolucra cum aperiuntur, alius capituli modo lobus subest, in quibus semina nigra, contrita verò intus candida. In qua descriptione, quae de leuitate summorum caulium ac foliorum, & seminis nigredine, ac interiori eius medulla candida traduntur, ad sylvestris Rapi, huius praesertim, descriptionem non faciunt, sed aliò pertinent. Huius siquidem sylvestris Rapi caules aut folia non sunt leuia, sed aliquantulum hirsuta: semen etiam non nigrum, verum subruffum, & castaneis, ut diximus, colore affine. Videntur autem, quae de leuitate foliorum & summarum partium, Campanula conuenire, de qua in sequentibus capitibus, quae fortè & Rapi sylvestris species habita est: semen verò, quod hic describitur, satiui Rapi est. Ita plurium stirpium descriptiones inter se confusae.

CÆTERVM quod ad facultates attinet, radix Viola Mariana refrigerantis & nonnihil adstringentis est potentia: esui ut aliorum sylvestrium Raporum apta est, & non incommodè acetarijs additur.

DE ALIIS SYLVESTRIBVS
RAPIS. CAP. VIII.

SUNT verò & multa alia Rapi sylvestris genera, Calthoide florum figura, & radicibus Viola Mariana haud multum dissimilia.

VNI, quod à Viola Mariana alterum, caules sunt cubi-² tales aut altiores, angulosi, asperi, hirsuti, folia aliquantulum aspera, lata, in acutū desinentia, per ambitum crenata; vrtica folijs & forma & colore quodammodo similia: flores secundum caules exeunt, Viola Mariana floribus minores, per ambitum quinque similiter incisuris, sed profundioribus, diuisi, intus aliquantulum hirsuti, colore aut candidi, aut dilute purpurei, vel ad caeruleum inclinantes. Nominant hoc genus Germani Halszkraut/ Nostri Halstcruyt/ id est, Latine Ceruicariam, & Ceruicariam maiorem, Græce *τρεχίλιον*, plerique vuulariam, Fuchsius Campanulam. Ceruicaria maior.

TERTIVM genus caules habet breviores: folia mi-³ nora, candidiora, minus aspera, oblonga, Salviae folijs similia: flores Ceruicaria minores, colore proximi Viola nigra dilutam purpuram referentes; radices quoque similes. Hoc genus plerique Ceruicariam minorem appellant. Nascuntur hac duo in Germania ac Belgio plerisque aridioribus locis secus pratorum margines, & crebrò locis senticòsis; transferuntur in hortos, florum gratia: florent Iunio, Iulio & Augusto mensibus.

HIS autem simile & quartum genus est, caules id facit breviores: folia lata & Ceruicariae prioris proxima, minus tamen aspera, minusq; per ambitum crenata: flores deorsum pendent, coloris ut plurimum diluta purpura: pro radicibus, multa, tenues, transversim & obliquè serpentes fibrae sunt, à quibus multa oblonga, candida radicle,

Rapun-



Rapunculi radicibus similes demittuntur. Ita facile seipsum propagat & latè serpit hoc genus. Secus aruorum margines in Zelandia & alibi locis maritimis reperitur; floret eodem quo reliqua tempore: Ceruicaria marina nuncupari potest.

QVINTVM genus, vulgo Rapunculum nominant, caules profert tenues: folia oblonga, angusta: flores Ceruicaria minores, caruleo ut plurimum colore: radices candidas, digitalis longitudinis, esui aptas. Exit in aruis multis locis frequens, floret plurima aestatis parte: hybernis mensibus radices leguntur, & cum acetarijs inferuntur. Nominant hoc genus vulgo, ut diximus, Rapunculum, quasi paruum Rapum: Germani Rapuntzelu/ Nostri Raponce/ Galli Raiponce.

HORVM omnium flores priusquam adaperiuntur, quinquangulares sunt; completi verò rotundi, & inuersi calathi figuram referunt, staminibus intus candidis; & per circumferentiam quinque incisuras, totidemq; eminentes angulos habent: capitula autem in quibus semen, angularia, superiore parte ampliora, sed nuda, & nullis appendicibus aut loculis siue pericardijs circumtectis, ut sunt Viola Mariana; quae eam ob causam, nempe quod capitula, siue lobos habeat circumtectos, cum sylvestris Rapi descriptione exactius, quam ullum horum conuenit, quae tamen & omnia Rapa sylvestria sunt.

PRÆTER hac verò & sextum quoddam genus est, à superioribus forma aliquantulum differens: huic autem folia primum lata, postea secundum caules angustiora: caules dodrantes, summa parte veluti spicam paruorum florum plenam proferunt, quorum singuli antequam panduntur, corniculi cuiusdam similitudinem referunt; aperti verò in quatuor angusta foliola finduntur, colore aliàs can-

diâ, aliâs cerulei, aliâs purpurei: floribus capitula parua succedunt, rapunculi capitulis ferè similia, verùm minora, multa circa caulem simul arctèq; composita: radices candidæ, vt aliorum rapum syluestrium. Gignitur locis syluosis & opacis, pingui lutosq; solo. Floret Maio, Iunio & Iulio mensibus. Nonnulli Alopecuron appellant, ab ipsa florum plena spica; quæ iam apertis flosculis, mollis & veluti lanuginosa, vulpiumq; cydu propemodum asimilis, ea de causa, videtur. Sed Alopecuros alia omnino est herba, in frumentorum & leguminum historia à nobis descripta.

RADICES porrò omnium horum refrigerantis potentia sunt & nonnihil adstringentis: possunt autem omnes vnà cum alijs acetarijs edi. Sunt etiam qui Ceruicaria radicum decoctum, aduersus incipientes oris & tonsillarum inflammationes conferre affirmant.

DE VIOLA CALATHIANA.

CAP. IX.

CALATHIANA Viola caulibus exit dodrantalibus, tenuibus: folijs oblongis angustis binis ex aduerso positis: flores & in cauliculorum summo, & è foliorum sinibus prodeunt oblongi, calathoides, sursum hiantes, in ceruleo saturato purpurei, staminibus in medio candidis, Rapi sylvestris floribus quodammodo forma similes, quinquangulares similiter nondum completi, & quinque per circumferentiam diuisi, sed minus patentes angustiores & minores: semen exiguum in paruis oblongis capitulis continetur: radices subsunt tenues oblongæ, subinde bifida, trifida, aut in plures diuisa, gustu amaricantes. Reperitur aliquando in pratis, frequentius in alijs incultis & iisdem quibus Erica humi-



*humidioribus locis : & in pratis quidem procerior, auctuq;
amplior, in ericastris tenuior prouenit. Augusto & Septem-
bri flores.*

APVD nostros vulgo nomen non habet ; sunt tamen qui blaww *Delickens* id est, caruleum Liliū nuncupent : Ananienſia rura vulgo *Pettimborsa* vocant , Matthiolo teſte: Plinio dicta videtur Calathiana Viola , de qua lib. 21. cap. 6. paucis his verbis: In totum ſine odore, minutoꝝ folio Calathiana (videlicet Viola) munus Autumni , cetera Veris . Ruellius tamen Calathianam Violam ex Plinio deſcribens, plura & non ita ſuccifa verba adducit: Calathiana, inquit , munus Autumni , Viola cetera Veris ; ea miniꝰ eſt folio Viola alba non diſimili , in totum ſine odore, calathi ſimilitudine, Autumno tantum proueniens, tanta coloris pulchritudine , vt caruleum ipſum , quod imitatur, prouocet: in pratis poſt æſtatem emicat ; Autumnalem Violam nominant . Videtur eadem à Valerio Cordo Pneumonanthe nuncupata, quam Germanicè *Lungen blumie* dici reſert.

QUALITATE autem hac Viola calida eſt, Gentiana, cuius ſpecies nonnullis videtur , facultate quodammodo ſimilis, multo tamen imbecillior. Efficax à recentioribus habetur aduerſus peſtilentes morbos, & ad virulentorum animalium morſus & ictuſ.

DE CAMPANVLA. CAP. X.

CAMPANVLÆ duæ ſunt: vna hortenſis maior, altera ſylueſtris minor.

HORTENſIS multa è radicibus terra proxima promit folia, oblonga, anguſta, viroris ſaturi, inter qua caules aſſurgunt ſtriati, bicubitales , tricubitales , aut ſubinde altiores , circa quos folia ſimilia , & flores ad ſuperiores partes, in ſingulis pediculis ſinguli, maiores & patētiores quàm Rapunculi , campanulis aut tintinnabulis ſimiles, colore vt pluri-



plurimum carulei, non raro candidi, in quibus & candida aliquot stamina: floribus succedunt capitula, Rapunculi capitibus forma quidem satis similia, sed foraminosa & perforata, in quibus semen perquam exiguum: radices candida, tenues, fibrosa.

- 2 SYLVESTRIS hortensi exceptis primis folijs similis est, sed tamen omnino minor: prima & terra proxima folia lata sunt & pauca, Viola nigra folijs satis similia, atamen non tam magna: reliqua verò oblonga & angusta; flores similes carulei, saepe Rapunculi floribus maiores: radices tenues.

VTRAQUE lacti similem succum prabet, cauliculis & folijs vulneratis, copiosorem tamen sylvestris: flores vtriusque nondum completi quinquangulares quoque sunt, & patentes in quinque similiter angulos exeunt, sicuti sylvestrium Raporum; quorum haec ea de causa species putantur, tametsi radices exiguae & quae edules non habeantur. Prior in hortis seritur: altera passim in Belgio iuxta aruorum & agrorum incultos margines nascitur. Florent Iunio, Iulio & Augusto mensibus.

VULGO Campanulas nuncupant, & priorem quidem plerique Belvedere nuncupant: sed Italia Belvedere, Graecorum est Osyris, cum qua Campanula nihil habet similitudinis. Matthiolus hanc eandem hortensem campanulam Phyteuma esse existimat: at nobis Campanula laseana similior videtur. Phyteuma verò esse Antirrhini sylvestris species, de qua inferius suo loco. Ait etenim Theophrastus ἰασιώνους florem vnico folio constare, similitudinem autem plurium ostendere, quae tamen non separentur, & superiorem floris partem angulosam esse. Talis certè huius Campanula flos est, & omnium similiter Raporum sylvestrium (excepto generis sexti) quae tamen ea de causa laseiones esse

affir-

affirmari non possunt; si modo eadem Theophrasti & Plinij est Iasione. Plinius siquidem Iasionem lac ait habere copiosum, quod sola Campanula precipue fundunt. Dubitet fortasse aliquis, & Campanulam non esse Iasionem existimet, quod Plinius olus esse Iasionem scribat sylvestre, in terra repens, flore candido. Sed si olus est omnis herba edulis, & Campanula olus est, cum eam edi posse non sit dubium: repunt verò & in terra subinde radices, atque ea de causa citissime una aliqua stirps multiplicatur & ampla fit: florem verò hortensis non raro candidum esse scripsimus; sylvestris verò & talem alicubi reperiri posse quis negauerit? Constat etenim pro locorum & regionum varietate & florum colores & non raro stirpium ipsarum figuras aliquo modo immutari. Theophrasti autem de Iasione hæc sunt verba, lib. 1. Iasior ubi de florum agit differentiis: Nonnulli, inquit, unius solij nascuntur, similitudinem tantum plurium ostendentes, ut flos Iasiones; huius etenim non separatur vllum in flore folium, neque conceptaculo pars inferior eget, superior autem angulosa. De Iasione verò Plinius lib. 22. cap. 22. hunc in modum: Iasione olus sylvestre habetur, in terra repens, cum lacte multo, florem fert candidum, Concilium vocant.

PRÆTER verò duas has campanulas, & tertia quædam humilis & parua est, cui caules tenelli, dodrantales, in alas plures diuisi, plurima parte humi decumbentes: folia circa cauliculos parua, per ambitum leniter crenata: flores parui, in puniceo purpurei, pulchri, multum parentibus tintinnabulis aut campanulis similes, stamine in medio candido, qui interdum patent; circa verò occasum Solis recluduntur, & in quinquangularem speciem contrahuntur, quam etiam nondum aperti, uti alia Campanula, referunt: radices tenuissima sunt. In agris frumentarijs, inter segetes exit, fertili & fecundo solo: Iunio & Iulio floret. Anonymos

nostris est herba ; non esse Onobrychim , quod quandoque suspicari fuimus , satis constat. Campanularum videtur esse species , non tamen Iasiones , cum lac nullum vulnerata fundat.

FACILITATEM autem Campanula cōpertam nullam habent, cum nullius in medicina sint vsus.

DE DIGITALI. CAP. XI.

DIGITALIVM plures sunt species, non modò florum colore, sed & foliorum forma disidentes.

VVLGATISSIMA purpurei floris est , cui longa lata per ambitum crenata , dilutè virentia folia , Verbasci quodammodo similia , minora tamen minusq^{ue} lanuginosa ; caulis recens rotundus , à medio sursum versus compluribus floribus grauidus , non alternatim , aut orbiculatim , sed ab vno caulis latere supra inuicem , aut vt Græci aiunt, ἐπ' ἀλλήλων dispositis , deorsum versus dependentibus , forma oblongis , intus canis dactylorhæcis propemodum similibus , colore ex rubore purpureis , punctis quibusdam candidis intercurfantibus ; quos rotunda sequuntur vascula , in quibus semen exiguum : radices multa tenues fibræ sunt . Plurisque Germaniæ & Belgij locis saxosis & umbrosis , in montium conuallibus , & vbi ferri & Lithanthracis fodinæ vicinæ sunt , sponte exit : transfertur etiam in hortos.

2 ALTERA Digitalis , priori folijs similis est , longioribus tamen ac latoribus : flores huius cum prioris floribus forma etiam conueniunt , colore verò candidi.

3 TERTIA , folia habet angustiora , venosa , glabra , saturato virore nigricantia , auersa tamen parte candidiora , per ambitum nonnihil serrata : flores huic lutei , forma prioribus



ribus ferè similes. Sunt duo hæc genera rarissima, & in paucorum hortis tantum conspicua.

- 4 QVARTA digitalis folia promit tertia simili, in virore quoque obscuro nigricantia, & candidiora similiter parte auersa, sed minora & angustiora; flores paruos, deorsumq; dependentes, verùm minores, colore subluteos aut pallentes. Apud Belgas satis familiaris & cognita hæc est.

APPELLANT autem Germani quidem hanc stirpem vulgari lingua *Fingherhut* & *Fingherkraut*: Belgæ *Uingherhoet*: Galli, *Digitale*, aut, quidam aiunt, *Gants nostre dame*: Fuchsius appositè Latine *Digitalem* nuncupauit. Nonnulli *Ἰφυαλλίδα* nominant, & *Verbasci* speciem faciunt, quæ *λυγνίτις* dicitur. Sed *Lychnitis* siue *Thryallis* folia habet pinguiora, crassa & hirsuta, ad ellychnia in lucernis apta, qualia minimè digitalis, cuius tam crassa aut hirsuta non sunt, vt ellychnij vicem explere queant.

FACULTATEM autem digitalis quidem folia, cum amara sint, calidam obtinent & siccam, cum nonnulla abstersione coniunctam, interim tamen nullius sunt vsus, nec medicamenti vllis admiscuntur: flos solus, sola pulchritudine & forma placet gratusq; est.

DE LYCHNIDE CORONARIA.

CAP. XII.

LYCHNIS coronaria folia gerit oblonga, pollicis latitudine aut paulo latiora, mollia, lanosa, cana, *Verbasci* folijs minora quidem, sed candidiora & lanuginosiora; caules cubitales, rotundos, geniculatos, canos quoque & lanuginosos, in plures breues alas diuisos; in quarum summo singuli flores, è calycibus suis, aspectu pulchri, sed inodori, *Viola matronalis* floribus maiores, colore rubro & veluti flammeo fulgen-



fulgentes, subinde sed rarius candidi, aut dilute rubentes, ex foliis ut plurimum quinis, rarissime senis nec pluribus congesti; nisi floris foliolis (quod uti alijs floribus hortensibus, ita & huic aliquando contingit) multiplicatis; in medio florum apices sunt acuti & pungentes: radices subsunt tenuēs. Seritur in hortis; Italia, Germania, Gallia, Belgioq; familiaris: Apud Ananienses autem, ut Matthiolus refert, etiam sylvestris, sponteq; exit. Iunio, Iulio ac Augusto aestivis mensibus florum exortus.

NOMINANT huic florem Germani, *Frauwenzroszlin* / *Mariē roszlin* / *Marghen roszlin* & *Himmel roszlin*: Latine *Dominarum rosam*, *Marianam rosam*, *Cali rosam* & *cali florem*; Belge *Christus ooghen* / id est *oculum Christi*; Galli, *Oeillets*, & *Oeillets Dieu*. *Dioscoridi* *λυχνίς στεφανωματική* est, hoc est *Lychnis coronaria*, siue *satiua*. *Gaza* *λυχνίδα* *lucernulam* conuertit. Videtur eadem & *λυχνίτις* ἢ *λυχνίτις* per γ, esse *Verbasci* species, quæ & *Θρυαλλίς*: folia siquidem habet mollia, hirsuta, ad lucernarum funiculos siue *ellychnia* apta, cuiusmodi *Lychnioidis* esse *Dioscorides* testatur: florem item ut plurimum rubentem habet, qualem *Θρυαλλίδος* esse, *Nicander* innuit rubentem eam in *Theriakis* nominans:

ὅσσα τε λυχνίς ἐνερθεύ, ἐρευνήεις τε Θρυαλλίς.

In quo versiculo *Lychnis* intelligi debet *sylvestris*, ut ipse *Nicandri* interpretes monet, ne *coronariam* *Lychnida* à *Thryallide* differre hinc quis existimet. *Conradus Gesnerus* hunc *Iouis florem* & *Gracè* *διὸς ἄνθος* nuncupari existimat. Sed *Theophrastus* inter *Lychnida* & *Iouis florem*, διὸς ἄνθος lib. 6. distinctionem facit; aestiua sunt, ait, λυχνίς, διὸς ἄνθος & c. & similiter *Plinius*, lib. 21. cap. 11. hac *Theophrasti* verba referens; succedunt illis aestiui, scribit, *Lychnis* & *Iouis flos* & c. Est autem διὸς ἄνθος siue *Iouis flos*, flos aestiuus,

æstiuus, coronarius, absque odore; cui radices lignosæ; Theophrastus lib. 6. Sunt verò & qui velint *Lychnida*, Plinij *Rosa Græ-*
Rosam Græcam esse, quam refert, non nisi in humidis pro- ca.
 uenire, nec vnquam excedere quinque folia, *Viola magni-*
tudine; odore nullo. Porro *Lychnidis* & alia multa repe-
 riuntur nomina, inter notha tamen & supposititia relata;
 dicitur etenim & ἀθάνατος, quasi immortalis, quodd diuti-
 nè pulchritudinem suam retineat. Item ἀκυλόνιον, βαλλά-
 ριον siue *Bellaria*, γερανοπόδιον, hoc est *Gruis pes*; κορύμ-
 ειον; & hanc esse *Corymben* Ruellius iudicat, cuius *Colu-*
mella lib. 10. hoc senario meminit:

Nunc veniat quamuis oculis inimica *Corymbe*.

Corymbe.

Coronis etenim, inquit, inserta, igneo micans aspectu, oculo-
 rum aciem obtundit. Iam & *Lychnis* hæc ταύριον dicitur:
 alia tamē, idem Ruellius ait, quæ *Taura* siue *Tora* vulgo no- Tora.
 minatur, flore caruleo, folio rotundo, radice *Polypodij* hir-
 suta, & vermis nigri effigie; venenosa herba. Nominatur
 præterea & σκῆπτρον, itē μαλόιον, & Latinè *Genicularis*.

FACULTATE autem *Lychnidis coronaria* semen,
 Galenus ait, calidum est secundo quodammodo ordine, &
 siccum eodem modo; cum vino potum, à *Scorpione* ictis au-
 xiliatur, auctore *Dioscoride*.

DE LYCHNIDE SYLVESTRI.

CAP. XIII.

SYLVESTRIS *Lychnis geniculatis* caulibus, folijsq;
 mollibus, *Coronariae Lychnidi* satis similis est; minus tamen
 cana, aut lanuginosa; folijs item angustioribus, & caulibus
 tenerioribus, pluresq; alas facientibus; floribus etiam mino-
 ribus, colore candidis aut rubetibus; calycibus tamen maio-
 ribus, in quibus semen paruum rotundum subnigricans; ra-
 dicibus longis & digitalis subinde crassitudinis. Iuxta præ-
 torum,



torum, aruorumq; margines, & alibi sua sponte exit; transfertur etiam in hortos, in quibus quandoq; florū foliola multiplicat. Plurima aestatis parte, & in Autumnum vsq; floret.

NOSTRI Flenettekens appellant: Germani etiam *Margen rosclin* / & *wilde Margen rosclin*: item *Ljdweyck* & *widerstolz*: Galli *Oeillets sauuaiges*: Græcis *λυχνὶς ἄγρια*: Latinis *Lychnis sylvestris* dicitur.

SUNT tamen & alia sylvestres appellata & cognominata *Lychnides*, huic haud similes. *Sylvestris* etenim *Lychnis Antirrhinon* quoque auctore *Dioscoride*: & similiter *Leontopetalon* *Apuleio* teste appellatur.

SUNT verò huic *Lychnidi* & alia quoq; quedam nomenclatura, ut: *τραχύρατον, ἀτόκιον, ἱερακοπόδιον, λαυπάς*, & apud Romanos *Intybum agreste*, quæ inter nothas & reiectitias reperiuntur. Ex recentioribus plerique *Saponariam* hanc nuncupant, est tamē & alia *Saponaria*, de qua inferius. Nonnulli etiam *Ocimastrum* esse videtur; at *ὀκιμοειδές* siue *ocimastrum*, *Ocimo* folijs simile est, ramosq; habet breues dodrantales modò, radicemq; tenuem & superuacuum. *Lychnis* verò hæc caules promit cubito longiores, folia oblonga *Ocimo* nullatenus similia, & radices longas crassasq; quæ manifestam contradictionem, & euiden-tem huius cum *Ocimastro* differentiam ostendunt.

CÆTERVM *Lychnidis sylvestris* semen, duarum drachmarum pondere potum, biliosa per aluum ducit, & à scorpione ictis co uenit: aiunt etiam scorpiones torpescere, & ad ledendum inefficaces reddi, hac herba ipsis apposita: auctor *Dioscorides*.

DE NIGELLASTRO. CAP. XIII.

NIGELLASTRVM folijs est oblongis, angustis, acuminatis, culmo cubito altiore, rotundo; virisque hirsutis
& pi-



& pilosis; flore purpureo obscuro ad puniceum inclinante, *Lychnidis sativæ* simili sed minori; semine nigro, cum asperitate quadam amaro, quod in oblongis capitulis, sitæ calycibus vti sylvestris *Lychnidis* continetur; radice tenui. In segetibus passim provenit; intra quas Maio & Iunio flores.

GERMANI, rāden/ ratten/ kornros/ kornnegelc/ Belgæ, *Lozentrosen* & *negelbloemen* appellant: Itali *githone* siue *gitthone*. Vnde pleriq. similitudine vocis inducti, verum ac legitimum *Gith* siue *Melanthium* esse crediderunt: quos à veritate recessisse notius est quàm refelli debeat. A vero siquidem *Melanthio* non solum folijs, sed & alijs proprietatibus differt. Appellatur tamen & *Gith* siue *Melanthium*, à semine nempe nigredine, verum non simpliciter sed cum adiectione aliqua, ad differentiam legitimi *Melanthij*. Hippocrates siquidem *μελάνθιον ἐκ τῶν τρυῶν*, hoc est, *Melanthium* ex tritico. Octavius Horatianus *Gith* quod in segete nascitur ipsum nominat: & eandem ob causam ab huius ætatis doctis, *Nigellastrum*, *Githago*, & *pseudomelanthium* dicitur. Ruellius à Gallis *nielle* & *florem micaucalū* refert appellari, & Theophrasti *ἄνθεμον φυλλῶδες* esse iudicat. Sed *Anthemion* Theophrasti, *Anthemis* est apud Dioscoridem, & *ἄνθεμον φυλλῶδες* siue *foliosum Anthemidis* species, cum *Nigellastro* parū conveniēs.

CATERVM *Nigellastri* semen, calidum & siccum secundo est ordine satis intenso: in pessa cum melle subditum menses euocat; vt Hippocrates in lib. de morbis muliebribus testatur. Octavius Horatianus, semen frictum & tritum ad auriginem bibendum exhibet.

DE CYANO FLORE. CAP. XV.

CYANO flori caules angulosi; folia verò oblonga sunt, acuminata, per oras aliquo modo angulosa, in virore albicantia;



cantia; capitula in summo cauliculorum rotunda, turbinata, & in angustius se contrahentia ex multis parvis veluti squamis sibi inuicē impositis, conii alicuius parui modo composita; è quibus flores erumpunt ex multis quasi simbrjjs pulchra serie in orbem digesti, colore cerulei; semen paruum, forma oblongum, laue, splendidum, superiori parte barbatulum, Centauri maioris semini simile, sed minus & candidius, quod in ipsis capitulis siue calycibus, inter eas, quæ in ipsis gignuntur mollibus pilis, reperitur: radices tenues, fibris quibusdam capillatæ. Nascitur in agris frumentarijs, vnà cum tritico, secali, hordeo & alijs frugibus: seritur & in hortis, qui cultura mangonio colorem saepe permutat, modò albicantis, modò purpurei, & eius, aliàs dilutè rubentis, aliàs ad puniceum inclinantis. Maio vnà cum frugibus florere incipit, deinde Iunio & Iulio floret.

CYANO flori, ab ipso ceruleo colore, nomen veteres dedere. Recentiorum plarique Vernaculam Germanorum appellationem secuti, florem frumentorum nuncupant. Germani etenim *kornblumen* & *blauw kornblumen*: & Belgæ similiter *Tozenbloemen* appellant. Galli Blauoeole, Aubifoin, aut bluet, dicunt. Ab Italis fior Campefe, & battifecula siue baptifecula nominatur: quasi Blaptifecula, quòd metentibus & secantibus officiat, re-rufa in eius occursu falce.

PRÆTER verdè & hunc, & alius est Cyanus maior, 2 folijs oblongis, pollice latioribus, mollibus, lanuginosis, albicantibus, Verbasci tamen folijs & minoribus & nigrioribus: cauliculis dodrantalibus: capitulis etiam squamosis vti alterius: floribus quoque similibus & ceruleis, sed ad purpuram nonnihil vergentibus, ac maioribus: radicibus, quæ crassius hæreant fibris, & durabilis natura, singulis annis re-germinant. In syluis & montosis Trago teste reperitur: no-



stri in hortis serunt. Aestate floret. Germani wald korn=
blumen appellant.

CYANVS maior appositè dici potest. Thryallis Ver-
basci species nonnullis esse videtur, sed Thryallis, ut superius
scripsimus, flore rubet.

PORRO facultates horum florum, nondum satis com-
perta sunt; cum nullum in medicina vsum habeant. Vide-
tur tamen Cyanus prior, siue frumentorum flos, refrigeran-
tis nonnihil esse potentia, atque hinc oculorum inflamma-
tionibus posse prodesse; quod à plerisque ei ascribitur.

DE FLORE REGIO. CAP. XVI.

REGIO flori caules exeunt subito altiores, rotundi, in
ramulos complures diuisi; circa quos folia tenuia, multipli-
ci sectione diuisa, Abrotani folijs maiora, è virore nigrican-
tia: & ad superiores eorundem partes, flores pulchri, ordine
& spicatum digesti, quibus à tergo paruum veluti cornicu-
lum, angustum & acuminatum veterum calcaris similitu-
dinem referens: colore aut candidi, aut purpurei, aut ceru-
lei: siliqua inde oblonga, rotunda, subnigra; in quibus se-
men angulosum & nigrum. In hortis & colitur & singulis
annis feritur.

EXIT etiam in agris frumentarijs, latiori solo, sylue-
stris: qui folijs, floribus, siliquis, semine, satiui similis, humi-
lior tamen; in singulis etiam ramulis flores pauciores, & co-
lore tantum caeruleo.

FLORET yterque astiuis mensibus; & diutissimè hor-
tensis.

APPELLATUR à Germanis Bitter sporn: à no-
stris Ridder sporen/ hoc est, equitis calcar, & Italicè
Sperone de cattalliere: à Gallis pied d'alouette, id est,



Pes Alauda: Latine flos equestris, & flos regius: à nonnullis *Consolida Regalis*, qui hanc stirpem inter consolidas appellatas referunt. *Valerius Cordus* calcatrippam nominat: sed *Ioannes Ruellius* calcatrepam siue chaucetrepam, in spinosarum stirpium numero censet. Videtur etiam esse *Delphinium*, cuius apud *Dioscoridem* lib. 3. descriptio occurrit, cum quo convenire potest, si τὸ δελφινοειδὲς non ad folia, sed ad flores contrahatur. Quo modo in vetustis quibusdam exemplaribus legi, memini me olim audivisse ex *Gerardo à Veltvÿck* *Caroli V. Imp.* apud *Turcorum Imp.* legati, qui sibi *Constantinopoli* visum exemplar referebat, quod *Delphinio*, non folia, sed flores *Delphinorum* specie esse, haberet. Quae lectio si vera est, florem *Regium*, *Delphinium* esse satis evidenter commonstrat. Nam flores quidem & potissimum prius quàm completi sunt, speciem quandam ac similitudinem eorum *Delphinorum* exhibent, quos recurva, repandaq; figura, veteres pictura, & nobilium aliquot familiarum auita insignia, exprimunt: qua etiam imagine celestis *Delphin* representatur. Neque refert quòd spurium aut adulterinum de *Delphinio* caput existimetur, tamen si enim alterius cuiusdam & non *Dioscoridis* sit; est alicuius tamen veterum, ex quo *Dioscoridis* libris accessit.

DESCRIBITUR autem *Delphinium* his verbis: *Delphinium*. Δελφίνιον κλωνας ἀνίσι δισπιθάμους ἢ καὶ μείζονας ἀπὸ μιᾶς ρίζας, περὶ οὓς φυλλάρια ἐπισχισμένα, λεπλὰ ἐπιμήκη, δελφινοειδῆ, ὄθεν καὶ ὠνόμασται, ἀνδρὸς δὲ ὁμοιον λευκίσφ ἐμπόρφυρον. σπέρμα ἐν λοβοῖς κέχρη ἐμφερές. Deinde inferiū & alterū *Delphinium*. Δελφίνιον ἕτερον καὶ αὐτὸ ἐμφερές τῷ πρὸ αὐτοῦ. τῷ δὲ φύλλοις καὶ τοῖς κλωνίοις ισχνότερον πολλῶ. Quorum verborū hic est sensus: *Delphinium* surculos emittit duorum dodrantum, aut maiores ab una radice: circa quos folia fissa, tenuia, oblonga, *Delphini*

specie : vnde & nomen accepit : flos similis Leucoio purpureus : semen in siliquis milio proximum . Delphinium alterum, etiam ipsum simile superiori, sed folijs & ramis gracilius multo.

HARVM duarum descriptionum prior, voce Δελφινίου ad florem relata, mutanda, & hunc in modum legenda veniet. Delphinium surculos ab vna radice emittit duorum dodrantum, aut maiores : circa quos folia fissa, tenuia, oblonga : flos similis Leucoio, purpureus, Delphini specie ; vnde & nomen accepit : semen in siliquis milio proximum.

ATQVE hoc modo descriptione se habente erit satius flos Regius similis primo Delphinio : sylvestris verò secundo. Sunt verò Delphinio & nomenclatura quadam alia, sed quarum plurimæ pro nothis habentur, vt διάχυστις, διάχυτος, παράλυστις, κάμαρος, ὑάκινθος, νίσιον, νηπιάδειον, σάσανδρον, κρόνιον : & apud Latinos, Bucinus siue Bucinum, & Bucinus minor.

SED vt ad florem regium reuertamur, non desunt, qui & ipsum Cuminum sylvestre alterum Dioscoridis esse velint, quæ Matthioli est sententia, & veritati multum consona. Cum eius siquidem descriptione similitudinis tantum, quantum quæ plurimum habet. Est etenim folijs tenuibus, satiuo cumino satis similibus, & à singulis floribus cornicula in sublime erigit : semen deinde Melanthij profert : quale sylvestre Cuminum alterum esse Dioscorides tradidit ; ipsum his verbis delineans. ἔστι καὶ ἕτερον γένος ἀγρίου κυμίνου ἐμπερὲς τῷ ἡμέρῳ, ἐξ ἐκάστου δ' ἀνδρὸς ἀφίησι καρτία μετώρα, ἐν οἷς ἐστὶ σπέρμα ὁμοιον μελανθίῳ, id est, Est & alterum genus sylvestris Cumini, satiuo simile, ex singulis floribus cornicula sublimia proferens, in quibus semen Melanthio simile.

Cuminum
sylvestre
alterum.

ET esse potest, ut idem sit Cuminum sylvestre alterum, & pariter Delphinium; præsertim Delphinij descriptione accessoria, & ex aliquo alio auctore in Dioscoridis exemplar translata. Crebrò siquidem eadem stirpes, alijs nominibus, à diuersis scriptoribus appellantur.

CÆTERVM sylvestris alterius Cumini semen potum, ad serpentium morsus remedium est optimum: auxiliatur & ijs, qui vrina stillicidio laborant, calculosis, & his, qui sanguinis grumos mingunt: sed his Apij semen feruifacuum postea bibendum est: auctor Dioscorides. Delphinij verò semen potum in vino à scorpione ictos, ut nullum aliud, auxiliatur. Aiunt scorpiones apposita herba resolui, ignauosq; ac torpidos fieri; semota verò, sese recolligere.

DE CALENDVLA SIVE CALTHA.

CAP. XVII.

CALENDVLÆ folia dilutè virent, oblonga, aliquantulum lata, mollia, nonnihil lanuginosa: caules foliosi, striati, fungosa intus medulla, in plures alus diuisi: flores in summo pulchri, rotundi, multiplices, cum grauitate quadam aliquantulum odorati, diluti croci auriue purioris colore, in quorum medio multa breuia, simul compressa, lutea vel subnigra stamina; semen à singulis floribus numerosum, recuruum: radices fibrosa. In hortis & cultis prouenit: circa Monspelium etiam sua spontis, Gesnero teste. Ab Aprili aut Maio mense in hyemem vsque floret: qua etiam clementi flos eius emicat.

CALENDVLAM recentior ætas appellat; quod serè singulis mensium Calendis florere conspiciatur. Germani Ringelblumen: Belgæ Boutbloemen ab auri amulo floris colore. Galli Soucie & Soulsic. In Hetruria, inquit



Matthiolus, Fiorancio . Sunt qui Solsequium vocitent; quia sub vesperam flos contrahatur : non est tamen Heliotropium , multo etiam minus Scorpioides , vt plerique temere crediderunt : sed veterum potius est Caltha . Vergilius etenim & Columella Caltham florem esse ostendunt , luteum aut flauum colore . Et Vergilius quidem in Georgicis ægloga secunda, sic scribens:

Mollia luteola pingit Vacinia Caltha.

Columella verò in hortis libro decimo, his verbis:

Candida Leucoia & flauentia lumina Caltha.

PLINIVS autem lib. 21. cap. 6. Caltham etiam grauiter odoratam esse ait. qualis in totum Calendula est, quæ vt diximus, cum grauitate quadam odorata , & auri colore luteo splendet.

CÆTERVM facultate flos quidem Calendula calidus est , secundo propemodum ordine ; præsertim reficcatus & aridus: creditur cor corroborare, venenis resistere, & aduersus pestilentes febres, quocunque modo sumptus, efficax esse . Fuchsius ex vino potum menses ciere , & suffitum secundas educere, scriptum reliquit.

HERBÆ, autem folia calidiora sunt , acrimoniam enim quandam ferusdam habent , sed quæ propter humiditatem ei coniunctam non protinus se exerit, ratione cuius in olere sumpta , aluum mouent & leniunt . Fuchsius succum dentium dolores sedare scribit, si os eo colluatur. Alij ad idem puluerem foliorum cum xylino dentibus admovent . Sunt etiam qui herbam acetarijs admisceant.

EST verò & alia præter hanc Caltha , Alpina à Ges-
nero cognominata ; folijs plantaginis , radice acri & aromaticæ ; flore Calthæ aureo: nascitur copiose in summis Alpium prætiis.

² Caltha Alpina.

INTER Calthas numerandus etiam videtur flos cognomento Aphricanus. Huius duæ sunt species; vna minor, humilis, ramulis cubitalibus, per terram plurima parte stratis: altera maior, procera & erecta, ad tres vel amplius cubitus assurgens.

FOLIA virique sunt secundum caules striatos multa, oblonga, ex multis singularibus per ambitus crenatis, coniuncta; tanacetii folijs propemodum similia; quæ cribri modo, soli aut lumini opposita, perforata cernuntur: flores in summis ramorum surculis ex longis calycibus ampli, rotundi, ex octo aut decem foliolis congesti, inferius luteis, superiori verò parte in fuluo rubentibus, & obscure rubens villosum holosericum amulantibus; inter quæ media exeunt stamina lutea: semen nigrum, forma oblongum & tenue: pro radicibus fibræ. Est utraque species, cum folijs, tum floribus grauitè odorata. Vtriusque etiam flores, sed maioris frequentius, subinde multiplicantur; quorum foliola ab utraque parte ut plurimum lutea. Apud Belgas, Germanos & alibi, in hortis colitur, & singulis annis feritur. In Aphrica plerisque locis sponte prouenit: vnde primum in has regiones inuectus: quando videlicet D. Carolus V. Roma. Imp. apud Tunetum celebri potitus esset victoria: ex quo illi & Aphricano aut Tunetensi cognomen. Minor Iunio, deinde & reliqua æstatis parte: maior Augusto demum mense flores edit.

BRABANTI Flandriq; vulgo Thunis bloemen nuncupant. Germani Indianisch blumen & India-nisch negelin id est, florem aut caryophyllum Indicum: vnde & Gallis Ocilletz d'inde. Cordus Tanacetum Perunianum



Petilius
flos.

ruuiantū appellat : à similitudine videlicet tanaceti & Perū America provincia , ex qua primum in Europam illatus , à Germanis creditus est . Gesnerus Caltham nominat Aphricanam, & Punica lingua Pedua, ait, vocatur. Sunt qui velint Plinij Petilium esse florem. Sed Petilius flos est autumnalis , circa vepres nascens , tantum colore commendatus , qui est Rosa sylvestris : folijs parvis quinis ; calyce paruo, versicolore, luteum semen includente. Mirum est in eo flore, inflecti cacumen , & non nisi retorto folia nasci . Plinius lib. 21. cap. 8.

ANDREAS Lacuna, Othounam herbam esse, suspicatus fuit , cum cuius tamen descriptione, haud per omnia flos iste conuenit: nisi forte squalidior, & paucioribus folijs, Eruca similioribus , manifestiusq; perforatis in Aphrica, quàm in Europa nascatur. In hac etenim amplius, multifolius , folijs Tanaceto , quàm Eruca similioribus , ijsq; non verè perforatis , sed quæ talia lumini opposita tantummodo apparent, gignitur.

ET non rarò quidem euenit, ut ex feruenti, calida sicq; regione ; & sterili , aut inculto , & aprico solo, in humidius cultiusq; , vbique calum clementius , translata stirpes luxurient . Nam soli caliq; mutatio , ad stirpium mutationem plurimum habet momenti ; & maximè accedente cultura mangonio . Quæ tamen an tantum potuerit , ut florem hunc totum penè transformauerit , expendendum relinquimus.

Othonna.

EST autem Othonna, Troglodytica quadam herba, in eo Arabia tractu nascens , qui ad Aegyptium spectat : ἐχαι δὲ, Dioscorides ait, τὰ φύλλα εὐζώμῳ ἐμπερῇ, πολύτρητα ὡς περ σπτόκοπα, ψαφάρᾳ, ὀλιγόφυλλα. ἄνθος δὲ φέρει κρόκινον, πλατύφυλλον, ὃθεν ἔδοξαν ἀνεμώνης αὐτό τινες εἶδος εἶναι: hoc est, folia habet Eruca similia ; foraminosa, veluti à tinea

rincis erosa : squalida : paucifolia : florem fert crocinum , latifolium : quare quidam Anemones speciem esse putauerunt.

GALENVS lib.4. de simpl. medic. facult. Lycopersii ^{Lycopersium.} cuiusdam herbe meminuit , cuius succum Centurio quidam ex Barbarica circa Aegyptū regione comportauerat , odore aded graui, adeoq, inameno, vt ne gustare quidem ipse ausus fuerit Galenus, sed lethalem esse conijceret: vtebatur autem eo Centurio ille ad vrgentes articulorum dolores : atq, ipsis etiam laborantibus refrigerandi facultate pollere visus est. Est autem, Galenus ait, colore subflauo : odore tam graui, quā Cicuta : nisi quod leuem quandam instar aromatum odoris adferat gratiam. Nomen herbe ex qua succus hic exprimitur, Lycopersium esse dicebat. Quali autem praeterca sit forma, Galenus non addidit : ideoq, etiam an Lycopersium flos Aphricanus sit, definiri absolutè non potest. Videtur tamen illi, si non idem, simillimus. folia etenim, & praesertim flores graui admodum & ingrato praedita sunt odore : qualitateq, venenosa, Cicuta proxima. Cuiusmodi autem eius expressus & resiccatus succus, nondum quidem obseruasse nos confitemur : verosimile tamen est, ex floribus haud alterius, quā flauī aut sublutei coloris, & graeolentem futurum.

VENENOSA autem & refrigerandi potentia, florem Aphricanum donatum esse, odor ingratus, caput aggrauans, Cicuta similis, qualis Lycopersii succo, ostendit : deinde & experimētis nonnullis constat. Memini etenim in puero, qui flores mandere inceperat, labia & os inflata me vidisse ; sicuti crebro is accidit, qui Cicuta fistulis ludentes aut modulantes, intra labia eas aliquandiu continuerunt. Feli etiam flores cum calycibus, recenti caseo permistos olim dedimus, quae mox valde inflata, & paulo post mortua fuit.

Mures

64. DE CARYOPHYLLEIS FLORIBVS.

Mures quoque qui semen arroserant, mortui feruntur reperti. Quæ omnia venenosam & deleteriam huius herba facultatem ostendunt: & non audiendos esse eos, qui hanc Tanacetum vel Arthemisia speciem, aut innoxiam stirpem fore autumant.

DE CARYOPHYLLEIS FLORIBVS. CAP. XIX.

CARYOPHYLLEORVM florum species quidem sunt complures, armerijs nuncupatis in horum numero repositus; ijs autem relictis dua præcipuè: vna maior, altera minor.

MAIORI caules laues, teretes, cubitales sunt aut altiores, geniculati: folia è singulis geniculis bina, oblonga, dura, angusta, per extremum acuminata, colore quasi casia: flores speciosi, ex longis, teretibus, denticulatis calycibus, & è senis vt plurimum, qui simplices sunt; ex pluribus verd multiplices, ijsq; lentè fimbriatis commissi; odore admodum suauis & odoratos Indicos caryophyllos referentes; colore aliàs in diluta purpura, aliàs in saturata rubentes, subinde candidi aut ex candido purpurascents, interdum versicolores; in quorū medio staminei emicant gemini apices candidi: semen in vasculis oblongis paruum & nigrum: radices fibrosa. Habentur in hortis; sed speciosissimi ferè in fictilibus vasis. Seruntur frequentius atulsis exiguis cum folijs furculis; seminibus rarius. Nam è semine nati, ad agrestem naturam redeunt, floresq; minores, minusq; odorati, & simplices; etiam si prius multiplices, redduntur. Adiguntur subinde furculis cum plantantur fistis Caryophylli; quo illorum odorem flores alliciant, & iucundam eorum suauitatem naribus abundantius representent. Viuax est planta, & multis



& multis durat annis, si hybernis mensibus, à frigoris iniuria tuta, in cellis vinarijs aut alijs similibus locis tepidis asseruetur. Floret diutissimè, tota quidem astate & Autumno: in cellis etiam interdum, fauente loci tepore, hyeme tamen si rigida.

CARYOPHYLLEVM florem, ab odore Caryophyllorum recentiores nominant: Germanis *Regelblumen* / *Brasblumen*: Italis *Garofoli*: Gallis *Oeilletz*, *Ouilletz*. Belgis *Biuoffelbloemen* & *Broffels bloemē* / & Latine à plarisque *Ocellus*, *Ocellus Damascenus*, *Ocellus Barbaricus*, & *Barbarica* nuncupatur. Sunt etiam, qui *Betoniam*, aut *Vetoniam* siue *Vettoniam* appellent, alii-lem aut *coronariam* cognomento; (*Matthiolus Vettonicum coronarium* dicere maluit) ad differentiam videlicet alterius *Betonicae*, quæ Græcis *κίττον* & *Ψιχότροπον* dicitur; atque hinc etiam herbam tunicam dictam, hanc esse plerique existimant: sed *Bernardus Gordonius* herbam tunicam *Dioscoridis Polemonium* esse tradidit. *Turnerus Caryophylleū Cantabricam* facit, quam *Plinius* lib. 25. cap. 8. in *Hispania* inuentam scribit, per *Diui Augusti* tempora, à

Cantabrica

Cantabris repertam. Nascitur vbique, ait, caule iunceo, pedali; in quo sunt flosculi oblongi, velut calathi: in his semen perquam minutum. *Leonhartus* verò *Fuchsius*, *Vetoniam* siue *Betoniam* alteram esse voluit, quæ inter notha *Dioscoridis* descripta reperitur; & quidem his verbis: *Βεττονική γεννᾶται ἐν χορτοκοπείοις καὶ ὄρεινοῖς τόποις, καὶ καθαροῖς, καὶ ἡμέροις, περὶ τὰ γεννίματα. ἔχει δὲ τὴν μὲν ῥίζαν ὅλην ἐρύθραν, καὶ εὐώδη. τὰ δὲ φύλλα πράσινα. καὶ τὸ μέσον τῶν φύλλων φοινικῶν. καὶ εἰς τὸ ὀρθοκάλαιμον τριγώνια. καὶ ἐπ' αὐτῶν ἀνθὴ πορφυρίζοντα*: id est, *Vettonica* nascitur in pratis & montanis locis, mundis item & cultis: radicem habet totam rubentem & odoratam: folia porracea, & me-

Vettonica
altera.

dium

dium eorum puniceum, in recto calamo triangula, & in ipsis flores purpureos. Ioannes Ruellius Caryophylleum florem incognitum veteribus existimauit; cuius optimum iudicium videtur; nam certè *Vettonica* altera, aut *Cantabrica* parum flos isle similis est. Mirum creditu, ait, vt tam celebris flos, tamq³ iucundus, fuerit à veteribus silentio prætermisus: qui amplitudine, pulchritudine, varietate, *Rosa* non inferior videri potest.

ALTERA & minor Caryophylleorum species, priori² tenuibus caulibus folijsq³ simillima est, vtrisq³ tamen minoribus: flores etiam habet ex oblongis, paruis & teretibus calycibus similes, verùm minores & per ambitum magis dissectos ac simbratos; colore candidos, aut è candore purpurascens. Apud Belgas in hortis nascitur; Gesnerus autem apud Germanos in pratis humidis etiam reperiri refert. Aestate flores emicant.

VETTONICAM altilem siue coronariam minorem, aut alteram nonnulli nominant; Germani *Butwiller* aut *Hochmüt*; atque hinc etiam à plerisque *superba*: Nostrum *Pluymkens* à flosculorum folijs simbratis & plumarum similitudine dissectis; & ceterum *Binoßlen* hoc est, Caryophylleum minorem appellant.

VSVS autem Caryophylleorum florum in medicina verè quidem nullus est, in coronis verò propè nimius; & præsertim floris altilis; qui etiam acetum iucundo sapore, & colore, auctore Ruellio, commendat. Fuchsius tamen, non modo ex floribus, quam *conseruam* vulgo appellant, verùm & radices altilis ad pestis contagia à recentioribus commendari; syluestris verò succum calculo atterendo ac educendo, nec non comitiali morbo laborantibus vtilem credi, scriptum reliquit.

ARMERIORVM florum aliquot etiam species sunt foliorum ipsius stirpis, cùm magnitudine, tum colore præcipuè differentes.

P R I M A species cauliculos habet rotundos, geniculatos, veluti Caryophyllei flores, circa inferiora genicula ut plurimum rubentes, cubito breuiores; folia plurima parte oblonga, sed aliquantulum, quàm maioris Caryophyllei latiora, colore herbaceo virentia; flosculos in summo cauliculorum paruulos exiguis Caryophylleis persimiles, verùm minores, plures simul in quandam veluti umbellam congestos, particulatim ut plurimum prodeuntes, & semper ferè cocci rubore splendentes, punctis interim candidis circa medium interdum variegatos, rarissimè candidos. Ornat hic flosculus Belgicorum hortorum areas: apud Italos & alibi locis incultis & aridis exit. Gesnerus circa Gryphij lacus ripas in Heluetia à se repertum scribit: prouenit & alicubi in Belgio locis desertis, iuxtaq; aruorum & pratorum margines ac scrobes, sed multo quàm in hortis minor & tenuior. Maturè & Aprili sæpe mense aut Maio floret, Caryophylleos flores antecedens: plurima inde aestatis parte viget.

G A L L I Armoires & Armoiries appellant: Ruelius Armeros flores hinc nuncupat: Germani **Donder negele**/felt negele: Belga **keykens**/quasi dicas fasciculum. florū etenim fasciculos nostri propria lingua **keykens** nominant. Caryophylleorum florum species quadam sylvestris videtur; quam ob causam & à recentiorum quibusdam *Vettonica* agrestis aut sylvestris dicitur: nec desunt qui tunicam herbam esse volunt: sed nihilo magis hic, quàm Caryophylleus cum *Vettonica* altera aut *Polemonio* conuenit.

A L T E -



- 2 ALTERA Armeriorum species folia circum caules geniculatos, multo fert latiora, maiora & crebriora, nec non candidiora, Constantinopolitani floris folijs haud multum dissimilia: flores in umbella vna plures simul congesti, pulchri, rubentes, exiguis candidulis punctis ornati, prioribus Armerijs similes sunt. In petrosis collibus & asperis, sabulosis apricisq; locis, apud Germanos & alias nationes nascitur; à Belgis in hortis seritur, vbi secundo anno cum alijs Caryophylleis aestate floret.

GERMANI Steinnegele vocāt, aliqui Scarlatam à rubeo floris colore coccū referente. Et syluestri hic Caryophylleus est, veluti & pracedēs: vterq; certè nulla cura eget: natura sua viuax; & hyemis iniuriā nō difficulter sustinet.

- 3 IÀM & tertia quadam est Armeriorum florum species cauliculis rotundis, geniculatis, tactu glutinosis, pedis altitudine; folijs ex singulis geniculis binis oblongis angustis acuminatis, in virore candicantibus & quasi cassis: floribus in umbella similiter pluribus simul congestis, pulchris, Armerijs similibus, verum minoribus & rubentis diluta purpurea colore: semine in oblongis vasculis pusillo: radicibus tenuibus ac fibrosis. Seritur in hortis. floret à Maio aut Iunio mense in Autumnum vsque, & eodem quo sata est anno.

SUNT qui velint Limonij aut Behen siue Been, vulgo nunc dicti, speciem aliquam esse, propter eam quam cum Behen rubentis floris, quod Matthiolus Limonij speciem facit, similitudinem habeat. Nam cauliculis geniculatis & folijs illi aliquantulum sed colore similior est. Caules tamen breuiores & teneriores, foliaq; minora; color verò leuitasq; foliorum in vtriusq; ferè eadem. At nos hanc stirpem non Behen, aut Limonium, sed Armeriorum florum speciem aliquam esse autumamus, quam ob causam & tertium ei, inter eos locum fecimus.



4 PRÆTER hos verò & alia quadam est, vel Caryophylleorum vel Armeriorum species, omnino, vbiq̃ue, & apud Belgas quoque syluestris: cauliculos habet dodrantales: folia è singulis geniculis bina, parua, acuminata: flores in cauliculorum summo singulos, per ambitum simbriatos, Caryophylleis minoribus, & forma, & magnitudine satis similes, colore verò cocci diluto rubentes. Exit passim in pratis & locis riguis. Maio & Iunio mensibus flores potissimum conspicui.

BELGÆ *Cracypenbloemkens* appellant, id est, Cornicis flores.

CÆTERVM Armeriorum omnium istorum flores, nec vllum quoque, aut in medicina, aut in cibatu vsu habent: sed coronarij sunt & hortos ac corollas exornant.

DE FLORE CONSTANTINOPOLITANO. CAP. XXI.

CONSTANTINOPOLITANO flori caules sunt è radice plures, bicubitales, tenues, geniculati, inanes: folia è singulis geniculis bina, oblonga, aliquantulum lata, acuminata, obscure virentia, nonnihil aspera & hirsuta; sicuti & caules: flores in latis vmbellis, multi simul congesti, aspectu pulchri, caterùm inodori, colore floris Calendulae, vel purpurei lilij, siue maturi mali anarantij corticis, subinde candidi: semen in oblongis acuminatis vasculis exiguum & subruffum: radices longa, in plures tenues diuisa, gustu aliquantulum acres. Belgis, peregrinus est flos: seritur in hortis. Iunio & Iulio altero à satione anno floret, deinde pluribus sequentibus alijs. Radice etenim constat viuaci: diuq̃, durat, hyemis & frigoris patiens.

2 EST & huius altera & minor species, cubitalis, aut paulo



paulo altior, rarioribus floribus, qua primo anno flores profert: Gesnero teste.

NOSTRI vulgo Constantinopolitanū appellant florem: Germani verò florem Hierosolymorum: Aldrouandus Creticum cognominat. Sunt qui velint Lanariam nuncupatam Latinis radicem esse, qua Gracis στρούδιον: Arabibus Condisi dicitur, qua ad purgandas lanas, qui eas eluunt, olim utebantur; quos veritatem minus assecutos esse evidentius est, quàm ut refelli debeat. Neque enim spinosa aut aculeata huius floris stirps est, quale Struthion esse Theophrastus & Plinius referunt: radicem etiam non habet magnam; aut Olea folia, vti Struthio sunt.

Pothus
flos.

NON deerunt autem fortasse, & qui florem hunc Constantinopolitanum, πόδον veteribus dictum florem esse suspicabuntur, quem Gaza Latinè desiderium vocat: quorum sententiæ cur aduersetur, modò non habemus. Pothum enim florem Theophrastus, Plinius, & Athenæus, inter astiuos reponunt, duorumq; esse generum referunt: vnum hyacintho similem, alterum ἀχροῦν non coloratum siue candidum. Constantinopolitanus autem, astiuus mensibus floret, & colore vel hyacinthum scriptum, quem purpureum Liliū vocant, proximè refert, vel candidus est. Quæ magnam Constantinopolitani floris cum Potho similitudinem ostendunt.

CÆTERVM flos Constantinopolitanus, præter eam, quam in hortis & coronis gratiam assecutus est, nullum, quod sciamus, medicum vsum habet: facultas eius ea de causa incomperta est.

DE SAPONARIA. CAP. XXII.

SAPONARIÆ, vulgo dictæ, caules sunt glabri, renues, rotundi, geniculati, cubitales aut altiores: folia lata, venosa,



venosa, plantaginis latifolia folijs simillima, sed tamen minor, è singulis geniculis bina, ut plurimum, & praesertim radicibus viciniora, deorsum reflexa: flores in summo cauliculorum, & circa superiora genicula multi, odorati, colore aliàs pulchro roseo rubentes, aliàs dilutè purpurascents, aut candidi, qui ex teretibus & oblongis calycibus exeunt, ex quinque foliolis commissi; in quorum medio exigua quaedam stamina: radices crassae, longae, obliquè serpentes, quibus fibrae quaedam adherent, veratri nigri radicibus similes. Apud Belgas in hortis colitur: alibi iuxta fluuios & torrentes, locis apricis, sponte nascitur. In hortis, diu durat, & vite est pertinacis. Iunio & Iulio floret.

SAPONARIAM vulgo nuncupant, ab abstergendi potentia, qua folia pollent: succum etenim quandam ex se remittunt, dum confricantur, saponis ferè modo extergentem. Ruellius tamen & aliam quandam saponalem describit. Nonnulli herbam Tunicam appellant: non est tamen Vettonica coronaria, multo minus Polemonij aliqua species; quas pro Tunicis herbis haberi, Cap. de Caryophylleis scripsimus. Videri citius posset Alisma, siue Damasonium, nisi caulis ei crebro, non simplex, sed subinde in alas quasdam diuisus; & radices essent quàm veratri nigri crassiores: folia siquidem habet Alismatis descriptioni conuenientia, & globosam florum in summo caulium congeriem. Sed Alismatis tenuis est caulis & simplex; & radices similiter tenues: quae differentiam Saponariae huius & Alismatis ostendunt.

Alisma.

DESCRIBITVR enim Alisma à Dioscoride hoc modo: Alisma, sunt qui Alceam, qui Damasonium, qui Acyron, qui Lyron nominant, folia Plantagini similia habet, angustiora tamen versus terram reflexa: caulis tenuis est, simplex, cubito altior, capitula habens, Thyrsi similis:



lis : flores tenues , candidi , sublutei ; radices veluti Verratri nigri tenues , odorata , acres , subpingues : loca amat aquosa.

IDEM Plinius iisdem penè verbis lib. 25. cap. 10. depingit : sed duo eius statuit genera ; vnum in aquosis , quod quidem à Dioscoride describitur ; alterum in sylvis proueniens , nigrius , ac maioribus folijs . folium etiam ei laciniosum esse ait , quod Dioscorides omisit ; & caulem capite Thyrsi , pro eo quod ille θυρσοειδὴν eum esse scribat ; qualis sit Thyrsoides caulis sic insinuans : nempe superiore parte & crassior & latior.

Thyrus.

THYRSVS enim siue θυρσος , virga , fax aut hasta est , frondibus aut hederis obtecta , cuius fastigium pluribus frondibus aut floribus stipatur , instar videlicet globi aut pile . Sic etenim in antiquissimis quæ Romæ passim extant marmoribus depictum reperiri Thyrsum , testis est Melchior Guilandinus in epistola ad Langium ; summo videlicet cacumine globosum quiddam instar pile gestantem . Talem etiam Thyrsum esse , quarundam stirpium & descriptiones ostendunt . Acanthum enim herbam (Brancam vrsinam nominant) Dioscorides κεφαλὴν θυρσοειδὴν habere scribit ; huius autem caulis cum primum prodijt , priusquam integrè adoleuit , summa parte crassior est . Thymus etiam θυρσιον appellatur , qui in cauliculis globosum capitulum profert : vnde & κεφαλῶτος & capitatus cognominatur . θυρσὶν item Orobanche dicitur , caulis cui superiori parte crassior est : Thyrsus , iam & ferula caulis nuncupatur , qui licet sensim extenuetur , summo tamen cacumine umbellam latam & rotundam florum primum , deinde seminum plenam Thyrsi modo promit : vnde & ράβδης siue ferula , pro Thyrso subinde dicitur : atque hinc Bacchus , qui θυρσοφόρος , etiam aliquando ραβδικοφόρος appellatur à Thyrsis , qui
in eius

in eius orgijs olim quatiebantur. Quæ omnia Thyrsum virgam, baculum aut hastam esse ostendunt; globoso ex frondibus aut floribus cacumine: & θυρσοειδὴν caulem dici, summa parte sphaeroidem aut latiore. Neque repugnat nobis in Saturnalium lib. 1. Macrobius, ubi Liberum patrem cum Thyrsum tenet, latens telum gerere scribit. Nam inde Thyrsum non in exacutum cacumen, sed potius in retusum & globosum apicem desinere colligitur: ex eo enim quod latens telum dicit, ostendit ita cacumen contextum, ut agnoscere non possim; quod quidem multis fit frondibus circum compositis. Verba Macrobij hæc sunt: Colitur apud Lacedæmonios simulachrum Liberi patris, hasta insigne, non Thyrsos: sed cum Thyrsum tenet, quid aliud quam latens telum geritur, cuius mucro hedera lambente protegitur? Et de Thyrsos hæc tenus.

QUANDO QUIDEM autem Alismatis siue Damasonij mentio incidit, non prætermittenda videbatur peregrina quadam planta, quam Damasonium nonnulli esse existimant, cuius iconem nobis communicavit Ioannes Vreccomius Bruxellensis, stirpium herbarumque diligentissimus cultor. Pingitur hæc caule singulari; folijs venosis & Plantaginis similibus; flore verò magno, quatuor foliorum, dilutè rubente, è cuius medio, oui forma quiddam intus cavum eminet; radice crassa obliqua, à qua tenues fibræ dependent. Ferunt hanc in vico quodam supra Augustam reperiri, appellarique vulgo *Dapenschoen* ac Latine Damasonium. Sed & hæc nihil, aut parum admodum, multò certè minus quam Saponaria, cum Alismate, siue Damasonio convenit.

Damasonium notum.

DEPINGIT & Alisma quoddam Matthiolus, sed tamen quod minus quam istud cum vero Alismate conveniat: neque enim ei solum Plantaginis modo nervosum; neque
caulis

caulis θυγστοειδής; sed vnicum tantum florem proferens, qui à θυγστοειδής differens esse videtur.

PORRO Saponaria, calida quidem & sicca est temperie, facultate autem abstergendi non exigua prædita.

DE AQVILEIA. CAP. XXIII.

AQVILEIA folia fert Chelidonij maioris, paulo tamen rotundiora per ambitum incisa, colore in virore caerulea, quæ vulnerata nullum, multò minus luteum, succum reddunt: caulem verò cubitalem, tenuem, rubentem, & leniter hirsutum; cuius alæ singulos proferunt flores, ex quinque dependentibus concavis veluti corniculis, & totidem intermedijs, sursum erectis parvis foliolis, qui simplices sunt, compositi (multiplices etenim ex pluribus corniculis commisti sunt) colore aliàs caerulei, aliàs in rubro purpurei, aliàs candidi vel ex candido purpurascens, subinde varij & ex caeruleo candidoq; permixtis relucens; erumpentibus è medio staminibus, à quibus parvi apices dependent: siliqua post singulos flores quinq; surgunt, in quibus semen paruum, nigrum & splendens: radices subsunt crassæ fibrosæ, quæ pluribus annis durant. In Belgij & Gallia hortas infertur: in Germania & alibi, in apricis collibus, syluosis montibus & pinguibus pratis spontè gignitur. Flores Maio & Iunio vigent.

RECENTIORES Aquileiam aut Aquilinam nuncupant: Germani Agley & Ageley; nostri Akeleyen. Galli Ancoiles, ou Ancolye.

QVIBVS autem viribus prædita, nondum satis compertum; nullum siquidem alium vsum habet, quàm quòd coronas & hortos exornet. Tragus tamen semen, drachmæ pondo cum croci obolo in vino, iocinoris obstructione & morbo



morbo regio laborantibus vtiliter dari scribit ; sed eum qui assumpsit diligenter coopertum , sudare deinde oportere. Plerique ei Aegylopiis , alij Centaurij maioris vines , sed temerè & citra omnem rationem tribuunt.

DE ANTIRRHINO. CAP. XXIIII.

ANTIRRHINO caules sunt rotundi, glabri, fragiles, & ramosi: folia multa vt plurimum oblonga & acuminata, Linaria similia sed maiora ; subinde breuiora latioraq̃, & Anagallidis similia: flores secundum caules superiori parte ordine digesti, forma oblongi, anteriori parte latiores, dum conclusi, vt nascuntur, permanent rana ori quodammodo similes ; aperti verò hiantis leonis rictum referentes ; colore roseo rubentes, aut candidi, vel ex candido dilutè purpurascetes, non rarè etiam sublutei ; eius videlicet cuius folia sunt latiora & breuiora: quos deinde capitulum sequitur, oblongum, anteriore parte angustius & foraminosum, narium vituli, aut canini capitis similitudine ; in quibus semen paruum & subnigricans : è radicibus non magnis fibra dependent. In hortis apud Belgas, Italos, Germanos, & alibi seritur. Maio mense, quod hyemem superauit, & reliqua deinde aestate, floret : serius verò & sub aestatis finem, eiusdem anni vere, satum. Hyemem autem, nisi clemens admodum fuerit, aut in cellis vinarijs repositum, absque iniuria in Belgio non sustinet.

GRÆCIS ἀντίρρινον ἢ ἀντίρριζον, si nō vitiosum Theophrasti exemplar, & ἀνάρρινον dicitur : Latinis similiter Antirrhinum. Auctore Galeno etiam βουκράνιον & λυχνὶς ἄγρια, siue Lychnis sylvestris, nominatur. Apuleius etiam ἀμέθυσον, πικνικόν, κυνοκεφάλιον, Canis cerebrum, herbam siminiam, Venustam minorem & Opalim gratam, appellat.



lari refert. Creditur quoque esse Leo herba, quam inter flores Columella lib. 10. refert. sic scribens:

Narcissiq³, com. 15, & hiantis saua Leonis

Ora feri.

Item & infra:

Ofcitat & Leo.

Gesnerus tamen hunc Leonem, Aquileiam esse existimavit, quam ea de causa Leontostomium nuncupavit: sed hoc nominis Antirrhino magis convenire, quam Aquileia, nobis videtur. Nam illius hians flos, Leonis rictum citius, quam huius, refert.

EST verò & alius Leo, qui $\delta\sigma\pi\rho\lambda\acute{\epsilon}\omicron\nu$, & leguminum Leo dicitur, alio nomine Orobanche, de quo in Frumentorum historia egimus.

EST & alia Amethystos herba, cuius Plutarchus meminit, $\chi\epsilon\acute{\alpha}\mu\epsilon\kappa\eta$ videlicet: de qua alio loco, in Olerum videlicet agetur historia.

BELGÆ, Antirrhinum, *Orant* appellant.

CÆTERVM Antirrhini semen inutile in medicina, ut Galenus ait, est. Herba verò ipsa aësimilis cum Bubonio facultatis, sed multo minoris.

NARRANT, inquit Dioscorides, appensum veneficij aduersari: & gratiam conciliare, si quis eo perunctus sit cum oleo liliorum, aut Cyprino.

APVLEIVS, radicis in aqua decoctum, fotu epiphoras oculorum, celeriter lenire refert.

DE ANTIRRHINO SYLVESTRI SIVE MINORI. CAP. XXV.

PRÆTER hortense Antirrhinon superiori capite descriptum, & aliud reperitur, tota sua natura sylvestre, quod satiuo & minus, & humilius est, & aliquantulum, sed tamen modicè hirsutum. Cauliculi huic quoque sunt tenues, ramosi:



ramosi: folia oblonga & angusta: flores autem non ad summum caulis, sed iuxta foliola ex ipsorum sinubus exeunt, Antirrhini similes, sed minores, colore rubro purpureo, in medio lutei. Capitula similiter minora & breviora, foraminosa, hominis caluariam propemodum referentia, in quibus semen minutum: radices subsunt tenues. Nascitur multis Belgij & Germania locis, circa margines, & in ipsis agris, iuxta vias, in hortis, & alibi. Et vno quidem loco procerius ac vegetius; alio brevius & tenerius reperitur. Iulio & Augusto floret, hyeme perit: aestiva enim est herba.

NOSTRI cleyn Quant appellant: Antirrhini autem haud dubie species est sylvestris. Sunt qui velint Orontium esse, similitudine nominis inducti, cuius decocto Archigenes, apud Galenum κατὰ τόπους lib. 9. auriginosos lauandos consulit. Sed an verè ipsum sit, affirmari non potest, eius descriptione nusquam, nec nomine, alibi quàm hoc loco, extante. Quam etiam ob causam, Ianus Cornarius Orontij vocem deprauatam suspicatus est, & legendum esse, Originum; quod, Dioscoride auctore, in balneo auriginosis prodest.

PLVS similitudinis Antirrhinum sylvestre cum Phyteuma. Phyteuma. teumate habet, quod à Dioscoride, his verbis, lib. 4. describitur. φύτευμα φύλλα ἔχει ὅμοια στρουθίῳ, μικρότερα δὲ καρπὸν πολλὸν τετραμένον ἥζαν μικρὰν, λεπτὴν, ἐπιπόλαιον. id est, Phyteuma folia habet similia Struthio, sed minora: fructum multum, perforatum, radicem paruam, tenuem, terra superficiei inhaerentem. Quae descriptio Antirrhino sylvestri aptissimè & propriè conuenit. Nam quidem quod ad folia attinet, ea omnino habet Struthij minor: siquidem, vt Plinius ait, Struthium folio est Olea minori; sunt etenim eius folia oleaginis angustiora & mi-

nora. Fructum etiam siue καρπὸν copiosum habet, eumq³ perforatum; quando pro fructu totum illud capitulum, quo semen continetur accipitur, quod non raro, vti & ipsius Antirrhini capitulum, καρπός appellatur. De radicibus du- καρπός, bitari non potest, quæ tales, cuiusmodi Phyteumati tribuuntur, sunt. Quibus de causis Antirrhinon istud sylvestre verum Phyteuma esse apparet. Matthiolus tamen non Antirrhinum istud, quod olim pro legitimo exhibuit, sed Campanulam pro Phyteumate depingit: de qua superius cap. 10. vbi & improbatæ sententiæ Matthioli, & nostri iudicii rationem indicauimus.

PORRO Antirrhinum istud sylvestre nullius quidem est vsus: si autem verum est Phyteuma, ad amores profuerit. Vt etenim auctor est Dioscorides, Phyteumia ad amatoria philura commodum esse perhibetur.

DE LINARIIS. CAP. XXVI.

ANTIRRHINI species quoque quedam videntur, quas Linarias vulgo nominant.

QV ARVM vna cauliculos habet bicubitales, complures, rotundos, tenues: folia multa, angustâ, oblonga, lini folijs similia: flores luteos secundum caules iuxta summum, anteriore quidem parte Antirrhini floribus similes, posteriore verò in caudam siue corniculum quoddam desinentes, floris Regij similitudine; quos sequitur capitulum rotundum, in quo semen nigrum: radix longa, tenuis & alba.

ALTERA species huic caule, folijs & floribus similis 2 est: caulibus tamen ferè longioribus; folijs verò angustioribus; floribus paruis, multoq³ quàm alterius minoribus, in caruleo purpureis, nonnunquam etiam subcandidis aut subluteis; capitulis similiter exiguis, radicibus tenuibus & fibrosis.



NASCITUR prior *Linaria* passim secus agrorum margines, & alijs locis; altera similibus, quibusdam in regionibus exit, sed inuentur rarior. Florent Iulio & Augusto.

UTRAQUE species, *Linaria* nostris dicitur, nonnullis *Vrinalis*. Germanis, *Lynkraut* / *flaschkraut* / *harnkraut* / *onser frauwē flaschz* / *waldt flaschz* / *krotten flaschz*. Belgis *Wilt vlas*; Gallis, *Lin sauuage*. Existimatur à multis esse *Osyris*: sed *Osyris* ab hac differens est stirps, ex qua videlicet *κρόκη*, hoc est, scopas hac atate, in Italia componunt: ut & olim Galeni seculo; quam vulgo *Belvedere* nuncupant.

EST autem *Linaria* calida quidem & aliquantulum sicca temperie, & aperiendi potentia prädita; nam, ut & *Rhizotomi* nostri temporis existimant, *vrinas* decoctum eius prouocat. Addunt multi, *Regio morbo laborantibus* prodesse; quod ab *Osyride* huc translatus est.

DE AMARANTO PURPUREO.

CAP. XXVII.

CAULE *Amarantus purpureus* surgit cubitali, vel altiori, striato, iuxta radicem subinde rubente, laui, in alas quasdam diuiso; circa quem folia oblonga, lata, acuminata, mollia, glabra, colore virentia, aut in virore nonnihil rubentia: pro floribus exeunt spicae, aspectu gratissimae, ceterum inodora, in purpura splendentes, coccum saturatum qui in holoserico villosio micat, referentes, ac quodammodo coloris gratia superantes; quae in attritu similem ferè colore succum reddunt, & decerpta diutine pulchritudinem suam retinent, aliquot etiam annis non marcescentes; unde & nomen inuenit: Semen maturatis spicu insidet paruum, nigrum, & multum splendens: Radices breues & fibrosae.



Mirum in eo, Plinius ait, gaudere decerpi, & letius renasci. Alexandrino palma est, qui decerptus asseruatur. Mirumq; postquam defecere cuncti flores, madefactus aqua reuiuiscit, & hybernas coronas facit.

Αμάραντος quoniam non marcescat, Plinius appellat: nostra etas, Amarantum purpureum, ad differentiam Elichrysi, quod similiter ἀμάραντος dicitur, de quo inferius suo loco: Germanicè Samatblumen / dausentschoon / Flozamor: Nostrate dialecto, Flouweelbloemen. Italicè Fior velluto. Gallicè Passe velours, Passuelutum Ruellius reddit, quo nomine holosericum villosum coccineum Galli nuncupant, cum quo de coloris principatu certat.

EST verò & alia huius species, caule multo proceriore & crassiore, quatuor aut quinque cubitorum vel altiore: folijs similiter maioribus; cui spica sunt longiores, sed obsoleti admodum ruboris. Seritur vterq; Amarantus in hortis, sed prior frequentius. Alter enim Amarantus nullam vel omnino exiguam gratiam obtinet.

PROVENIUNT spica Augusto mense, durant in Autumnum. Insipidum vtrumq; olus est. & Bliti species, de quo in Olerum historia, vbi illi sue reddentur vires.

RECENTIORVM plarique Amaranto purpureo, & precipuè primo, adstringendi cum frigiditate & siccitate potentiam, sanguinisq; omnem suorem sistendi vires attribuunt; quas tamen ei inesse nulla qualitas ostendit, præter solum fortè colorem, quo spica rubent. Nam rubra omnia sanguinem vndequaq; fluentem cohibere ac suppressere, quorundam est opinio; eo quod quadam sanguinem suppressentia, talia colore sint. Sed hæc opinio vti vana est, ita nullis probabilibus rationibus innititur. Ex coloribus etenim de viribus simplicium & medicamentorum, certi nihil colligere

ligere licet: vt Galenus lib. de simpl. medica. faculta. primo & quarto dilucidè ostendit. Sunt siquidem pleraque rubra etiam calida & aperientia, vti Rubia rubicunda radix, qua & sanguinem per vrinas & menses ducit. Qua de causa & perperam ratiocinantur, qui Amaranthum purpureum, sanguinem suppressere, cæliacos & dysentericos adiuuare, ex solo colore iudicant.

DE ROSIS. CAP. XXVIII.

ROSARVM stirps tametsi fruticosa & spinosa sit, consentaneum tamen & decēs magis est, eam floribus iungere, quàm spinosis fruticibus sociare: principatum siquidem inter flores omnes Rosa faciliè obtinet, eiusq; in coronis omnibus vsus propè nimius est; & vt ex Anacreonte Teio, Poëta Græco vetustissimo, Henricus Stephanus perquam eleganti carmine Latino reddidit:

Rosa, honor decusq; florum.

Rosa cura amorq; Veris.

Rosa, calitum est voluptas.

Roseis puer Cytheres

Caput implicat coronis,

Charitum choros frequentans.

SUNT autem Rosa genere quidem permulta, aut stirpis ipsius magnitudine, asperitate, leuitateue; aut floris foliorum multitudine, paucitateue, vel colore odoreq; differentes. Nonnulla siquidem procera & excelsa, alia breues & humiles: folia quibusdam quina, alijs duodena, vicensibus aut plura. Theophrastus etiam εκατοντάφυλλαν, siue centifoliam quandam, circa Philippos exire refert: quam incolæ ex Pangæo transferentes serunt: & in Campania, Plinius. Colore item hæc quidem rubentes, illæ verò candidæ: odorata etiam



etiam quàm plurima, absque odore nonnulla. Harum omnium quaedam satiua & hortenses sunt; alia verò sylvestres.

RAMI aut potius virga omnibus dura, lignosa, merdacibus aculeis horrentes; & sylvestribus quidem spinosiores: folia aspera. per ambitum serrata. ex quinque aut septem ex vno neruo coherentibus: flores è cauliculorum fastigijs exeunt, primum herbaceo inclusi calyci, qui tumescens in virides alabastrors fastigiatur, quibus paulatim dehiscenibus flos panditur, in calycis sui medio, stamina quadam capillacea, luteosq; complexus apices: semen in oblongis capitulis, quæ calycibus & floribus subsunt per maturitatem rubentibus, gignitur durum, lanugine inuolutum: radices dura, lignosa in diuersa tendunt.

- 1 IN satiuarum censu, vna proceritate caulium siue ramorum, reliquas superat: crassius enim & lignosis suis virgis ad 10. vel 12. pedes, aut etiam altius conscendit: flores candidi, odorati & multorum foliorum, quorum interiora minora; exteriora verò maiora & ampliora.
- 2 PROXIMA magnitudine, virgas habet breuiiores, sed non minus asperas, Rosas odore suaves, sed dilutè & pallidè rubentes: Incarnatas Itali appellant.
- 3 TERTIA huic similis ramis & folijs est, sed subinde breuior, flore verò odoratissimo pulcherrimòque, saturato, & quodammodo puniceo rubore nitente; Rosarum omnium præstantissima, & ad medicamenta omnis serè generis vtilissima.
- 4 QUARTA breuior est, virgis bicubitalibus aut altioribus, flore eleganter quidem rubente, sed minus quàm tertia, & quandoque simplici, quinque tantummodo foliorum; aliàs plurium: aliquando etiam multiplici; odore grato & perquàm iucundo.



- 5 QUINTA Rosarum hortensis species, ramis & virgis sylvestrem Caninam Rosam quodammodo refert. Rosas profert paruas plures simul coherentes, ut plurimum simplices, aliquando sed raro multiplices: odore admodum fragranti suavisimas, & moschum proximè referentes: unde & Rosa Moschettæ ab Hetruscis appellantur.
- 6 SYLVESTRIVM ea quidem quæ Canina Rosa vulgo dicitur, & Belgio familiarissima est, aculeatis virgis, & asperis folijs, sativis similis est; singulis tamen minoribus: flos simplex quinque folia non excedens, albicans; aut ex albido colore purpurascens. Adnascitur huius virgis aliquando pilula quædam hirsuta, echino Castaneæ quasi similis, at mollis, quam Spongiolam Rosa nuncupant.
- 7 HVIC similis est, & alia species, verumtamen aliquantulo minor, cuius virgæ subrubente cortice vestiuntur; flores pallidè rubent, non in totum absque odore: Cinamomina Rosa à quibusdam dicitur.
- 8 INTER sylvestres etiam quædam lutei coloris Rosas fert.
- 9 EST & parva quædam humillima, virgis spinosissimis: folijs minimis, Rosis perquam exiguis, candidis & suaviter odoratis.
- 10 IAM & sylvestris quædam folijs reperitur odoratis: hæc proceritate sylvestres omnes sæpè superat. Virgas habet duras, crassas & lignosas: folia splendentia & pulchrè virentia, odore gratissima: Rosas verò parvulas quinquefolias, frequentissimè albicantes, raro purpurascens, exigui aut nullius odoris: fructum oblongum, colore subrubentem, nucleo parvæ Oliuæ, & Rosarum aliarum capitulis similem, sed minorem quàm hortensium, in quibus lanosi flocci atque inter eos semen conditum, parvum, & durum. Reperiuntur verò & circa huius tenues virgas, rotundæ, molles & hir-

& hirsuta spongiola, tales omnino, quales circa Caninā Rosa spinas nascuntur. Et toridem quidem Rosarum genera, nostra aras adinuenit.

SUNT verò & apud Plinium lib. 21. cap. 4. multa & plurima suis appellata cognominibus, sed non omnia in rubo, hoc est, spinoso frutice, nata: (nam & ex Maluis flores in Rosarum censu numerantur) quorum quadam cum nostris generibus conuenire, verisimile est; non tamen omnia. Genera eius, nostri, inquit, fecere celeberrima, Prænestinam & Campanam. Addidere alij Miliesiam, cuius sit ardentissimus colos, non excedentis duodena folia: Proximam ei Trachiniam minus rubentem: mox Alabandicam viliores, albicantibus folijs. Vilissimam verò plurimis; sed minutissimam, spineolam. Deinde paulo infra. Est & qua Græca appellatur à nostris, à Græcis Lychnis, non nisi in humidis locis proueniens, nec vnquam excedens quinque folia, Viola magnitudine, odore nullo. Est & alia Gracula appellata, conuolutis foliorum paniculis, nec dehiscens nisi manu coacta, semperq; nascenti similis, latissimis folijs. Alia funditur è caule maluaceo, folia oleracea habens, Mosceuton vocant. Atque inter has media magnitudine, Autumnalis, quam Coroneolam vocant. Omnes sine odore, præter Coroneolam, & in rubo natam.

SERVIVR & plantantur Rosa quidem mitiores & satiuæ apud Belgas, Germanos, Gallos, & alibi, in hortis. Sylvestres multis locis sponte exeunt: & inter has quidem prima, passim circa scrobes, fossas, ad margines agrorum & pratorum; locis humidis prouenit. Lutea in Africa & Aegypto, quam plerique in hortis nunc habent, vti & Cinamominam. Minima spinosissima & asperissima, locis gignitur maritimis, frequens in Morinorum finibus, iuxta Icium portum, in arenosis maris aggeribus. Sed odorata syl-
10

uestris Rosa hortensis est, nec vsquam in Gallia aut Belgio, quod sciamus, sponte exit.

SERI autem Rosa, vti Plinius ait, nec pinguibus vult, nec argillosis, nec riguis, contenta raris, proprièq; rudertum agrum amat: omnis, locis siccis quàm humidis odoratior. Refert & cali temperies; quibusdam enim annis, minus odoras prouenit. Theophrastus odoris colorisq; præstantiam locorum etiam ratione contingere affirmat: & odoratissimas Rosas, quæ apud Cyrenen nascuntur; & proinde vnguentum iucundissimum illic fieri.

NASCITVR verò Rosa ex semine: sed quoniam tarde perficitur, conciso caule seritur. Omnis recisione & vstione proficit, floremq; melius profert; relicta namq; excrescit & syluescit. Sapius eam transferre vtile est: sic enim pulchriorem Rosam effundi assument: Theophrastus & Plinius auctores.

SERENDARVM autem Rosarum modum, Palladius ostendit. Si indigus plantarum, ait, volueris ex paucis virgulis habere copiosa rosaria, quaternorū digitorum surculos genimantes cum geniculis suis debebis excidere, & in modum propaginis sternere, & stercore ac rigationibus adiuuare. vbi anni ætatem compleuerint, pedis spacio inter se transferre disiunctos, atque ita solum, quod huic generi deputabis, implere.

FLORENT Rosa; quædam citius, alia serius, omnes Maio aut initio Iunij mensis. Præcoces Cinamomina, & alia quædam syluestres: seriores satiua sunt. Moschettæ in mense Augusto etiam secundo florent. Theophrastus, si autumnus prolixior fuerit, Rosas etiam denuo erumpere posse testatur.

ROSA Græcis, ῥόδον appellatur. Stirps verò ipsa Rosarum ῥόδονια, quæ apud Latinos idem cum flore nomen retinet.

retinet. Dicitur autem ῥόδον, ut Plutarchus ait, ὅτι ῥεῦμα πολλὸν τῆς ὁσμῆς ἀφίησι, quodd largū odoris effluviū emittat.

MEDIUM floris Rosarum; lutea videlicet stamina & apices, ἄνθος τῶν ῥόδων, & flos Rosa dicitur; officinis Anthera.

FOLIORVM ipsius floris partes candidæ, quibus calycibus inferuntur, ὀνυχες, & ungues appellantur.

CALYX vocatur, qui stamina & floris foliola complectitur ac continet.

ALABASTRI verò sunt calycis partes laciniosa, conum floris priusquam panditur complectentes; quæ quinque sunt; duæ barbatula, duæ imberbes, & quinta partim barbata, partim minimè; cortices Rosarum à plerisque appellantur.

Κεφαλαὶ καὶ κεφάλια dicuntur capitula, in quibus semen gignitur, quæ scilicet floribus & calycibus subsunt.

VIRGAS stirpis Rosarum, Strabus Gallus in hortulo suo, Viburna nominat, sic scribens:

Viburnum

Iam nisi me fessum via longior indupediret,
Scrupens atque noui tereretur carminis ordo,
Debueram Viburna Rosa pretiosa metallo
Pactoli, & niueis Arabum circundare gemmis.

Vergilius tamen & Aurelius Nemesianus, viburnum fruticem aliquem sui generis innuunt, paruum, humilem, lentum & obsequiosum. Ille quidem ecloga prima urbem commendans Romam:

Verum hac tantum alias inter caput extulit vrbes,
Quantum lenta solent inter Viburna Cupressi.

Nemesianus verò ecloga secunda, his carminibus:

Nos quoque te propter Donace donabimur vrbi,
Si modò coniferas inter Viburna Cupressos,
Aut inter Pinos Corylum frondescere fas est.

- 1 IN satiuarum Rosarum numero primam, vulgo Rosam albam; Belgæ, witte Roosen: Germani weiß Rosen: Galli, blanche Rose appellant. Potest hæc Plinij Spineola Rosa esse, si modo Campana Rosa non est.
- 2 ALTERA, quam incarnatam Rosam Italia nuncupat, Alabandica similis est: Germani, Liebfarbige Roosen.
- 3 TERTIA, Prouincialis Gallis dicitur: hanc, Miliesiam esse, non temerè suspicari licet.
- 4 QUARTAM, Rosas Franchas Gallia, Plinius Trachiniam fortè aut Prænestinam dixerit.
- 5 QUINTA, Moschata, ab odore, vt diximus, moschi dicta, Coroneola esse potest. Coroneola enim autumnalis est Plinio. Damascenam autem & hanc nonnulli appellant: Itali Rosam moschettam: Galli, Roses musquées ou muscadelles: Belgæ, Musket Roosen.
- 6 SYLVESTRIS Rosa, Germanis wilder Rosen/ heckrosen: Brabantis, wilde Roosen: Galli, Roses sauages: Plinio lib. 8. & 25. κυνόπους & κυνόπους est, id est, Rosa Canina: nonnullis etiam Canina sentis.
 Quæ verò circa ramulos & virgas huius Cynorhodi hirsuta pilula reperiuntur, spongiola sylvestris Rosa aptissima & propriissime dicta sunt: Officina perperam Bedeguar appellarunt. Nam Bedeguar Arabibus Cardui species, quæ Græcis ἀκανθα λευκή, hoc est, spina alba.
- 7 ALIÆ sylvestres Rosæ, Cynorhodi etiam species quædam sunt; cum ea, quam Cancellrooskens/ id est, Cinnamominam Rosam Belgæ appellarūt; tum & lutea Africana; nec non minima, nostris Dupyrooskens/ hoc est, Dunensis Rosa dicta, ab arenosis sponte natis aggeribus mari oppositis, quos vulgo Dunen nominant.
- 10 EST verò & Cynorhodi sue Canina Rosa, sed odorata species.

species, quam nostri *Eglantier* aut *Aglantier*; Galli, *Englenterium*, Ruellio teste, nominant: qui & hanc sylvestrem Rosam, *Cynosbaton*, siue *Canirubum* esse suspicantur. De quo Dioscorides his verbis: κυνόσατον, οἱ δὲ ὀξύκανθαν καλοῦσι. θάμνος ἐστὶ βάτου πολλῷ μείζων, δένδρωδης, φύλλα φέρει πολλῷ πλατύτερα μυρσίνης. ἀκάνθας δὲ περὶ ταῖς ῥάβδοις ἰσχυράς· ἄνθος λευκὸν· καρπὸν ἐπιμήκη, πυρρῇνι ἐλάϊας ἐοικότα, ἐν τῷ πεπταίνεσθαι πυρρὸν· τὰ δὲ ἐν τὸς ἐριώδῃ: Id est, *Cynosbatus*, siue *Canirubus*, quem aliqui *Oxyacantham* vocant, frutex est Rubo longè maior, arborescens, folia fert latiora myrto: spinas circa ramos robustas: florem candidum: fructum oblongum, nucleo Oliuæ similem, per maturitatem fulvum, interius lanuginosum.

ΕΧΤΑΤ & *Cynosbati* apud Theophrastū huiuscemodi descriptio: τὸ δὲ κυνόσατον, τὸν καρπὸν ὑπέρυθρον ἔχει, καὶ παραπλήσιον τῷ τῆς ῥόας, ἐστὶ δὲ δένδρου καὶ θάμνου μεταξὺ καὶ παρόμοιον ταῖς ῥόαις, τὸ δὲ φύλλον ἀγλῶδες. (Exemplar vulgare ἀγνῶδες habet, sed Athenæus ex Theophrasto ἀγλῶδες rectius legit) hoc est; *Cynosbaton* fructum subrubentem habet, & malo Punico similem: est inter arborem & fruticem medium, veluti malus Punica: folium autem splendens.

Theophrasti locus re-
stitutus.

Cum harum descriptionum utraque, non malè Canina Rosa odorata conuenire videtur. Nam frutex est Rubo maior, caudices siue virgas habēs crassas lignosas, vii malus punica, vel alia lignosa & arborescens quadam stirps, aculeis & spinis duris munita: folium eius non quidē integrum, sed vnum aliquod singulare, totius folij pars, Myrti folijs latius est, superioreq; parte laue & splendens; fructus nucleo oliuæ similis, qui vbi maturus est, colore est rubente, lanosos floccas & semen intus habens. Quæ omnia huius sylvestris & odorata Rosæ, cum *Cynosbato* similitudinem ostendunt.

Plinij lo-
cus emen-
datus.

EST verò & alius Cynosbatus, quem Plinius lib. 24. cap. 14. describit, quem alij Cynospaston, (Cornarius ex veteri exemplari Cynapauxin legit) alij Neuropaston vocant; foliū habet vestigio hominis simile. Fert & vuam nigram, in cuius acino neruum habet; vnde Neuropastos dicitur. Sed huic Cynosbato, sylvestris odorata (si modò legitima & non corrupta est descriptio) nequaquam similis est, veluti neque Cappari, nec Smilaci asperæ, quarum vtrique etiam Cynosbatos à nonnullis appellatur.

SED ad Rosas reuertamur; quarum florum foliola, quia ex diuersis partibus constant, dissimiles etiam facultates obtinent. Insunt etenim eis terrestres quadam & adstringentes; alie humida & aquea: nonnulla spirituose & aërea partes; quæ tamen in singulis non similiter se habent. In vno siquidem genere hæ: in alio illa excellunt. Predominantem autem omnes frigidam habent temperiem, proximam tamen temperiei media, ex primo videlicet ordine refrigerantium.

SUPERANT humida, aërea & spirituose partes, in candidis, dilutè rubentibus, nec non in Damascenis siue Moschatis: quas viribus præstantiores Matthioli tradit; utpote cuius etiam folia viginti, alium subducant sumpta. Ex tribus his liquor, ea de causa, elicitur gratissimè ac suauissimè odoris, qui ferè ex alijs Rosis inodorus est.

UTILIS autem Rosarum hæc stillatiua aqua, cum ad cordis roborationem & spirituum reparationem, tum etiam ad omnia quæ clementer refrigerari postulant. tragematis, placentis, condimentis & alijs, quæ voluptatis excitandæ gratia conficiuntur multis, eadem admixta, saporis gratiam conciliat: oculorum calidos dolores mitigat: somnum conciliat: quem & ipsa virètes Rosa, odore suo suauè prouocant.

SUCCVS Rosarum præsertim dilutè rubentium, &
ut non-

ut nonnulli etiam aiunt, saturata purpura nitetium, aluum lenit & subducit.

IDEM præstat earundem dilutum, & quod ex eo coquitur Drosatum siue Serapium; officina syrupum rosatum solutivum nuncupant, quod ex infuso siue diluto apparari debet, in quo pluries Rosarum virentium folia multa macerata sunt. Ad leniendam autem siue subducendam aluum utile, quando expurgatione alia potentiori, aut opus non est, aut uti non expedit. Nam præter ea quæ in intestinis hærent excrementa, aut in proximis & primis venis cruda, pituitosa & subinde biliosa, alia non educit; si non alijs quibusdam potentioribus medicamentis permisceatur. Humectat autem & refrigerat Serapium istud: ideo etiam febrium ardentium calores nimios sedat, & viscerum inflammationes mitigat; sitim extinguit: debili autem & humido ventriculo parum utile, nam eum laxiorem debilioremque relinquit.

IN rubentibus Rosis, quæ passim sunt vulgares, & alijs saturata purpure, quæ Prouinciales appellant, plus est terreæ substantiæ, & resiccantis adstringentisque facultatis, non tamen absque humido quodam permixto; quod quidem ipsis adhuc virentibus inest: in resiccatis verò deperditum est. Succus hac de causa, & dilutum earum, ad aluum subducendam quoque facit; minus tamen quàm aliarum prædictarum.

RESICCATÆ autem hæ Rosæ, humiditate iam absumpta, adstringunt & resiccant: refrigerant quoque, sed minus quàm virentes: robur cordi conciliant, ac tremori, & palpitationi eius succurrunt: hepar, renes, & alia viscera debilia confirmant: ventriculum flaccidum, debilem & humidum, siccant & corroborant: fluorem muliebrem & superfluum menstruorum purgationem compefcunt: sanguinis

unde quaque eruptiones sistunt: sudores reprimunt: aluum nimio fluore laxam, constringunt: antidotis omnibus vtiliter admiscuntur, & alijs quoque medicamentis, siue foris adhibendis, siue intra corpus assumendis, quibus adstringens ac corroborans aliquod vtiliter accedit.

QVOD ex ipsis sit Rhodomeli, vulneribus, vlceribus, eruptionibus, ac in vniuersum omnibus, qua abstergi & resiccari possulant, longè vtilissimum est.

OLEVM calores omnes sedat, & inflammationes prohibet, aut iam incipientes mitigat.

FLORES Rosarum, lutea videlicet stamina & apices, resiccant similiter & adstringunt, & potentius quidem, quàm ipsarum Rosarum foliola. Idem possunt calyces & alabastris: sed cum his omnibus odor desit, minus vtilia sunt, humanaq; natura minus amica.

CAPITA Rosarum, Plinio auctore, sanguinem etiam & ventrem sistunt: vngues, epiphoris salubres sunt.

RADIX sylvestris Rosa ad morsum Canis rabidi vnicum remedium, oraculo repertum: vti idem lib. 8. cap. 41. scribit.

SPONGIOLÆ, qua in medijs eius spinis nascitur, cinere cum melle, Alopecius capitis expleri, idem ait, lib. 25. cap. 2.

FUCHSIVS, spongiolas & capitula sylvestris Rosæ, contra calculum & vrina difficultates valere affirmat; si in puluerem trita exhibeantur. Prodesse autem possunt non vt diuretica, aut calculum atterentia; sed veluti alia quadam adstringentia, debiles renes confirmantia: qua calculosis non raro vtiliora sunt, quàm multa, præsertim potenter, diuretica. Nam talium diureticorum frequentiori aut nimio vsu, & renes multum debilitari & sæpe supercalescieri contingit; & calculos non modò non comminui, atteri, aut expelli,

pellī, sed copiosiores & duriores frequenter generari. Quod etenim in sanguine tenue, aqueum & serosum est, segregant: quod verò crassius, cogunt, ac indurari diuretica fortiora faciunt: & similiter etiam alia, frequentiori vsu.

DE CISTO, CAP. XXIX.

ROSARVM species & Cistus nonnullis videtur. Eius duo veteres genera fecere; marem & feminam, præter tertium Ledum dictum.

UTERQUE frutex est lignosus, multis alis ramosus; sed tamen humilis, nec admodum procerus, & virgis tenuibus: folia eis sunt lata, aliquantulum rugosa & lanuginosa, propemodum subalbicantia, hortensis aut alterius Salviae folijs modo quodam similia: flores in summo virgularum, veluti parvæ sylvestres Rosæ, fugaces tamen & citò pereuntes; colore mari quidem, in caruleo pene subrubentes, aut purpurei: femina verò candidi: capitula inde rotundiuscula, in quibus semen paruum: radices lignosæ, fissæ, in diuersa tendentes.

EXIT subinde sub ipso frutice ad radices, Limodori Hypocistis quoddam genus, crassum, pingue, carnosum, succo plenum, sine folijs, ex multis veluti Hyosciami vtriculis, aut mali Punice cytini totum constans: colore in vno genere πυρρῶν siue ruffo: in altero candido, in quodam etiam χλωρῶν, siue virenti, aut herbaceo: vt Dioscorides ait.

NASCITVR Cistus in Italia, Hispania, Narbonensi Gallia, ac in alijs multis calidioribus Europa prouincijs, aridis & saxosis locis: & in vna quidem regione crebrioribus folijs, in alijs rarioribus, alibi candidioribus mollioribusq̃, in plerisque minus candidis, minusq̃ pilosis. Mu-



rationem enim aliquam, pro regionum diuersitate Cistus quoque recipit. Floret æstiuis mensibus.

Κίστον ἢ κίσδον Græci appellant, nonnulli κίσσαρον, alij κίσδαρον. Latinis similiter Cistus, & Rosa syluatica dicitur, à quibusdam etiam Rosa Canina, vt Scribonius Largus refert. E radicibus exiens limodorum, ὑποκιστίς vocatur; quoniam sub Cisto proueniat. A nonnullis ῥόκινδρον, aut ῥόκινδρον. Ab alijs κόντινος, inter quos Paulus est Aegineta; qui etiam non illud, quod Cisto subnascitur, sed huius succum hypochistida appellat: vnde manasse potest hypoquistidos vox, qua officina succum hunc barbarè nominant.

FACILITATE porrò Cistus, vt Galenus ait, non instrennuè desiccat, secundi propemodum ordinis resiccantium: adedè verò frigidus est, vt tepidi caloris sit particeps. Folia & prima germina trita tantum desiccant, adstringuntq; vt vlcera glutinare valeant. Flores magis sunt efficares, adedè vt cum vino poti dysenterias, ventris imbecillitates, fluxusq; ac humiditates sanent: cataplasmati modo illita, putredinosa ipsorum ulcerum iuuant. Dioscorides, ρομάς, id est, vlcera depascentia illitu cohibere, & cum cera ambustis, veteribusq; vlceribus mederi tradit.

HYPOCISTIS multo magis adstrictoria est, efficax remedium ad omnes fluxionum affectus, vt sanguinis reiectiones, profluvia muliebria, caliacos, dysentericosq; affectus. Quin si partem roborare consilium sit, qua videlicet plusculo humore exoluta fuerit, robur ac firmitatem illi non segniter addit. Sic sanè stomachicis, hepaticisq; epithermaticis admiscetur; & ex viperis Theriaca inditur, nimirum quo corpora confirmet ac roboret: Galenus.

CISTVS Ledon, frutex est parvus Cisto assimilis, sed folijs longioribus, nigrioribus, & glutinosi: flores parui exiguis rosis per similes, colore candidi. Contrahunt folia pingue quoddam resinosum & odoratum, & tempore quidem, ut Dioscorides ait, vernali; sed, ut Petrus Bellonius, αὐτόπῃς, in medijs aestatis & Canicularium dierum ardentissimis feruoribus: quod non absque singulari cura & diligentia, nec minori industria, ab ipsis stirpibus nostra etate colligitur: non ex caprarum aut hircorum barbis vilisue depectitur, collectum colatur, & in massas formatum in medicina vsus reconditur. In Creta insula, eodem Bellonio teste, passim locus incultis Ledon exit: reperitur & in Cypro, Plinio auctore.

Λάδον & λάδον ipse frutex dicitur, & Cisti species est. Pingue verò quod ex folijs colligitur λάδων & λήδων: Latini Gracas voces seruant: officina corruptè Lapdanum enunciant. Maxime probatur Dioscoridi odoratum, ὁρόχλωρον, siue subuiride, facile mollescens, pingue, non arenosum, nec citò fragile, sed resinosum.

PRIMO excessu completo calidum est, Galenus inquit, habens etiam adstrictionis paululum: ad hac substantia tenui, ac proinde emolliens, pariterq; moderatè digerens, ac videlicet etiam concoquens. Itaque mirandum non est, si peculiariter ad vteri vitia conueniat, quandoquidem ad dicta paulum quiddam adstrictionis obtinet: quocirca etiam defluentes capillos retinet. Nam quicquid ad radices eorum prauis humoris resederit, id omne absumit; tum meatus quibus infixi sunt, contrahit.

VIM habet, Dioscorides ait, adstringentem, calfacien-
tem,

tem, mollientem, aperientem: defluos capillos continet, cum vino, myrrha, & oleo myrtino admixtum: cicatrices pulchriores efficit cum vino illitum. Medetur aurium doloribus cum hydromelite aut rosaceo infusum: suffitu secundas eijcit: duritias vteri pēssis immixtum curat. Medicamentis dolorem sopientibus, aduersus tussim facientibus, & malagmatu vtiliter admiscetur. Aluum sistit, cum vino vetere potum: & vrinam cit.

REPERITVR porro Ledo similis quadam, sed minor Flos Solis. stirps, subinde, nisi pedamentis quibusdam fulciatur, quasi repens: cauliculi ei sunt numerosi tenues & graciles: folia oblonga, Ledi minora, carnosā, leniter hirsuta, quibus lentus inest succus: flores exigui, veluti paruula quadam Rose, sed minores: pares forma & magnitudine Argentinae, siue Potentilla dicta, floribus; colore lutei aut candidi: radices tenues, lignosae, rufescentes. Nascitur asperis, siccis & apricis, tam campestribus quàm montanis locis. Aestiuu mensibus floret.

TRAGVS Germanicè Heyden ylop & feld ylop appellat: plerique Latine Gratiam Dei. Est tamen & alia herba Gratiola à recentioribus dicta. Valerius Cordus Helianthemum & Solis florem nominat.

PLINIVS Helianthen tradit, in Temiscyra regione, Helianthe. & Cilicia montibus prouenire maritimis, folio Myrti. Hac cum adipe Leonino decocta, addito croco & Palneo vino perungi Magos, & Persarum Reges, vt fiat corpus aspectu iucundum: ideo eandem Heliocalliden nominari. Quae si eadem cum isto Solis flore sit, an diuersa, nemo facile in tanta Plinij breuitate explicauerit. Matthiolus, Helianthemum siue Solis florem, à quibusdam Panaces Chirorum existimari refert, verum cum eo similitudinis habet nihil.

VVLNERA autem, eodem auctore, glutinat: sanguinem

nem manantem sistit: ad cruenta sputa, dysenteriam, mensum redundantiam utilis: oris & pudendorum ulcera vinum decoctionis eius ablutione sanat. In summa, agglutinat, cohibet, & corroborat. Quæ satis ostendunt cum Cisto; & præsertim Ledo, non modo forma, sed & viribus ac facultatibus conuenire. Proinde Cisti & Ledi, sylvestrem quandam speciem esse.

DE PÆONIA. CAP. XXXI:

- 1 PÆONIAE tres sunt: mascula vna, femina duæ.

MASCULÆ Paonia caules, & foliorum pediculi rubent: folia lata ex pluribus commissa, nucis iuglandis folijs ferè similia, nisi quod iuglandis ex septem aut nouem par-ticularibus, simul ad vnum neruum aut πᾶχiv, coherentibus constent; Paonia verd, ex quinque solùm, & subinde ex tribus tantùm committantur: flores in summo caulium veluti magna Rosa in purpura rubent; staminibus in medio purpureis, ex quibus lutei dependent apices: siliquæ foris lanuginosa, quæ per maturitatem sponte dehiscunt; semen in his nigrum, rotundum, ochri ferè magnitudine; & grana quædam coccineo colore splendentia: radices subsunt longæ, crassæ, altè descendentes, subinde bifidæ, aut trifidæ, intus candidæ & odoratæ.

- 2 PRIORIS femina caules parum aut nihil rubent: folia incondita, hyposelini, quod à Theophrasto Smyrnion appellatur, ferè modo laciniata, & singularia angustiora quàm maris, superna parte virentiora, inferiore albicantiora: flores vt mascula Paonia, colore aliàs pulchrè, aliàs dilutè rubètes: semen, in siliquis Amygdalis similibus, etiam simile: radices verd differentes & aliæ: non vna etenim huic est radix, sed ab vno capite multiæ descendunt glandulosa
radices,



radices, veri *Asphodeli* radicibus similes, sed multo crassiores & longiores; à quibus sæpe alia dua aut tres procedunt, eiusdem omnino formæ.

- 3 ALTERA femina caules habet & folia similia, folia tamen minus incondita, & in virore candidiora, auersaq; parte etiam albidiora: flores minores, dilutiùs rubentes: radices quoque glandulosas, sed singulas multo longiores ac tenuiores. Hanc *Plinius* pro mare habuisse videtur: nam radices ei plures, & singula palmo longiores ac candida, quales mari ipse tribuit. Femina, inquit, existimatur, cuius radicibus seu balani longiores, circa octo aut sex adhærent: mas plures habet, quoniam non vna radice nixus est, palmi altitudine, candidaq;. Posset verò & hac *Pæonia* femina species altera, *Dioscoridis* quoque mascula existimari, si non folium mari nuci iuglandis, & radicem vnicam esse scripsisset. Nam mari suo talem ferè radicem tribuit, qualis est tertiæ *Pæonia* vna aliqua, ab ipsis radicibus, quæ pluribus singularibus constant, auulsa. Sed tamen ex eo quod *Pæonia* mari, folia βασιλική νάρκη, id est nuci regia similia esse prodiderit, & radicem vnam numero singulari, non septem aut octo, uti feminam habere ait, ostendit se non hanc tertiam, sed primam, marem appellauisse: quæ nempe nuci *Iuglandis* siue Regiæ, habet folia, & radice est vnica. *Plinius* etiam, femina folia *Myrrham* redolere ait: sed suspicio euidentis est, ἀντὶ τοῦ σμυρνίου, σμύρναν eum accepisse; aut pro σμυρνίω, *Myrrham* parum rectè reddidisse.

Plinij ofci-
tancia.

NASCITUR *Pæonia*, ut *Dioscorides* scriptum reliquit, in altis & præruptis montibus: *Plinius* verò, in opacis montibus, & alio loco in syluis, ait: in *Creta* & *Sicilia* montibus *Apuleius*: *Gesnerus* in *Generoso* dicto *Heluetia* monte reperiri, audiuerat: apud *Belgas* & alibi hac ætate in hortis habetur, & vulgatissima quidem, femina prior, altera deinde:



deinde : mascula rarissima est. Florent omnes mense Maio, semen Iulio ad maturitatem peruenit.

GRAECIS παιώνια καὶ γλυκυσιδή : & à nonnullis παν-
τόκορον ; Latinis similiter, Paonia & dulcisida dicitur. Offi-
cinis Pionia Germanis Paeonien blumen / Paeonien
rosen / Bichtwurtz / Kunigblum / Pfingstrosen :
Belgis ferè, Paeonien : Flandris tamen, Maestbloemen.
Gallis, Pivoine : Hispanis, Rosa del monte . Habet verò
& alia multa nomina, inter nothas voces reiecta, quae par-
tim etiam apud Apuleium reperiuntur, ut sunt : ὀροβέλιον,
ὀροβάξ, αἰμάγων, παισαίδη, μηρογένειον, μώνιον, πανδι-
κέρατος, ἰδαῖος δάκτυλος, ἀγλαοφωτὶς, θεοδόνιον, σελήνιον,
σεληνόγονον, διχομώνιον, Rosa fatuina, herba casta. Meno-
genion autem, Menion, Selenion, Selenogonion, Dichome-
nion, ἀπὸ τῆς μῆνης, καὶ σελήνης, nomina deriuantur ; qua-
rum utraque vox Latinis Lunam significat . Lunaris verò
siue Lunaria Paonia appellari potest : quòd Comitiali mor-
bo laborantibus, quos Lunaticos plerique appellant ; auxi-
lietur. Idæi dactyli appellatio, femina conuenit, cuius glan-
dulosa radices dactylos idæos referunt. Sunt autem idæi da-
ctyli, gemma quadam forma humani pollicis, in Creta in-
sula nascentes. Aglaophotis, id est lucide splendens, Paeonia
dicitur, à granis cocci colore splendentibus.

Aglaopho-
tis.

AGLAOPHOTIDES autem duae, apud Aelianum
lib. 14. descriptae reperiuntur : vna marina, cap. 24. altera
terrestis, cap. 27.

¹ MARINA, fuci species est, quae in profundis nascitur
petris, magnitudine Myrica, fructu Papaueris, qui aestiuo
Solstitio dehiscens, noctu igneum quendam, & veluti scin-
tillantem splendorem emittit.

² TERRESTREM, quae alio nomine Cynospastus di-
citur, per diem, ait, inter ceteras herbas delitescere, nec
vllò



ullo modo agnosci ; nocte verò stella instar lucentem , & igneo splendore coruscantem , facile in conspectum venire.

ET hæc quidem terrestris Aglaophotis siue Cynospastus , Paonia est ; cuius etiam grana cocci colore rubentia , Apuleius ait , noctu lucere tanquam lucernam , & plurimum noctu à pastoribus inueniri & colligi.

APPELLATUR verò & hæc Aglaophotis à Iosepho belli Iudaici scriptore , lib. 7. cap. 25. Baaras , à loco in quo reperitur. Quod , conferenti ea quæ de Aglaophotide terrestris , siue Cynospasto , Aelianus scribit , cum ijs quæ de Baara Iosephus , sit manifestum . Cynospastum etenim Aelianus ait , non absque periculo euelli , & eum , qui primum eius natura imperitus eam attigit , famam esse perijsse : itaq; signum ad eius radices noctu defigendum , canem verò ad alligandum famelicum , qui nidore obiectarum assatarum carniū motus , ad eas impetu facto , radicitus eam eruat . Ita etiam Iosephus , Baaram tradit circa vesperam , veluti iubare fulgere , accedentibus & euellere cupientibus facilem non esse ; sed vel vimam muliebrem , aut menstruum sanguinem super eum fundendum , aut circumfodiendam , & ad eam canem religandum , atque ita demum euelli posse.

VANISSIMA autem hæc sunt omnia : nullo etenim negotio & citra omne periculum , quauis diei & noctis hora Paonia radix colligi & euelli potest . Qua de causa & similiter vana sunt , quæ Theophrastus & Plinius , de Paonia tradi ferunt : præcipi , videlicet , vt noctu colligatur . Nam si interdiu quis fructum legat , à Pico martio visus oculis periclitaturum : si verò radicem secet , periculum esse ne sedes procidat.

MIRUM autem videri non debet huiuscemodi nugæ & vanissimas superstitiones , ac impijsimas ceremonias , subinde in antiquissimorum auctorum libris respersas reperiri :

riri : fuerunt enim multa, illorum seculis, magna vanitate, ad ostentationem , vt Plinius verè testatur , ab Aegyptijs & alijs prestigiatoribus efficta: quorum sectator olim quidam Andreas fuit medicus, quem Galenus ait , praestigiaturas ac mendacia in materiam medicam inuexisse: à cuius lectione, ea de causa, & aliorum similiter mendacium, abstinendum precipit.

PORRO Paonia radix leuiter cum dulcedine, vt Galenus ait , adstringit : acrimonia cuiusdam subamara quoque particeps : temperamentum haud insigniter calidum obtinet, pauxillo symmetro calidius : exiccatoria autem est & subtilium partium. Feminis à partu non purgatis, sicca, Dioscorides inquit , datur : menses cit Amygdala quantitate pota : in mulsâ, Galenus addit. Prodest auriginosis, renes & vesicam dolentibus : obstructum hepar & renes expurgat : ventris dolores sedat , & fluxiones sistit, in vino decocta & bibita . Pueris ex collo suspensam , aduersus Comitiale morbum efficacem esse , à Galeno certo & euidenti exprimento compertum est . Estur etiam , inquit Plinius , contra malum mentis : sed in medendo quatuor drachmae satis sunt . Praefertur ad hac mascula Paoniae radix.

RUBRA grana, 10. aut 12. pota in vino austero, nigro, fluxum rubrum muliebrem sistunt: stomachicis qui rofiones sentiunt, esâ prosunt : à pueris comesta , aut in potu sumpta, calculi initia excutiant.

NIGRA grana, ipsa videlicet semina, 15. numero in potu sumpta , opitulantur suppressionibus nocturnis , quas ἐφιάλτας nominant , vterique strangulationibus & doloribus . Vtrique auxiliantur à serpente percussis, Plinio auctore.

CANDIDO siue albo Lilio, quod pulchritudine, nitore & usu, reliquis præstat, folia sunt oblonga, lata, carnosa, leuia, in herbaceo & diluto virore splendentia: caules duobus cubitis altiores, multis folijs sensim attenuatis compositi, qui inter folia exeunt: flores ad summum caulis pulchri, candidi, odorati, magni, ab angustijs in latitudinem se laxantes, calathi forma, senis constantes foliolis, oblongis, extrinsecus striatis, staminibus è medio emicantibus, à quibus lutei dependent apices: radix bulbosa, nucleis constans, & ex multis simul vnitis composita, succo lento & glutinoso plena, quo & folia & caules redundant. Seruntur Lilia passim in hortis. In Syria autem & Pisidia Pamphilia, vnguentis efficacissima nasci, Dioscorides inquit. Floret apud Germanos, Belgas, Gallos, Liliū, Iunio mense: Augusto folia exeunt, tota hyeme virentia: Vere, caulis erumpit.

STIRPS Liliorum à Græcis κρινώνεια dicitur: flos verò κρίνον & λείριον: est tamen & Narcissus λείριον: à nonnullis καλλείριον & κρινάνθεμον. A Latinis Liliū & Rosa Iunonis.

APPELLATUR autem Rosa Iunonis, quod ex lacte eius in terram delapso, natum feratur. Fingunt siquidem Poëta Herculem, quem ex Alcmena Iupiter sustulerat, admotum fuisse dormientis Iunonis vberibus, & post suctum, lac copiosum effluxisse, & vna eius parte calum perfusum alia terræ glebas: atque hinc Lilia nata: inde verò lacteum apparere in calo circulum. Germani Liliū istud, vulgo weiß gilgen oder weiß lilgen appellāt. Belga, witte Lelien, Galli, Lys blanc.



LILII autem flos temperaturam mistam, vt Galenus ait, obtinet; partim ex tenui, partim ex terrena essentia.

RADIX foliaq; per se trita, desiccant & abstergunt, ac moderatè digerunt.

FOLIA herba, Dioscorides ait, imposita, auxiliantur à serpentibus ictis: eadem seruesacta, ambustis proficiunt: aceto condita, vulneribus curandis apta sunt.

SUCCVS melle & aceto mixtus, in æneo vase coctus, medicamentum efficitur veteribus vlceribus, & recentibus vulneribus vtile.

RADIX tosta, & cum rosaceo trita, ambusta sanat; vterū molliet, menses mouet: vlcera ad cicatricem perducit. Cum melle verd eadem trita, neruorum vulnerationes & luxationes sanat; vitilignes & lepras expurgat; surfures & manantia capitis vlcera abstergit; faciem purgat & erugat. Cum aceto autem & hyosciami folijs, ac farina triticea trita, testium inflammationes mitigat. Propter clauos pedum, in vino, Plinius ait, radices Lilij decoquuntur, tri-duoq; non soluuntur: cum adipe aut oleo decocta, pilos adustis reddunt. E mulso pota, inutilem sanguinem cum aluo trahunt: Lienis, & ruptis, & vulsis prosunt.

RECENTIORES, Lilij radices coctas, cataplasmatibus summa cū vtilitate admiscēt, abscessus maturantibus & ad suppurationē perducētibus. Eadem etiā, in oris collutionibus ad idem faciētibus, vtiliter decoquuntur. Nam omnes abscessus maturant, & suppurari faciūt, & dolorem simul sedant.

SEMEN, Dioscorides ait, potum, serpentium morsibus aduersatur. Cataplasma ex semine & folijs, erysipelatis imponitur.

FIT ex floribus oleum aut vnguentum, quod Lirinum aut Susinum appellatur, molliendus neruis aptum, priuatimq; ad vteri durities vtile.

DE LILIIS PURPUREIS, HYACINTHO
SCRIPTO, ET COMOSANDALO.

CAP. XXXIII.

PURPUREORVM Liliorū duo genera sunt: maius unum; alterum minus. Maiori purpureo lilio, caules sunt proceri, longi, subinde altiores quàm lilij albi: folia tamen nigriora & angustiora, circa caulem multa, sed ante eius exortum nulla: flores summo caule copiosi, 10. 12. aut plures, ad vsque 18. & 20. ac vltra, suprà inuicem incerto ordine digesti, lilij alterius forma & magnitudine, colore verò rubro ad croceum inclinante; multis, exiguis, nigris quasi punctulis, literarum quarundam veluti rudimentis respersi: radices, bulbi magni sunt, ex multis quoque nucleis, vt lilij candidi; sed maiores.

IN Italia, in aruis inter segetes circa messem; in montibus etiam ac conuallibus, Lilium istud, Matthiolo teste, emicat. Belge in hortis ferunt. Floret paulo ante candidum lilium, post purpureum minus, vnà cum Rosis.

MATTHIOLVS Lilium syluestre in Italia appellari, & Hemerocallida esse ait. Sed ἡμεροκαλλὶς, vt auctor Dioscorides, in singulis apophysibus, tres aut quatuor flores profert, colorem habentes ἰσχυρῶς ὀχρὰν, id est valdè luteum. Ἀρόβουρες autem siue ἀρόβουραι, ramulares adnascenciae, siue appendices dicuntur. Ochrea color, melino similis & citrino, à malo Citrio nomen habenti: Lilium autem istud, ramulares adnascenciae nullas habet; & flores in caule non modo tres aut quatuor, sed non rard 18. aut 20. ac coloris non lutei, sed purpurei crocei. Quibus de causis non quidem Hemerocallis, sed Lilium illud esse apparet, quod capite de Lilio, πῦρος πορπύρεον, siue purpureum, reperiri, ex relatu, Dioscorides scribit; quodq; rubens Plinius, & Graci, eo auctore,



κρίνον vocant, florem verò Cynorhodon : & laudatissimum in Antiochia & Laodicea Syria, mox in Phaselide, quartum locum in Italia nascens. Nisi fortassis dua Hemerocallides flores sint : vna quidem apophyses habens ; alia non habens, & ea quidem purpurea : ita etenim & Liliū istud Hemerocallis fuerit, & praesertim πορφυρανθής : qua appellatione Hemerocallida etiam dictam, inter nothas voces reperitur. Sed verisimile est Hemerocallida non esse ; est enim & Hemerocallis quadam, flore purpureo, cui πορφυρανθής nomen propriè conuenit.

ALTERVM & minus purpureum Liliū, caule est multo breuiori, cubitali videlicet tantum aut minori : folijs similiter nigricantibus & angustioribus ac minoribus. Flores è summo caulis pariter erumpunt, singuli tamen suis pediculis, modò breuioribus, modò longioribus insidentes ; coloris quoque purpurei crocei, notulus similiter quibusdam nigris & perquam exiguis ornati ; Lilij etiam diuisura, sed paulo minores : pro radicibus & minores bulbi sunt, infra supraq, quos fibrae adhaerent. Vnà cum alijs Lilijs apud Germanos, Belgas & alibi, colitur in hortis. Floret sub finem Maij, reliqua Lilia antecedens.

LILIVM etiam est purpureum, & κείνον πορφυρον, quod ad differentiam praecedentis, minus cognominatur.

OVIDIVS lib. Metamor. 10. huius generis Liliū, Hyacinthum appellat, ab Hyacintho adolescente, ex cuius sanguine hunc florem natum fingit, quando cum Apolline ludens perisset, cui Apollinem gemitus sui notas & literas inscripsisse ait, sic scribens :

Ecce cruor, qui fusus humo signauerat herbas,

Desinit esse cruor, Tyrioq, nitentior ostro

Flos oritur, formamq, capit, quam lilia, si non

Purpureus color his, argenteus esset in illis.

Non



Non satis hoc Phæbo est, (is enim fuit auctor honoris)
 Ipse suos gemitus folijs inscribit, & ai ai
 Flos habet inscriptum, funestaq; litera ducta est.
 Huius Hyacinthi meminit etiam Theocritus in Epi-
 taphio Bionis, eidyllio. 19.

Νῦν ὑάκινθε λάλει τὰ σὰ γράμματα καὶ πλείον αἰ αἰ
 Λάμβανε τοῖς πετάλοισι.

COGNOMINATUR autem hic, à Poëtis Latinis
 nonnunquam ferrugineus, ut à Vergilio Georg. 4.

Et pinguem tadam, & ferrugineos Hyacinthos.
 Similiter & à Columella, lib. x.

Syrpiculum ferrugineis cumulate Hyacinthis.

FERRUGINEVS verò hyacinthus dicitur, quòd ad
 similitudinem ferruginis rubeat. Est etenim ferrugo corru-
 ptela ferri, veluti aris arugo, qua à colore subrubente rubi-
 go appellatur. Vnde & ferrugineus color, instar ferruginis
 rubens. Sunt qui velint hyacinthum non ex eo ferrugineum Ferrugi-
neus color.
 cognominari, quòd ferruginis modo subrubeat, sed quia lu-
 ctus notas folijs inscriptas habeat, ferrugineumq; eum quasi
 lugubrem & funestum appellari aiunt. Tradunt siquidem
 ferrugineum esse fuscum & subobscurum colorem; Vergi-
 liumq; cum ferrugineum nominat hyacinthum, ad fabu-
 lam eius alludere, qua hyacinthum ex sanguine hyacinthi
 adolescentis natū fingit: ferrugineam siquidem ab eo etiam
 dici, Charontis funestam & luctuosam cymbam. Sed hic
 Vergilius ipse contradicit, Bucolicōn ecloga tertia, vbi
 hyacinthum suauiter, id est non intensè rubere scribit, his
 verbis:

Et me Phœbus amat, Phœbo sua semper apud me
 Munera sunt Lauri, & suaue rubens Hyacinthus.

OVIDIVS etiam loco superius adducto, eum pur-
 pureum esse manifestis verbis ostendit. Purpureus verò,
 omnis qui rubet color in floribus appellari consuevit.

RECENTIORVM plerique, hunc hyacinthum
 Poëticum appellant, ad differentiam nempe alterius, quem
 historicum Iodocus Vvillichius in commentarijs Georgicon
 Vergilij nominat. At nobis magis placet hunc scriptum hya-
 cinthum

cinthum dici : alterum verò , de quo inferius suo loco , non scriptum : in hoc etenim lugubres nota inscripta reperiuntur : in illo verò nulla sunt.

P A V S A N I A S Corinthiacon lib. secundo , scriptum *hyacinthum* , aut ei simillimum *florem Comosandalon* ab Hermionenſibus appellari , memoria prodidit , ritus referens , qui ab ipsis in honorem Chthonia dea , statis festis aguntur diebus . *Pompa agmen ducunt , inquit , sacrificuli , & qui annuos magistratus gerunt : sequuntur femina ac viri : ipsis etiam pueris solenne est , deam cum pompa deducere . Incedunt autem cum albis vestimentis , capitibus coronas ferentes . sunt ea corolla ex flore contexta , quem χαμοσαλ- δαλον incola appellant . Hyacinthum ego illum existimo : est enim ei tum magnitudine , tum colore persimilis ; habet prater ea easdem luctus indices literas .* Hac Pausanias .

Comosan-
dalus.

P O R R O purpureorum liliorum istorum , in medicina incognitus vsus est , & facultas incomperta : inter flores autem gratiam inuenere .

DE LILIO SYLVESTRI.

C A P . XXXIIII.

S Y L V E S T R E Liliū caules promit bicubitales aut altiores , rotundos : folia longa , lata , acuminata , non supra inuicem incerto ordine disposita , sed caulem quibusdam locis , stella modo radiata , circundantia : flores è suis pediculis deorsum dependent , Liliū diuisura , sed minores , colore purpureo obsoleto , purpureisq; aliquot maculis splendentes , & staminibus eiusdem coloris in medio ; quorum foliola retrorsum reflexa in circulum aut orbem ferè recurvantur : radices bulbosæ veluti ex multis nucleis coniunctæ , aut rei vel flauī coloris ; ex quibus fibra dependent . Nascitur liliū
istud



istud complurimis Germania locis, in sylvis & montibus, Fuchsio & Gesnero testibus. Belgæ cum alijs Lilijs in hortis habent. Floret sub finem Maij, aut Iunij initio, candida Lilia anteuertens.

GERMANI, Boldtwurtz à flauo bulbi colore, & Heydnisch bliumen appellant. Noſtri *Leclickens van Caluarien*. Galli, Lys ſauuage, hoc eſt, Liliū ſylueſtre. Eſt tamen & aliud ſylueſtre Liliū, alio nomine Hemerocallis, de qua ſequenti capite. Matthiolus in Italia à Chymiſtis Martagon dici, ait.

- 2 AD hoc genus Lilij, referendum quoque videtur, quod Hemerocallidem alteram, Matthiolus nominat, & in Iapidia montibus reperiri refert. Pingitur iſtud ab eo, caule comoſo, & folijs multis, incondito ordine circa ipſum diſtis: flore ſoliola ſua recuruante, Lilio ſylueſtri ſimili: radici-
bus ex multis, veluti paruis bulbis conglomeratis.

VSVM autem vtrumq; hoc Lilij genus, in medicina nullum habet.

DE LILIO NON BULBOSO.

CAP. XXXV.

NON bulbosi Lilij duo reperiuntur genera, ſlorum colore diſcreta. Vni, ſlos luteus: alteri, in rubro obſoletiori purpureus. In lutei genere ſlos vnius minor; alterius, paulo maior eſt: vterque tamen purpureo minor, qui maximus eſt & Lilio candido magnitudine ſerè ſimilis.

SUNT autem non bulboso Lilio, folia oblonga & anguſta, Porri aut Aſphodeli folijs ſimilia: caulis cubito altior, rotundus, lauis, abſque folijs, ſuperius in apophyſes, id eſt, ramulares eminentias, ſiue propagines, duas aut quatuor diuiſus: in quarum ſingulis, flores tres aut quatuor, Liliū
ſerma



forma & diuifura referentes: colore in vno quidem genere Ochra, vt diximus, luteo; in alio rubro purpureo, cuius tamen medium floris, luteum est: post flores, crassa, triangulares gignuntur filiqua; in quibus semen nigrum & splendens, Paonia semini simile, sed minus. radices subsunt non bulbosae, sed veluti Asphodeli lutei, multa, oblonga, cohaerentes; & vni quidem, cui videlicet flores maiores aut purpurei, crassiores, nodosioresq; alteri verò minoris floris, tenuiores & longiores; è quarum annexu fibra quadam crassiores serpunt, quibus non secus ac Asphodelus luteus, in plures plantas facile multiplicatur. Peregrinum Belgio istud Lilium est, & aliunde inuectum. Floret vnà cum Lilio purpureo maiori, vel paulo ante, Lilia candida precedens.

LILIVM luteum nonnulli appellant; sed rectius non bulbosum Lilium nuncupatur: alij Liliaginem, plerique Liliastrum: veteres autem Hemerocallida dixerunt. Reperiuntur autem apud ipsos Hemerocallides dua; vna frutex, alia flos est.

Hemero-
callis fru-
tex.

HEMEROCALLIS frutex ex genere est coronariorum & lignosorum, qua minutis, tenuibusq; constans folijs: semine exit; radiceq; est lignosa: vt auctor Theophrastus lib. 6. de historia stirpium. Plinius lib. 21. cap. 10. hanc Hemerocallidem inter eas stirpes numerat, qua folijs folijs coronant.

Hemero-
callis flos.

ALIA Hemerocallis, flos est, qui nocte tabescit, oriente verò Sole pullulat, Athenæo teste: quale istud non bulbosum Lilium; praesertim quod purpureum & fugacissimum est, & vno tantum die viget; matutino siquidem tempore exortum, vesperi flaccescit.

DIOSCORIDES Hemerocallida apophyses siue ramulares adnascantias habere scribit, & in singulis flores tres aut quatuor, ochra colore: caules non bulbosi Lilij, in
propa-

propagines, siue ramulos distribuuntur; singuliq^{ue} flores tres aut quatuor promunt, & eos quidem, ochrea colore in vno genere. Iam & Porphyraethes, Hemerocallis nuncupata reperitur: hac autem appellatio purpurei floris non bulboso Lilio conuenit. Quæ omnia non bulbosum Liliū, Hemerocallidem veram & legitimam esse, manifestè ostendunt. Tribuit Dioscorides Hemerocallidi, præterea radicem bulbosam: innuit istud, apud Dioscoridem Hemerocallidis descriptionem deprauatam: vel enim superfluum scilicet, & veritati repugnantium adiectione, ampliata, vel duorum Liliorum descriptiones, in vnā contractas; Hemerocallidis videlicet, & alicuius alterius Lilij, nisi fortassis & bulbosum aliquod sit Liliū, apophyses faciens, & vnus tantum diei florem luteum habens; quale tamen nondum constat alicubi repertum esse.

Dioscoridis descriptio suspecta.

HEMEROCALLIDIS autem descriptio, his verbis apud Dioscoridem traditur. ἡμεροκαλλὶς φύλλα ἔχει καὶ καυρὸν ὅμοια κρίνῳ. χλωρὰ δὲ ὥσπερ πρᾶσα. ἀνθὴ δὲ ἐν αὐτῷ καθ' ἑκάστην ἀπόφυσιν γ' ἢ δ' τὴν σχίσιν τῷ κρίνῳ εἰκότα ὅταν ἄρξηται χρίνειν. τὴν δὲ χρᾶν ἰσχυρῶς ὠχρὰν. ῥίζαν ὁμοίαν βολβῷ ἐυμεγέθει. Id est, Hemerocallis folia habet & caulem Lilio similia, viridia vt Porrum: flores in ipso, iuxta singulas apophyses tres aut quatuor, diuisura Lilio similes, cum primum hiare caperint: colore valde ochrea, radicem similem bulbo magno.

DICITUR verò Hemerocallis & ἡμεροκατάλαχτον, κρίνον ἄρσιν, κρινάνθεμον, πορφυρανθὲς, βόλβος ὁ αἶματικός, ἀντικάνθαρον, Liliū agreste & Liliū marinum. Et omnibus his nominibus Liliū non bulbosum nuncupari potest, excepta tantum bulbi hamatici appellatione, qua Lilio alicui bulboso magis conuenit.

CÆTERVM facultates Lilij non bulbosi incomper-

ta sunt, cum nullius, hac aetate, in medicina aut cibatu sit usus.

DIOSCORIDES autem Hemerocallidis radicem tritam ait, & potam; aut cum melle & lana in pecto appositam; aquam & sanguinem ducere: folia trita imposita, mammarum ex partu, & oculorum inflammationes mitigare: sed & radicem & folia, ambustis vtiliter imponi.

DE LILIO CONVALLIVM.

CAP. XXXVI.

QVOD Liliū conuallium recentior nuncupat aetas, folia duo aut tria promit, virentia, laeua, latiuscula, Liliij folijs similia, sed minora: caulem tenuem, palmarem; circa quem à medio sursum versus, flores parui, rotundi, hiantes, per oras denticulati ac reflexi, albi & odorati, & fructus inde rotundi, rubentibus Asparagi baccis haud multum absumiles, verum minores; semen in his durum & amaricans; radices tenues sunt, longae, aliquantulum geniculatae, serpentes.

IN syluis & locis vmbrosis sponte exit. Floret circa Calendas Maij mensis.

GERMANI, *Weyenblumlin* & *Weyenryß*/ inde nominant: *Belga*, *Weyenbloemkens*: Galli etiam *Muguet*: est tamen & alia ab ipsis *Muguet* dicta, *Lapaginis* videlicet species, à *Plinio* *Asperugo* nuncupata. *Gesnerius* florem istum *Callionymum* appellari posse existimat, nostra aetas *Liliū conuallium* vocat.

CALIDÆ & siccae qualitatis flores & fructus participes sunt. Feruntur flores aduersus apoplexiam, nervorum resolutiones, vertiginem, morbum comitiale, ac alios cum cerebri frigida humidaq; intemperie morbos, auxilia-
res



res esse. Sunt etiam qui velint flores istos cor roborare, ac
cardiacis quoquo modo assumptos prodesse: oculorum item
caligines decocto aut succo eorum discuti.

EIVSDEM cum lilio isto generis esse putatur, quod 2
Vnifolium dicitur: folium huic ut plurimum in renai pedi- Vnifolium
culo singulare & vnicum est, latum, nervosum & acumi-
natum, magnitudine ferè foliorum hedera; circa caulicu-



lum autem breuem tenuemq³ bina, eiusdem formæ sed minora, supra quæ flores candiduli Lilij conuallij similes, at minores, & nullius aut exigui odoris: bacca sequuntur exigua, per maturitatem rubentes: radices tenues, obliquæ, serpentesq³ fibræ sunt.

EXIT iisdem & similibus, quibus Liliū conuallium locis: floretq³ eodem tempore aut paulo post.

VULGO Einblatt nuncupant, id est Vnifolium siue μονόφυλλον.

TRADITVR à quibusdam resiccatarum radicularum pulvis, aduersus pestilentem bubonem efficax esse, si statim initio ipsius mali, drachma pondo cum aceto, & vino, aut aqua permixtis detur.

DE ASPHODELO. CAP. XXXVII.

ASPHODELI genus vnicum Dioscorides; Plinius verò duo fieri genera, & Dionysium feminam ac marem esse dixisse, refert. Posterior atas duo triaue Asphodeli genera obseruauit; & præter bulbosum quidem, cuius Galenus meminit.

PRIMUM genus, album quis dixerit: alterum verò, luteum.

FOLIA autem primus habet complura, oblonga, angusta, Porri folijs similia, acuminata, caulem rotundum, lauem, cubito longiorem; quem à medio sursum versus multi quinque foliolorum flores patentes exornant, colore candidi, aut ex valde diluto rubro modicè purpurascens, staminibus in medio; post quos capitula sequuntur orbiculata: semen in his durum triangulum nigricantis obsoleti coloris. radices ab vno capite complures exeunt, oblongæ, inferiore sede crassiores, magnis glandibus quodammodo similes, succosæ, cum amaritudine leni, sapore adstringenti. In Gallie Prouincia, Italia, Hispania, & alijs locis, sponte exit: apud Germanos & Belgas, non nisi satus prouenit. Floret hic Maio & Iunio, ac particulatim quidem, ab imis incipiens, aliquot postquam satus est annis.

HVIC similis floribus, folijs, & semine, alius quidem Asphodelus est minor, cui non glandulosæ, sed fibrosæ sunt radices. Floret protinus & primo anno, deinde intermori-
tur: Pseudo Asphodelus quidam non abs re esse videtur.



ASPHODELVS autem Græcis quidem ἀσφόδελος, Latinis Albucum siue Albucus, & hastula regia dicitur. Caulis cum floribus ἀνθερίκός. Plinius caulem floriferum Anthericon, radicem verò, id est bulbos, Asphodelum nominari refert.

MEMINIT huius Asphodeli Hesiodus in Operibus & diebus, ubi stultos ait ignorare quàm magnum bonum sit in Malua & Asphodelo. Nam huius præcipuè Asphodeli radices edules sunt. Galenus tamen non de hoc Asphodelo, sed de bulboso eum scripsisse opinatur; cuius tamen bulbos non nisi compluribus elixationibus esculentos reddi, ipsemet testatur; quales, non est verisimile Hesiodum commendasse; qui cibum aliquem paratu facilem per Maluam & Asphodelum insinuasse videtur. Verba eius sunt:

Νῆπιοι οὐδ' ἴτασιν ὅσῳ πλεὸν ἡμῖσιν πάντος,

Οὐδ' ὅσον ἐν μαλάχῃ τε καὶ ἀσφόδελεϊ μέγ' ὄνειαρ. Id est,

Stulti neque sciunt, quanto plus dimidium sit toto,

Neque quàm magnum in Malua & Asphodelo bonum.

CÆTERVM Asphodeli, ut Dioscorides tradit, radices potæ, vrinam & menses ciunt; sanant etiam lateris dolores, & tusses & rupta conuulsaq; drachmæ pondo potæ ex vino: facit ad vomitiones magis idoneos, tali magnitudine in cibo sumpta: datur utiliter à serpente demorsis trium drachmarum pondo; sed imponere morsibus oportet, & folia, & radices & flores in vino cōtrita: sordida item & depascentia vlcera; mammarum etiam ac testium inflammationes, phymataq; & furunculos in fece vini radix decocta curat: sed recentibus inflammationibus cum polenta auxiliatur.

SVCCVS radice addito vetere vino dulci, myrrha & croco, illinendis perquàm vtile oculis fit medicamentum, si simul decoquantur. Ad purulentas aures idem per se & cum

thure, melle, vino & myrrha tritus, prodest. In contrariam aurem infusus, dentium dolores sopit.

VSTÆ radicis cinis Alopecias impositus ad pilum reducit.

OLEVM in excavatis radicibus ad ignem decoctum, exulceratis pernionibus & ambustis illitu prodest : & in aures infusum earum doloribus auxiliatur. Vitiliginem albam, luteo antea in sole perfrictam, illita radix exterit.

SEMEN & flores præcipuè, aduersus Scolopendras & Scorpiones excellens sunt remedium, in vino pota.

DE ASPHODELO LVTEO.

CAP. XXXVIII.

PRÆTER Asphodelum superiori capite descriptum, & alius est luteus cognomento ; folia cui sunt oblonga, angusta, striata, in virore quasi cerulea, longiora & angustiora quàm primi: caulis rotundus, cubitalis: flores in eo, à medio sursum versus, plurimi; alterius satis similes, caterùm colore lutei, staminibus in medio: capitula succedunt rotunda, in quibus semen: radices similiter complures, sed singule oblonga & tenues, multo quàm primi & tenuiores & longiores, colore luteola, supra quas fibra quædam laterales exeunt, per quas in plures alias stirps ipsa facillè multiplicatur. Peregrinus & hic Asphodelus Belgio est, nec alibi quàm in hortis reperitur. Floret similiter Maio aut Iunio mense; folia eius pleraque hyeme, si non admodum rigida fuerit, virent; Vere noua exeunt.

RECENTIORES Asphodelum luteum à florum colore luteo appellant; à Dionysio femina dictus esse videri potest, & Plinij alter.

PORRO quis huius Asphodeli vel in cibatu, vel in medicamentis vsus sit, exploratum nondum est.



BULBOSVS *Asphodelus* folia habet porracea, sed tamen angustiora & breuiora quàm primi *Asphodeli*; caulem rectum, rotundum, floribus similiter multis circum vestitum, rarioribus tamen, primi *Asphodeli* floribus laud multum dissimiles, ex sex paruis acuminatis foliolis, & aliquot in medio staminibus compositis: capitula quoque triangularia, sed oblongiora, in quibus semen: radix subest bulbosa magnitudine esculenti bulbi, aut maior. Apud Belgas non nisi hortensis est. Floret eodem, quo primus, tempore, aut serius paulo.

ASPHODELI speciem esse caulis *Antherico* similis ostendit; qua de causa & eum *Asphodelum* esse apparet, cuius Galenus lib. de alimentorum facultatibus secundo, meminit his verbis.

RADIX *Asphodeli*, & magnitudine, & figura, & amarore *Scilla* radici quodammodo est similis: si tamen ut *Lupini* paretur, maximam partem sui amaroris deponit; inq; eo à *Scilla* discrepat. Nam *Scilla* qualitas difficillimè eluitur. *Hesiodus* certè *Asphodelum* laudat cùm sic ait: Nec quanta in *Malua* & *Albuco* sint bona, norunt. Equidem noui quosdam rusticos, qui grassante fame, vix tandem compluribus elixationibus, macerationibus in aqua dulci, esculentam ipsam reddiderunt. Porro hac quoque radix, quemadmodum & *Dracontij* facultatem habet tenuandi atque aperiendi. Proinde quidam pro summo remedio ipsius *Asparagum* ictero laborantibus exhibet. De eodem verò *Asphodelo*, & lib. de simplicium medicamentorum facultatibus idem scribit. Radices etenim *Asphodeli* viribus *Aro*, *Arifarro*, & *Dracontio* similes esse ait, quales certè huius, non
primi



primi illius sunt. Verba Galeni, hoc loco, de Asphodelo, hæc sunt: Et huius radix utilis est, sicut Ari, Arisari, & Dracontij, nempe extergentis facultatis. Vsta autem cinis calidior, & exiccantior, subtiliorq̃, ac digerere potentior efficitur, ac proinde & Alopecias sanat.

DE IRIDE. CAP. XL.

IRIDIS species floris colore differentes, complures esse Dioscorides innuit. Flores siquidem, ait, varij aut candidi, aut lutei, aut nigri, aut purpurei, aut cyanei. Quam coloris diuersitatem, non in vno flore, vti Andreas Lacuna existimauit, sed in diuersis reperiri αὐτόπτης testis est Antonius Musa; qui à se conspectos in Illyrico, Iridis flores plerosque candidos, alios pallidos, nonnullos luteos, quosdam purpureos, plurimos caeruleos, in examine simplicium scribit.

FOLIA omnibus oblonga, ensis aut gladij similitudine: caules rotundi, laues, cubitales, nonnullis altiores; in quorum summo flores παρὰἀλλοι siue alterno ordine positi, terni quaterniue, odorati. Constant flores senis potissimum foliolis, quorum tria deorsum repanda arcus modo reflectuntur, alia tria sursum & contra se mutuo curuantur. Color candida per totum quidē florem candidus est; lutēæ, luteus; caeruleæ siue nigrae in saturata caerulea purpura nitet, μελανίου siue Viola nigra colorem referens; purpureæ verò in caeruleo purpureus, sed eius tamē quæ Belgio vulgaris est, non in omnibus foliolis neque ab omni parte similis; sursum etenim reflexa, pallidiora sunt & colore dilutior, praesertim vnus, cuius hæc pallidissima & ad aquæ κυάνεον colorem accedunt; deorsum curuata inferiore parte pallent; superiore verò pulcherrimū purpureæ siue nigrae Viola dilutū colorem proximè exprimunt; intermixtis interim lineis candidis, quæ



quæ ab ipso solij exortu ac veluti base, tum & ab ipsa flaua fimbria exorientia, gratam coloris mixturam & varietatem efficiunt. Oritur fimbria ab ipsa inferiorum foliolorum in singulis floribus parte, qua calyci inhaerent, & inde sursum ad medium producitur, multis, tenuibus, breuibus, luteolis veluti pilis concreta, humani ferè supercilij, aut Erucæ hirsutæ similitudine. Præter sex autem hæc, quæ propriè folia, sunt & tria alia oblonga, angustæ foliola, extrema summæq; parte bifida, quæ fimbriam illam quodammodo contegunt: sub his singula stamina. Radices Iridi subiacent longæ, solida, nodosa, ac veluti geniculata, digitali aut ampliori crassitudine, subinde in plures propagines, ipsis ex lateribus adnascentes distributa, & summa terra hærentes, intus candidæ: quibus adhuc recentibus & nondum resiccatis, nonnihil inest feruentioris saporis, qui tamen non statim, sed paulò post quàm mansa sunt, deprehenditur: tunc etenim fauces & lingua radicem impetens, ignea qualitatis vestigium, ac πυρῳτέρον τὶ, quod non facile eluitur, ipsis imprimit: sicca verò gratiori sunt odore, & qualitate gustabili minus acri.

NASCITUR Iris in Illyrico, Macedonia, Africa, & in complurimis Europæ prouincijs. In Belgio, purpurea familiarissima est, & non modò in hortis, sed & quibusdam palustribus locis sponte exit, præsertim cuius flores diluorem purpuram, & aqua cyaneum colorem referunt: Candida, hortensis tantum est; Lutea in paucorum hortis colitur à paucis annis primùm in cognitionem deducta: Caruleam odoratissimi floris in Hispania plerisque locis sponte exire accepimus.

OPTIMA Iris apud Illyricos prouenit, & melior quàm in Macedonia, non tamen parte maritima, sed mediterranea, magisq; ad Septentrionem sita; vt Theophrastus ait.

ait. Plinius Illyricam reliquis quoque præfert, & quidem non in maritimis, sed in palustribus (exemplaria, ferè syl- Plinij lo-
uestribus, minus rectè habent) Drylonis, & Naronana- cus restitutus.
tam: quam etiam Nicander in Theriacis commendat, sic
scribens:

Ἰριν δ' ἢν ἐθρεῖς Δρύλων καὶ Νάρονος ὄχθῃ. Id est,
Iridem quam aluit Drylon & Naronis ripa.

SUNT autem hi fluij Ptolomæo in Dalmatia prouincia Illyrico vicina. Nicandri verò scholiastes, Drylonem fluium esse ait Illyriorum & Narorum, qui Illyricos & Liburnos segregat; vbi Cadmus & Harmonia habitant, in serpentes transformati.

DIOSCORIDES inter Illyricas & Macedonicas præstantissimam esse ait, quæ radice est densa, minuta, frangi contumace, subruffo colore, multum odorata, gustu feruido, odore integro, non situm redolens, & sternatamenta dum tunditur mouens.

PROXIMA bonitate, Plinio auctore, Macedonica est, quæ apud Galenum lib. 7. κατὰ γένῃ in acopo quodam Asclepiadis recipitur, cum tamen in alijs compositionibus Illyrica ferè admisceatur.

TERTIO loco Africana est, quam Galenus lib. primo de antidotis, multo inferiorem Illyrica testatur. Nam si, inquit, conferas eam quæ ex magna Libya Romam copiosissima adfertur, tantum ab Illyrica abest, quantum mortuum corpus à viuo.

QUÆ in frigidioribus reperiuntur regionibus, deteriores ac viribus infirmiores sunt. Theophrastus has omnino absque odore esse existimauit. In Trachia, inquit, caterisq; frigidioribus locis, ac minus coctura idoneis, odore penitus caret: quod tamen non absolutè verum est. Nam & Belgica Iris resiccata, non omnino absque odore est, licet tamen

odore, quàm Italica inferior; quæ hac ætate in Germania & alibi, reliquis præfertur, & Florentina cognominatur.

IRIDIS flores mense Maio prodeunt: folia ferè semper virent: radices diuturnæ, vix vlla hyemis iniuria offenduntur; nisi fortè candida, cuius nimio hyemis rigore, subinde radices intermoriuntur.

IRIS Græcis ἴρις appellatur: Athenæus & Theophrastus ἱερὴ legunt, quasi consecratrix, quo nomine etiam Latinis dicitur: nonnullus radix Marica, vel potius radix Naronica, à Narone fluvio, circa quem optima & copiosissima, ut diximus, nascitur. Item ὀυρανία, celestis, ab arcu celesti, & ab eadem occasione θαυμάσιος, admirabilis; θαυμάσιον enim arcum celestem Poëta aliquando vocant: Nominatur & ἑλπίδην aut ἑλπίδην, καθαίρων purgans, ὀρεγνῆρος. Philinus Iridis flores λύκους, id est, Lupos vocari tradit, quod deorsum arcus modo curvata, labiorum Lupi speciem quandam reddant. Germanis, Bilgen / Schwertel / Nostri, Lisch ouer Zee. Gallis, Flambe. Italis, Giglio & Iride, Iris nominatur.

¹ **IRIDIS** species flore candido olim in officinis gignendi casu Græco ἰριος nuncupabatur: Germani, Violwurtz / weiß Violwurtz: Nostri, wit Lisch: Galli, Flambe blanche appellant. Hanc multi reliquis præferunt, & odoratiorem eius radicem affirmant.

² **ALIA** Iridis species flore in caruleo purpureo, Iridis nomenclaturam retinet: plerisque, tamen Lilialis, & in Apulia Spatula, ut Franciscanæ familie fratres Angelus Palea & Barptolomæus ab vrbe veterum scribunt: Itali, Giglio azurro, & Giglio celeste. Germani, blauw Bilgen / blauw Schwertel / himmel Schwertel: Brabanti, blauw Lisch ouer Zee. Huius speciem, quæ flore est dilutior, plerique sylvestrem Iridem nominant; ad differentiam

tiam candida, cum alterius hortensis. Sunt tamen & aliæ apud veteres sylvestres Irides, Xyris videlicet, & Ephemeron non lethale. Aloisius Anguillara Iridem hanc à Palladio Hyacinthum vocari existimat: alius Hyacintho, Iridis ac Gladioli nomen tributū dixerit. Verba Palladij sunt, lib. 1. de Apum castris, titulo 37. Herbas nutriat, Origanū, Thymum, Serpyllum, Satureiam, Melissophyllum, Violas agrestes, Asphodillum, Citraginem, Amaracum, Hyacinthum, qui Iris vel gladiolus dicitur, similitudine foliorum, &c.

PORRO Iridis radices recentes, & adhuc succo plena, impensè calida sunt, ad quartum ferè caliditatis gradum peruenientes. Succus earum non modò bilem, sed potissimum aquosos humores potenter educit, & hydropicos insigniter purgat, cum lactis sero, aut alio liquore, qui caliditatem eius nonnihil contemperet, epotus.

ARIDÆ in secundo sunt ordine intenso calefacientium & resiccantium: crassos & lentos humores, qui agrè ac difficulter educuntur, attenuant: respirationis difficultati, tussi veteri, & omnibus thoracis vitijs, quæ hinc oriuntur, multum in eclegmate prosunt. Auxiliantur etiam lienosis, conuulsis, à serpentibus demorsis, perfrictionibus, rigoribus, & his quibus genitura profluit, cum aceto, inquit Dioscorides, pota: cum vino menses ducunt. Decoctum ad infessus muliebres vitale est, emollit etenim & locos aperit: ad coxendiciū verò dolores, infusum: fistulas ac sinus carne implet; instar collyrij cum melle subdita, scætus extrahunt: strumas & veteres duritias molliunt, cocta & imposita: arida vlcera replent: cum melle repurgant, & nudata ossa carne operiunt. Prosunt capitis doloribus cum aceto & rosaceo imposita: lentes & ephelidas abstergunt, cum Veratro albo & duplo melle superposita. Admiscuntur pesis & malagmatis: in vniuersum multi vsu.

PRÆTER Irides superiore capite descriptas, reperiuntur & alia quedam Irides, de quibus deinceps agendum. harum vna minor, & tenuifolia non temerè appellatur.

EST hac alijs similis, sed minor ac tenuior: folia habet breuiora, angustiora, nigrioraq; aut casti quasi coloris, quæ confricata, grauiusculum reddunt odorem, Spatula fœtida propemodum persimilem, sed tamen minus graueolentem: caules similiter breuiores, sæpe vix cubitales; in quo flores bini, terniue, alterni, colore caruleo saturato, forma aliarum Iridum propemodum similes, nisi quod ipsius foliola singula angustiora sint, & superiora contra se mutuo non adeo recuruentur, sed serè erecta consistant: inferiora verò ac deorsum reflexa fimbriam non habeant, sed solam lineam luteam; quæ tamen parte calyci proxima, nonnihil hirsuta est: radices quoque obliquæ, nodosæ, & sibi inuicem implicatæ, & quandoque quàm aliarum densiores, longas, multasq; fibras inferius demittentes, foris ruffæ, intus subcandida aut sublutea, gustu feruido, vti aliarum.

NASCITVR in Germania in apricis planisq; pratis, frutetosis ac humentibus campis, teste Valerio Cordo, & non procul, vt Gesnerus ait, Tiguro. Apud Belgas non nisi in hortis prouenit. Floret eodem quo alia serè tempore.

IRIDEM minorem & tenuifoliam, vt diximus, appellant. Videtur nonnullis Plinij Rhizotomos, quòd radice videlicet sit subruffa, breui, densaq;. Sed Rhizotomos Illyrica est species, & quidem præstantior, Plinio auctore; hæc verò contra, alijs odore & potentia inferior, nec in Illyride, sed in Germania reperitur. Proinde non Illyrica aut Rhizotomos.

rotomos, sed sui generis *Germanica* & *tenuifolia* quadam *Iris*, qua *Spatula* fœtida species haberi posset, si semen quod in siliquis gignitur, non vti aliarum *Iridum* planum, sed veluti *Spatula* fœtida rotundum esset. *Plinij* autem de *Rhizotomo* hac sunt verba: *Illyrica* duorum generum est: *Raphanitis* à similitudine; & qua melior *Rhizotomos* subrussa.

CÆTERVM potentia huius radix vehementer calida feruensq; est; facultate & viribus alijs *Iridibus* non inferior: ad eadem, ad qua illa, ea propter, præsertim recentes, vtilis.

DE CHAMÆIRIDE. CAP. XLII.

CHAMÆIRIS inter *Irides* minima est, folia habet *Gladiolo* minora, angustiora, pinguiora: caulem palmi altitudine, folijs breviorum: in quo flores non alterno ordine ac situ, vt in alijs, sed è summo cauliculi simul, singuli suis insidentes pediculis, erumpunt, odorati, & maturi pruni odore & aliquatenus colore, *tenuifolia* *Iridis* floribus minores, forma aliqui similes: foliola siquidem & huius floris angustiora sunt, & deorsum reflexa, fimbriam illam humani supercilij non habent. radices parua & obliqua sunt, foris russa, intus candida, dura, gustuq; feruentes. *Peregrina* hac *Iris* non modò *Belgio* aut *Germania*, sed & *Italia*, vt fertur, est: & non nisi in hortis reperitur.

FLORET Maio mense: folia hyeme pereunt, Vere erumpunt noua.

IRIDEM esse *Illyricam* *Hermolaus* existimauit *Barbarus*, cum eam olim in horto *Felicis* *Sophia* *Patavij* conspiceret; sed ab *Illyrica* & legitima *Iride* eam differre, *Antonius* *Musa* in examine simplicium, satis ostendit. Nos



Chamairidem nuncupauimus , antiqua destitutam appellatione ; nisi fortè Iris sit Astragalites dicta , cui aliquatenus similis est . Nam veluti astragali siue tali , parua , nodosa ; duraq^{ue} huius Iridis radicle sunt . Astragalatidis Iridis meminît Soranus apud Galenum κατὰ τόπον lib. 7. &
Aetius

Aëtius sermone 13. cap. 3. in emplastro venatorum.

FACULTATE autem & viribus, hæc quoque Iris acris & impensè calida est, alijsq; Iridibus similis.

DE SPATVLA FOETIDA.

CAP. XLIII.

SPATVLA foetida, caule, folijsq; iridi similis; folia tamen nigriora, grauem fœdumq; odorem spirant, præsertim si confricentur atque digitis atterantur: flores quoque similes sed minores, purpurei sed sordidi & obsoleti coloris: Cordus tamen cuiusdam saturata purpura arridere refert: succedunt siliqua magna triangulares, quæ in tres dehiscentes finduntur: semen in his rotundum ochri siue Erulie magnitudine, rubens, splendens, quod resiccatum contrahitur & nigrescit. Radices nouellis plantis rotundæ, & veluti bulbi aut cepæ alicuius caput, ex qua crassiores fibrae dependent: veteribus verò & multorum annorum plantis, multæ sibi inuicem implicite, magnum veluti cespitem constituentes; gustu feruida, vt & ipsum est semen. In Hetruria & alijs Italiae locis sponte exit; apud Belgas vix alijs locis quàm in hortis reperitur. Florem edit Iulio & Augusto: semen Autumno maturatur.

PASSIM Spatulam foetidam appellant, pleriq; etiam Iridem syluestrem: Germani, Wandtleuszkraut à potentia qua cimices enecat. Galli, Glayeul puant. Belgæ, Wantluytscruyt / stinckende lisch. Ruellius Sparganiū existimat, sed nos pro Sparganio aliam exhibuimus herbam; Sparganiū apud Dioscoridem descriptioni melius respondentem: alijs Xyris esse videtur; quæ Fuchsii & Matthioli aliorumq; constans est opinio, olimq; nobis placuit, sed modò probari non potest. Si etenim diligenter Xyridis

descriptio expendatur, parum cum ea Spatula fœtida convenire deprehendetur. Nam folia Spatula fœtida non latiora, sed quàm vulgaris Iridis angustiora sunt: flos non è siliqua aliqua, multò minus triangulari, erumpit; sed nudus & nullo integumento prius quàm dehiscat coniectus, idem aliquando purpureus, sed in medio nequaquam phœniceus: radices etiam non longæ & ruffæ, sed candidæ, & plurima parte breves. Quæ omnia Spatulam fœtidam à Xyrīde differre ostendunt. Xyrīdis siquidem folia latiora sunt quàm Iridis; flos è siliqua erumpit, colore in medio phœniceus, & radices subruffæ, longæ, geniculatæ.

FACULTATE porro ac viribus Spatula fœtida radices & semina calida sunt, ad tertium caliditatis gradum ac siccitatis pertingentes. Foliorum succus cimices enecat; parietibus ac lecticis illitus.

DE XYRIDE EX DIOSCORIDE.

CAP. XLIII.

XYRIS Iridi similia habet folia, latiora verò & in summo acuminata; caulem è medio eorum cubitalem satq; crassum, in quo siliquæ triangulares, & ex ipsis flores purpurei medio eorum phœniceo: fructus in folliculis sabis, aut, ut Oribasii exemplar habet, Eruo similis, rotundus, rubens, acris: Radix geniculata, longæ, πυρρὰ siue ruffa.

Ἐυρίς Græcè & Latine dicitur, à nonnullis Xeris & Xyrīda, Galeno teste. Item ἰρίς ἀγρία siue sylvestris Iris, κατὰ τὸν κατὰ τὸν. Vulgo autem incognita stirps est.

TENVIVM partium, inquit Galenus, attractoriæ, digerendi, ac nimirum etiam desiccandi, est facultatis cum radix, tum multò etiam amplius fructus; qui quidem & urinam ciet, & lienes induratos sanare potest.

DIOSCORIDES ait radicem contra capitis vulnera & fracturas facere, aculeos educere, & telum omne citra dolorem extrahere, admixta floris aris tertia parte, & Centaurij radice quinta, & melle: sanare & œdemata ac inflammationes cum aceto impositam: bibi ad conuulsa, rupta, coxendicum dolores, stillicidia vrinae, & diarrhœas cum passo tritam: fructum per vrinam potenter mouere trioboli pondere ex vino bibitum: Lienem verò minuere cum aceto potum.

XVRIDIS radix, Plinio auctore, strumas vel panos vel inguina discutit. Pracipitur, addit, vt sinistra manu lecta, ad hos vsus seruetur, colligentesq; dicant cuius hominis vitijq; causa eximant.

DE PSEUDO IRIDE, SIVE SYLVE-
STRI IRIDE LVTEA.

CAP. XLV.

PSEUDO Iris folia quoque Iridis gerit, sed longiora & angustiora, dorso aliquantulum virinque extante: caules glabros, Iridis haud dissimiles, subinde bicubitales; atque in ijs flores complures, vti aliarum Iridum; nisi quòd horum superiora foliola omnino paruula sint, & eorum quæ in veris Iridibus visuntur, quadam veluti tantum rudimenta, ac prima lineamenta: siliquæ crassæ succedunt triangulares, in quibus semina multa simul compressa, ordine digesta, plana, cartilaginea, lentibus maiora: radices obliquæ, longæ, geniculatæ, cirrosæ, in propagines diuisæ, colore pallide rubentes, gustu adstringentes. Nasquitur palustribus locis, humidis & riguis tractibus, Italia, Germania, Gallia, Belgioq; familiaris. Floret Maio & Iunio.

VVLGO, Germani, gel Schwertel & Drachen-

K 5

wurtz:



Wurtz: Nostri, geel Lisch: Galli, Glaycul ou Flambe bastarde. *Officina perperam olim Acoron appellauere: & maiori cum errore radicibus eius pro legitimo Acoro vsa sunt. Nam non forma modo, quæ fortasse in aliquo conuenire potest, sed viribus potissimum, ab Acoro plurimum dissidet. Plerique hac occasione Pseudo Acoron nominant: nos Iridem luteam syluestrem, aut potius pseudo Iridem nuncupare maluimus, utpote Iridi quàm Acoro similiorem.*

FACULTATEM habet radix huius adstringentem, frigida & sicca secundo excessu; dysentericas & alias ventris fluxiones cohibet: menses sistit, & sanguinem vndeque manantem suppressit, in potu, aut aliter sumpta. Sunt etiam qui solum gestantem eam, ab omni sanguinis fluore tutum affirmant.

DE ACORO EX DIOSCORIDE, THEOPHRASTO, ET ALIIS.

CAP. XLVI.

ACORO cognatio & similitudo cum Iride est; solia, ut Dioscorides ait, habet Iridis, sed angustiora, radices haud dissimiles, sibi inuicem implicatas, non in rectum descendentes, verum obliquas, & secundum terræ superficiem, geniculis interceptas; subalbidas, gustu acres, (& modicè amara, addit Galenus) odoris non iniucundi. Theophrastus Acoron inter eas stirpes refert, quæ cum seminibus flores edunt. Inuentu rarum Apuleius scribit, & non nisi cum flosculum produxerit, agnosci posse. Plinij de Acoro historia, lib. 25. cap. 13. cum Dioscoride conueniret, nisi radices nigras traderet, & minus venosas eas esse ac ruptu faciles superadderet. Matthiolus Acoron folio depingit Iridis, radice longa, obliqua, & in superficie geniculis distincta, quod pro legi-

legitimo sibi ab Augerio à Bousbeeck Ferdinandi Imperatoris, apud Turcorum Imp. Oratoris missum memoria prodidit.

PROVENIT Acorum in Colchide, Galatia, & Creta insula. Optima, inquit Plinius, Acori radices Pontica; deinde Galatica, mox Cretica: sed prima in Colchide, iuxta Phasim amnem, & ubicunque in aquosis: Matthiolus ad se missas, è Nicomedia quodam magna vastitudinis lacu collectas, refert. Est autem Nicomedia ciuitas Galatia, Colchidi vicina. Colchis verò Ponto Euxino vicina provincia.

PRÆSTAT, inquit Dioscorides, Acoron densum, candidum, non cariosum, plenum, odoratum. Plinius tamen Creticas candidiores Ponticis ait. Sunt autem ipso auctore, Cretica Ponticis minus probata.

Ακορος & Ακορον, Græcis: Latinis Acorum dicitur. Nonnullis, teste Apuleio, Αποδιολας, Venerea, radix nautica, singentiana, vnguentaria: Officina Europa, magno cum errore, Calamum odoratum siue aromaticum appellarunt, pro Acoro pseudo Iridis radices, vt superiori capite ostendimus, perperam substituentes. Est verò & Ακορος quibusdam Oxymirnes radix: ideoq; quidam hanc Ακορον ἄγριον vocare malunt, vt Plinius ait.

ACORI radix, auctore Galeno, in calfaciendo & resiccando tertij est ordinis. Decoctum eius, Dioscorides inquit, vrinas mouet: auxiliatur ad lateris, thoracis & hepatis dolores; item ad tormina, rupta & conuulsa: Lienem absumit: prodest stillicidio vrina affectis, & à serpentibus demorsis: succus radices, qua oculorum claritati officiant, exterit. Miscetur etiam antidotis vtiliter hac radix.

DE GLADIOLO. CAP. XLVII.

GLADIOLO folia sunt oblonga, angusta, striata, gladij modo mucronata, Iridis minora & angustiora: caulibus lauis, teres, cubito longior; circa cuius summum flores sex aut septem distantes, in ordinem supra inuicem, ad vnam caulis partem digesti, ex sex foliolis commissi, colore purpureo rubente splendentes: succedunt inde folliculi in rotunditate oblongi: semina in his tenuia, paleacea; radix gemini bulbi vno super alterum insidente, quorum superior Veris initio minor ac vegetior: inferior maior, sed flaccidior, qui paulo post perit, in plures subinde multiplicatus. Exit Gladiolus in pratis, in aruis inter segetes agro fecundo Italiae pluribus locis. Cordus in frutetosis herbosisq; etiam nasci scribit. Et quibusdam locis maior ac procerior; alijs vero minor ac breuior reperitur. Floret Maio mense.

GRÆCIS ξίφιον, Latinis Gladiolus, & nonnullis ensis appellatur. Sunt qui φάσγανον, μαχαίρῶνιον, μαχαίροφυλλον, ἀναλῆριον, λιμνικὸν, ἄριον, Gladiolum segetalem, & linguam Ceruinam nominent. Plinius etiam Cypirum appellat, vt lib. 21. cap. 17. Bulborum generi, ait, quidam annumerant & Cypiri, hoc est, Gladioli radicem: dulcis ea est, & quæ decocta panem etiam gratiorem faciat, ponderosiorēq; simul subacta. Item cap. 18. Cypirus est Gladiolus, vt diximus. Sunt autem ea, quæ cap. 17. reperiuntur, ex Theophrasto de phasgano ad verbum translata. Phasganon autem idem cum Xyphio est: vnde Plinium perperam Gladiolo Cypiri nomen dedisse, eumq; hoc modo cum Cypiro confudisse euident est & manifestum.

Plinij
cor.

VALERIUS Cordus, Gladiolum Victorialem feminam nuncupat: alij Victorialem rotundam, & Germanicè, runde Seigwurtz / ad differentiam cuiusdam generis Allij



Allij, longa radice, quod in altissimis Alpium iugis reperitur, & à Germanis Seigwurtz/ Victoria radix, & Victoralis longa dicitur. Flores Gladioli Monacuccie ab Italis, vt testis Matthiolus, nominantur.

CÆTERVM radix Gladioli superior; attrahentem, digerentem, desiccantem etiam, vt Galenus ait, facultatem possidet. Dioscorides hanc cum vino, ait, & thure impostam spicula & aculeos extrahere, cum Lolij farina & hydromelite phigethla discutere, eamq; ob causam eiuscmodi emplastris addi: menses etiam appositam ducere. Ferunt, eodem auctore, superiorem cum vino sumptam, Venerem excitare: inferiorem verò steriles facere: quin & superiorem pueris enterocelicis vtiliter ex aqua propinari. Plinius infantibus vrinam ciere, & vesica vitij illiniri addit. Theophrastus Phasgani, id est, Gladioli, radicem decoctam dulcem esse tradit, & tritam farina admixtam panem dulcem & innoxium reddere.

DE SISYNRICHIO.

CAP. XLVIII.

SISYNRICHIO folia sunt graminis bina aut terna, oblonga & angusta: caulis rotundus, dodrantalis, in quo flosculi tres aut quatuor, pulchri, colore carulei, verum fugaces, & paucis admodum horis vigentes, alternatim prodeuntes, forma quodammodo florum Iridis; ex nouem videlicet foliolis compositi: quorum tria deorsum reflexa, pro fimbria maculam habent plurima parte luteam; alia tria sursum versus aliquantulum eriguntur; tria verò reliqua respondentia ijs, quæ Iridis florum fimbriam contegunt, proportionem huic flosculo maiora & tenuiora sunt, sursumq; arrecta medium floris tenent, summa, extremaque parte diuisa:



diuisa: capitula inde succedunt oblonga, in quibus semen rotundum, paruum uti Rapi. radix bulbosa gemina, vno bulbo alteri superposito, sicuti Gladioli, sapore dulcis ac edulis, quæ inuolucro quodam integitur reticulato: quod quidem maioribus spissius est; minoribus verò minùs crassum: duo etenim huius genera esse videntur magnitudine sola differentia. In Lusitania & alibi apud Hispanos nascitur. Floruit Mechlinia Maio mense, in horto amplissimo & instructissimo D. Ioannis Brancionis viri generosissimi.

HISPANI Nozelhas, quasi nucas, siue paruas nuces appellant. Nobis Bulbi esculenti genus illud esse videtur, quod Græcè σισυρίχιον ἢ σισυρίχιον, & Latine à Plinio Sisyrrichium appellatur. Scribit etenim Theophrastus lib. 7. Sisyrrichij proprium esse, radicis quidem, quod infra est, augeri primum; Vere autem apparente hoc tarescere: quod verò supra est edule incrementum sumere. Quibus verbis geminam Sisyrrichio radicem & edulem esse ostendit: ut hinc bulbum hunc, quem Hispani Nozelhas nominant, verum Sisyrrichium esse colligendum videatur. Nam gemina, ut scripsimus, est; & in Hispanijs passim editur.

DE LIRIO. CAP. XLIX.

LIRII vox polysemos est, pluribus floribus communis: Lirium enim lilium est; & Narcissus lirium est, de quibus suis locis. Præter hæc verò & alia duo propriè dicta sunt Liria: vnum maius, Vere exiens: alterum minus, Autumnale; de quibus hoc capite agendum.

MAIUS Lirium folia habet Porro aut Asphodelo similia: caulem cubitalem: florem in summo Iridis aut Sisyrrichij flori forma satis similem, sed maiorem quàm Si-



Synrichy : colore aut totum luteum, aut caeruleum purpureum cum lineis luteis, qua in inferioribus foliis simbria loco sunt: Radicem bulbosam, oblongam, cepa similem. Plurisque Hispania Betica & Lusitania locis sponte gignitur. Floruit Antuerpia in horto Petri Coldenbergij fidiſſimi ac diligentissimi Pharmacopœi, mense Iunio.

LVSITANOS Lirio nuncupare accepimus. Et certè *λεῖριον* illud esse omnino videtur, quod à Theophrasto lib. 6. Vere post Liliū exire traditur; & aliud à Lilio & Narcisso est.

EST autem fortasse & idem hic bulbus, Apulei Hierobulbus, cuius meminit cap. 21. Nam cum Iris apud veteres hieris nuncupetur, hic verò bulbus Iridis sit flore; non improprie Hierobulbus, quasi dicas Iris bulbosa nuncupari poterit: nisi quis velit *ἱεροκόλλων*, veluti magnum & grandem bulbum dictum. Magna siquidem & grandia, *ἱερά* & sacra, ab antiquis cognominata fuisse, haud in ambiguo est. Nonnullis placet Hierobulbum Colchicum esse, quorum sententiam modò libentius referimus, quàm refellimus: sed ad Lirium reuertamur.

ALTERVM Lirium folia promit angusta & splendentia, Leucoij bulbosi hexaphylli folijs perquàm similia, inter quæ caulis exit triuncialis aut quadrantalis, in quo flores vt Colchici Germanici, colore melini siue lutei, dies 10. aut 12. perdurantes, sed qui sub vesperam, vt Calendula & aliorum quorundam recludantur. radix subest bulbosa. Reperitur & in plerisque Hispaniæ locis. Autumno vnà cum Colchico florem facit.

LVSITANIS, Cibollina Alboraña dicitur, nomine diminutiuo, ad differentiam Scilla, quæ ab ipsis Cibolla alboraña nuncupatur. *λεῖριον* & *ἱερίον*, id est, Lirium alterum Theophrasti esse videtur, quod lib. 6. vnà cum Cro-

Hierobulbus Apulei.

co florem facere incipere: atque statim primis imbribus florere. scriptum reliquit.

DE viribus horum Liriorum nihil compertum habemus, aut ab alijs traditum accepimus.

DE CROCO. CAP. L.

INTER flores & Croci flos est: sunt huic folia oblonga perquam angusta: flores pulchri, colore carulei, Colchici floribus similes, sed magis saturata purpura nitentes, & in singulis stamina oblonga terna quaternaque, colore flammeo subrubentia, odore cum inaruerint forti, & caput implere; qua ceteris partibus preferuntur, colliguntur, & croci nomine vel sola veniunt: radix subest bulbosa, carnosae, copiosa, & viuax.

SERITUR Crocus in pluribus regnis & prouincijs, ubi in agris segetis modo late viret: ut in Cilicia Cyrenis, in Sicilia, Italia, Pannonia, Germania, Gallia, Britannia. Gaudet, inquit Theophrastus, calcari pedibus: ideoq; iuxta seinitas & fontes pulcherrimus exit. Seritur depositis radicibus bulbis.

OPTIMVS, inquit Dioscorides, Coryceus: secundum locum tenet, qui iuxta Corycum versus Lyciam, & in Lyciae Olympo: deinde ex Aegibus Aetholia: Cyrenaicus & Centrupinus omnium in Sicilia viribus minus pollent. Qui ab Aquila Vestinorum vrbe adfertur, primum sibi locum in Italia vendicare, Matthiolus ait: sed Aquilino tamen praestantior, qui circa Viennam Pannoniae, siue, ut vulgo, Austria, nascitur. In Gallia nusquam vegetior quam in Agenensi agro, & Narbonensi, Ruellio teste. Probatum etiam, in Britannia insula meridionali parte, quam Angliam vocant, natus: ex altera vero & Septentrionali, quam Picti & Scoti tenent, reprobus est.

OPTIMVS autem vbicunque natus, qui pinguiſſimus, recens, fragranti odore, colore rutilo. Peſſimus ſqualidus & ſitum redolens.

CROCVS Autumno florere incipit, ſtatim, vt Theophrastus ait, primis imbribus, Vergiliarum occaſu. Florem edit ante folia, qua mox ſubſequuntur, & hyeme tota vi-
rent, aſtate nullibi conſpicua.

GRÆCIS ſimiliter κρόκος, Latinis etiam Crocum dicitur: Mauritanis Zaffaran; atque inde in Italia, Zaffarano: Germanis, Saffran/ Gallis, Safran.

CÆTERVM Crocus paululum quid adſtringens obtinet, ſed ſuperat in eo calefaciens qualitas, vt tota eius eſſentia ſecundi ſit ordinis excalfacientium, primi exſiccantium: proinde & concoquendi vim quandam obtinet, adiuuante in hoc paucula illi adſtrictione, vt Galenus ait. Sodam, id eſt, Cephalalgiam, inquit Auicenna, facit, & capiti nocet: id quod non exiguo, ſed nimio ſuo uſu efficere poteſt. Vigiliis ſiquidem copioſus inducit, qua modum excedentes capiti & ſenſibus obſunt. Moderatus autem Croci uſus cerebro prodeſt, ſenſus vegetiores reddit, ſomnium & torporem excutit, lætitiā gignit. Corroborat quoque Crocus cor, thoracis crudos humores ad concoctionem perducit, pulmones aperit, & ab obſtructione expedit; & ad hæc tam efficax remedium, vt ſubinde phthiſicis in ſummo vitæ discrimine, & propemodum animam agentibus, ſpiritum reducat, & vitam ad aliquot dies proroget, ſcriptuli dimidij, aut ad ſummum integri pando, cum paſſo aut vino Pramnio, vel alio dulci exhibitus: quo modo etiam datus, grauiffimas ſubito irruentes, citra febrim dyſpnœas, ſtatim & momento temporis tollere, non ſemel à nobis compertum eſt. Crapulam etiam arcere, hoc modo ſumptum, Dioſcorides reſert. Laudatur ad hepatis & fellis obſtructiones, nec

non ad Regium morbum; atque hinc bonum colorem Crocum efficere, Dioscorides scribit. Additur eodem auctore ad omnes, quæ interaneorum causa temperantur poiones: sed nostra ætate ad eas potissimum, quæ menses, foetus & secundas educunt. Vrinam cit: Venerem excitat: ad vulua & sedis cataplasmata additur, nec non ad emplastra & cerata, veteres tumores & dolores discutientia: inflammationes herisipelatodes mitigat: compositionibus auricularibus vtiliter admiscetur. Oculos ab ec̃timatis & exanthematis cum lacte, aut sc̃niculi, Rosarum uic̃e stillatio liquore præseruat illitus, & humorum in eos influxiones reprimat.

DE HYACINTHO NON SCRIPTO. CAP. LI.

HVIC Hyacintho folia sunt oblonga, angusta, lauia & splendentia, Porri folijs angustiora & minora: caulis folijs viduus, glaber, teres, cuius coma florum pondere & mole, cum primum dehiscere incipiunt, grauata, deorsum recuruatur: flores oblongi, teretes, concaui, in latius se pandunt, per oras reflexi, colore vt plurimum cerulei, subinde albicantes, aut candidi siue niuei, aliquando etiam Viola nigra dilutam purpuram referentes: semen in siliquis triangularibus paruum, rotundum: radix bulbosa, candida, perennis, lento succo, vti & tota herba, plena.

REPERITVR Hyacinthus iste in pluribus regionibus, & in nonnullis maior ac præcocior: in alijs minor & magis serotinus. Is etenim quem Italia & Belgium, orientalem nominat, folia habet pinguiora & latiora, caules crassiores, flores patentiores maioresq̃, ac citius prodeuntes. Germanicus & Belgicus singulis minor, flores tamen plures gignit, sed serius exit. Reperitur in Germania, vt
Cordus



Cordus ait, in apricis quibusdam tumulis: in Belgio verò etiam in aruis, & iuxta agrorum margines, fruticibus aut arboribus confitos: & præcipuè quidem prope Mechlinians urbem, vbi copiosus nascitur.

FLORET Aprilis & Maio mense, orientalis etiam Martio.

Τάξις Dor Græci, Latini similiter Hyacinthum, vt Dioscorides auctor, Vaccinium quoque appellant. Vaccinium autem etiam Viola dicitur nigra, vt superius scripsimus. Cognominatur autem hic Hyacinthus non scriptus, ad differentiam nempe alterius superius descripti, qui luctus notas inscriptas habet.

DIOSCORIDES hunc Hyacinthum citra adiectionem nominat: nam alterum Hyacinthum Lilij purpurei nomine complexus videtur. Meminit huius Columella lib. 10. diuersitatem coloris, qua in floribus, vno versiculo complexus:

Nec non vel niueos vel ceruleos Hyacinthos.

Belgæ Hyacinthum istum Græcam appellationem retinentes Hyacinthen appellant. Ruellius, Gallis, Vaciet dici, auctor est. Sunt verò & alia multa huiusmodi Hyacinthorum species, vt recentiores iudicant, de quibus capite sequenti.

HUIUS porro Hyacinthi radix ordinis est primi in desiccando: secundi verò completi, aut tertij incipientis in refrigerando.

SEMEN leuiter extergit & adstringit ordine quidem tertio quadantenus exsiccans, caterum in medio consistens caliditatis & frigiditatis, auctore Galeno.

RADIX, inquit Dioscorides, cum vino albo pueris imposita, diu impuberes seruire creditur: aluum sistit: potæ urinam ducit, & à Phalangio commorsus opitulatur.

SEMIN

SEMEN contra serpentes auxiliatur: cum vino potum
Regium morbum expurgat.

DE ALIIS RECENTIORVM SPVRIIS
HYACINTHIS. CAP. LII.

DVOS Hyacinthos superioribus capitibus descripsimus;
vnum Lilij effigie scriptum: alterum paruum non scriptum.
Præter verò hos & alij multi, recentiorū iudicio sunt Hy-
acinthi. Nam omnes ferè anonyms flores è bulbis exeuntes,
aut Hyacinthos aut Narcissos iudicant; maiores siquidem
Narcissos, minores verò Hyacinthos.

INTER Hyacinthos itaque neotericos, primus folia
habet angusta quasi rotunda, bene virentia, per terram plu-
rima parte strata: cauliculos inter ea rotundos, glabros,
palmo longiores, in quorum summo flosculi parui, rotundi,
caui, hiantes, colore caruleo, aliàs diluto, aliàs saturato:
post quos siliqua membranosa triangulares, in quibus se-
men paruum nigrum: radix subest bulbosa. Peregrinus no-
bis hic bulbus est, neque vspiam in Belgio sua sponte exit: in
hortis satus facillè comprehendit, & in plures bulbos citò
multiplicatur. Folia ante Hyemem exeunt: cauliculi primo
Vere: flores Martio.

HYACINTHVM Fuchsius appellat, & alteram eius
speciem facit. Nobis bulbus quidam esculentus esse videtur.
Sunt autem esculenti bulbi complura genera, vt Plinius &
Theophrastus tradunt.

ET genera quidem, inquit Plinius, Græci hæc fecere:
Bulbinen, Setanion, Pythion, Acrocorion (nonnulli Acro-
corodon legunt) Aegilopa, Sisyrrichion. Quæ & Theophra-
stus, sed tamen non omnia lib. 7. cap. 13. refert. Sunt au-
tem quorum ipse meminist, λευκόιν, & βολβίην, & ὀπιτιών



ἡ κίχξ, ἡ τρώπον τίνα τὸ σισυγίχιον. Leucoion inferius describetur. Bulbinen, Plinius ait, Gracos appellare herbam Bulbine. porraceis folijs, rubicundo bulbo. Setanium, cepa quoddam genus est, ut Theophrastus & Plinius testantur. De Sisynrichio iam antè scripsimus. Pytion, Cyix, Acroscorodon, Aegilops, cuiusmodi bulbi sint, nondum certò reperire licuit: suspicandū videtur Κύικα & Acroscorodon idem esse. Apud Theophrastum enim κίχξ πυτιώνα: apud Plinium eundem Acroscorodon ordine succedit. Ex horum autem bulborum numero aliquem esse, hoc Hyacintbi vulgo dicti genus verisimile videtur; sed quis tamen sit, propter nimiam veterum breuitatem explicari nequit. Si coniectura uti licet, bulbus iste Acroscorodon est: si non, Acroscorodon allij genus sylvestre est. Nam folia, allij quandam similitudinem habent: nomen autem Acroscorodou similitudinem aliquam cum Allio indicat.

HVIC autem similis est & alter quidam spurius Hyacinthus, folijs similiter per terram stratis, sed latioribus & porri folijs similioribus, caule crassiore, floribus candicantibus, maioribus quàm alterius. Reperitur in hortis. Floret eodem quo prior tempore. Matthiolus hunc pro bulbo vomitorio depingere videtur, nullis interim notis eum describens; nullis testimonijs aut rationibus sententiam suam adstruēs; sed nudam qualemcunque imaginem cum nominis inscriptione exhibens. Nos bulbū vomitorium ab isto planè diuersum infra descripsimus: & hunc ex esculentorum numero esse censemus.

QVI tertius est inter neotericos Hyacinthos, folia habet longa, pingua, aliquantulum lata; caules longos, subinde dodrante altiores: flores à medio sursum versus, vndeque circa caulem multos, paruos, cauos, primum purpurei; ubi verò flatescunt, obsoleti coloris, (reperiuntur & candidi)



didit) cacumine comofo: radicem, vti aliorum, bulbosam, sub-
ruffam, ac subpurpurei coloris. Reperitur, Fuchfio teste, in
Germania nemoribus: vt autem Matthiolus, inter fegetes
& in fyluis. Aprili aut Maio floret.

HYACINTHI speciem, & quidem primam, Fuch-
fius, Tragus & Matthiolus faciunt: nonnulli Hyacinthum
fylueftrem nuncupant. Germani alicubi Breunling ap-
pellat, alibi Honds knoblauch id est, Allium Caninum.
Non est tamen Allij aliqua species, fed bulbi efculenti genus
quoddam, veluti Bulbina; cui certè fimillimus est. Bulbo
enim Bulbina rubet, & Porri folia Plinio auctore habet.
Videtur autem hæc ex Africa bulbos efle, quem Afrum co-
gnominant. Huic fiquidem Dioscoridis $\pi\upsilon\phi\phi\upsilon\nu$, id est, ruf-
fum bulbum efle ait. Sunt autem qui velint hunc tertium
fpurium Hyacinthum Scilla aut Pancratij speciem efle:
quorum iudicium ea propter à nobis non probatur, quòd
Scilla & Pancratij bulbi grandes fint, huius autem paruos,
& illorum comparatione exiguos.

SVCCEdit huic quartus ex fpurijs Hyacinthus à 4
Matthiolo depicfus, folijs oblongis ac latis: caule longiuscu-
lo, ab imo ferè vfque ad summum flosculis circumueftito:
radice bulbosa: quantum quidem ex eius icone colligere li-
cet. Neque enim qualis & huiusmodi ab ipfo nuncupatus
fit, affcripsit, fed folam imaginem exhibuit: quafi illa fatis
ad cognitionem eius efle poffet.


NVNCVPAT autem eum Orientalem alterum; &
ab Orientali ac legitimo Hyacintho, cuius antecedente ca-
pite meminimus, fecundum facit.

QVINTVS appellatus Hyacinthus, qui ferotinus est, 5
folijs est anguftis, paruulis, & minoribus, quam primi: cau-
liculis breuibus, tres aut quatuor digitos altis; flosculis in
summo raris, caruleis; ftaminibus in medio exiguis: femine
in fili-



in siliquis triangularibus exiguo : radice parua & bulbosa.
 Nascitur Gallia quibusdam prouincijs, vt iuxta Parisiorum
 Lutetiam. Floret exitu aestatis Augusto aut Septembri.

AUTVMNALEM Hyacinthum ea de causa & se.



rotinum nominant : neque aliud eius nomen cognitum habemus.

- 6 PRÆTER hos & aliū quendam pro Hyacintho bulbum Leonhartus describit Fuchsius, folijs modò binis, modò ternis, latiusculis, Porri minoribus : floribus circa cauliculi summum sparsis, multum & radiantis stellæ ferè similitudine patentibus, colore cæruleis aut candidis : quos succedunt capitula rotunda, ochri magnitudine, in quibus semen milio simile : radice bulbosa, rotunda. Reperitur plerisque Germaniæ locis, læto, pingui, sed inculto solo. Martio, quandoque etiam Februario flos exit.

GERMANI blo Mertzzenblumen / & blo Hornungs blumen appellant. Fuchsius pro Hyacinthi specie depinxit. Plerique Hyacinthum stellatum ab ipsa floris effigie vocant. Existimauimus aliquando Satyrium esse, verum hæc modò opinio displicet. Satyrio enim caulis est cubitalis ; folia Liliij, bulbus mali magnitudine : bulbo verdè isti, folia paruula, angusta, bulbus exiguus, & cauliculus breuis.

CÆTERVM quod ad vsum attinet horum spuriorum Hyacinthorum, nostris quidem aut in cibatu, aut in medicamentis nullus est ; proinde & vires ac facultates eorundem inexplorata : soli flosculi in hortis gratiam inueniunt.

DE BULBO LEVCANTHEMO, SIVE ORNITHOGALO. CAP. LIII.

LEVCANTHEMO bulbo folia multa sunt & angusta, graminis minora : caulis inter hæc exit dodrante minor, rotundus, glaber, absque folijs : flores in summo dispersi emicant sex aut septem, foris herbacei viroris, intus candidi, ex sex foliolis commissi, exiguis lilijs, præsertim prius quàm adaperiuntur similes ; qui Sole quidem splendente pa-

tent,



tent, noctu verò & cùm aër nubilus etiam interdum reclusi permanent: capitula succedunt triangularia, Cachryos semini similia, in quibus semen exiguum: radix bulbosa, lento succo plena, sapore ut plurimum insipida & aquea, cum obscura tamen quadam acredine. Reperitur in agris frumentarijs, apud Brabantos locis compluribus. Maio mense flores edit.

Ornithogalon
Matthioli.

IN Belgio, *Tielt aycuyt* appellatur, à Græcis *ὀρνιθογάλον*, quod à Plinio Ornithogale dicitur. Matthiolus alium omnino bulbum pro Ornithogalo depingit, caule videlicet foliosum, à nostro hoc Ornithogalo, quod Dioscoridis legittimum est, ea de causa differentem.

Ornithogalon
Ruellij.

DESCRIBIT porro & aliud Ornithogalon Ruellius lib. 2. cap. 77. quod à rusticis in Sueſſionum agris eruitur: radice, inquit, bulbaceam speciem præ se ferente; è cuius medio cauliculus exit, tribus aut quatuor adnatis in cacumine: folijs, in capillamenta quadam extenuatis: floribus exiguis, foris herbaceis, intus lacteo candore candicantibus, qui simul coaceruati, veluti panicula quadam compactili callo squamarum coherentes, in pilulam extuberant, nucamentum pineæ nucis representantem: radix in orbem ferè collecta est, cortice pullo, candidissima intus carne, pulpa uè perquam odorata. Vere vel æſtate cum fronde viret: hyeme vel autumnò cùm exarantur agri, radicitus velluntur: diu seruari potest: & ubi annonæ premit inopia, plebis rustica famem & ieiunia Castanearum more satiat; nec aliud humo genitum promptius in cibos cedit, cùm frugum penuria gliscit. Mirè suis expetitur: rura ex agris sponte natum gratiorem cibum non norunt: lautiores etiam mensas ditiorum non reformidat. Pueris non incognita radices, qui propter astantes cùm aratro terra præſcinditur, aut in latiores porcas sulcatur, erutos vomere, colligunt, multo Castaneis suauio-

*suaviores: quibus & crudis, & in cineribus incoctis vescun-
tur. Sueſſionenſis ager, Churlos vocare conſuevit: Haſtenus Churli.
Ruellius.*

At nobis huiuscemodi radix, non Ornithogalon, sed Bulbocastanon quoddam esse videtur. Radix enim est bulbi forma, sapore Castaneæ; quale Bulbocastanon esse, nomen ipsum satis indicat.

DESCRIPSIMVS tamen nos in historijs stirpium
vulgari lingua editis, aliud & huic dissimile Bolbocasta-
non; folijs videlicet Apij tenuioribus ac minoribus, ad Ane-
thi accedentibus: caule tenui, dodrantali: floribus in umbel-
lis candidis: semine paruo, odorato: radice rotunda, &
quando maturit rugosa, foris nigra, intus candida, sapore in-
ter Pastinacam & Castaneam medio; quod in Zelandia,
Hollandia, ac etiam Britannia agris frumentarijs reperi-
tur, & Alexandri Tralliani Βολβοκασάνηρ siue ἀγριοκασά-
νηρ simillimum est. Sed ad Ornithogalon excurrere reuer-
tatur sermo.

Dioscorides Ornithogali fructum, ait, vnà cum pane coqui, vt Melanthium: radicem verò bulbosam, & crudam, & coctam edi.

DE BVLEBO SYLVESTRİ.

CAP. LIIII.

BULBO superiori capite descripto, non multum absimilis videtur, quem Leonhartus Fuchsius, & Hieronymus Tragus, sylvestrem agnominant: sunt tamen huic folia pauciora, & vnicum aut duo tantum, angusta & porracea: caulis brevis, tener, rotundus, dodrantalis, aliquot in summo adnatis, in quibus flosculi stellatim radiati, bulbi Leucanthemi minores, colore ex herbaceo in luteum elanguescen-

res; staminibus in medio capillaceis; capitula semen ferentia triangularia; radix bulbosa, lenti succi, nullius odoris, sapore aliquantulum, sed perobscurè Cepam referens. In Germania locis umbrosis ad margines pratorum exire fertur. Martio ac Aprili floret, fructumq; perficit.

GERMANI *Feldzwibel* / *ackerzwibel* appellant; quasi dicas Cepam agrariam. Ex sylvestrium & sponte nascentium bulborum est numero. Quo nomine à veteribus nuncupatum fuerit non constat.

FACULTATES autem huius incognita sunt. Hieronymus tamen Tragus, ex bulbo sub cineribus cocto, cum melle cataplasma, ulceribus depascentibus utiliter imponi refert.

DE NARCISSO. CAP. LV.

NARCISSI genera, Dioscoride auctore, duo sunt. Vtrinque flos albus est: sed vnius medio purpureus; alterius luteus.

MEDIO purpureus, folia habet virentia oblonga, Porri folijs similia: caulem angulosum, absque folijs, dodrante aut pede altiore, & in summo florem è membrana erumpentem, ut plurimum vnicum, subinde geminum, mediocriter amplum, odoratum, ex sex candidis foliolis congestum, in quorum medio brevis calyx est circinata rotunditatis, purpurei per oras coloris, intra quem stamina brevia, cum apicibus subluteolis: capitula inde angulosa: semen in his nigrum: radix bulbosa Cepae similis, quae nucleos ex se demittens in multos facile bulbos multiplicatur. Reperiuntur autem huius generis tres, forma, colore, aut odore nequaquam; sed floreendi tempore differentes; magnitudine etiam nonnihil, sed parum, dissidentes. Maiores medij; praecoces & serius prodeuntes minores sunt.

ALTER



2 ALTER *Narcissus* medio luteus, folia habet longiora, latiora, & aliquantulum minus virentia : caules proceriores, crassiores, & in singulis flores tres aut quatuor, prioribus similes, sed medio luteo ; semen & radicem bulbosam similia.

3 HUIUS generis & alius quidam tertius *Narcissus* est, folijs non modo quàm primus, verùm etiam quàm *Asphodelus*, latioribus longioribusq̃; floribus in singulis caulibus quatuor aut pluribus, candidis, minoribus, medio eorum luteo, calyce eminentiore, multo tamen quàm *Narcissi* lutei sylvestris brevioris: radix similis est & bulbosa.

4 IAM & quartus quidam est *Narcissus* antedictis forma similis, sed per totum florem & medio quoque candidus.

5 SUNT & *Narcissi* multiplicibus floribus, cum primis, tum alterius generis, folijs & bulbis alijs haud dissimiles. Ita varia semper natura, & ad stirpium herbarumq̃ genera multiplicanda fecunda; tum ad ea permutanda prona; praesertim si cultus mangonio adiuuetur, vel in alium locum stirpes transferantur. Hæc etenim plurimum posse ad stirpium mutationem, & alibi scripsimus.

EXEUNT qui medio purpurei sunt plerisque Gallia locis, & apud Heduos ac Sequanos, in pratis. Dioscorides in montibus potissimum nasci tradit. Theocritus in pratis *Narcissum* gigni testis est, Eidylio 20. ubi Europam cum suis prata ingressam, bene spirantem *Narcissum* carpisse, canit his versibus:

Αἰ δ' ἐπεὶ οὖν λειμῶνας ἐσήλυθον ἀνθεμέντας,
 Ἀλλη ἐπ' ἀλλήλαισι τότ' ἀνθεσι θυμὸν ἔτερπον,
 Τῶν ἢ μὲν νάρκισσον ἐϋπνοον, ἢ δὲ ὑάκινθον: Id est,
 Florida sed postquàm venere in prata puella,
 His illa: hæc alijs se floribus oblectabant;
Narcissa illa quidem bene olente, atq; illa *Hyacintho*.



FLORENT in Belgij hortis , prioris generis praces Narcissi , initio Aprilis : medijs sub finem , seriores Maio mense : medio lutei eodem serè quo primi generis medijs , tempore.

GRÆCI huiuscemodi flores Ναρκίσσους, Latini similiter Narcissos nuncupant. Belgæ, Narcissen & Spaensche Menetten. Germani, Narcissen roszlin. Dictum autem Narcissum Plutarchus in Symposiis , quasi neruos hebetantem, & torpidas facientem grauitates, refert. Quapropter & Sophocles magnorum subterraneorum deorum coronamentum eum vocat, quod scilicet defuncti & morte torpidi , torpido flore merito coronarentur . Appellatur autem Narcissus etiam λείριον, & Apuleio teste, ἀνδρος, βολ-
 Cος ἐμετικὸς, αὐτογενής. Lirium autem Theophrastus eum appellat, cui latius est herba folium, & flos melinus longior, qualis utique tertius est; quem & ait sponte germinare: qua de causa αὐτογενής, id est , à seipso genitus , vel per se nascens , dici potest. Sunt verò & alia Liria sui generis, de quibus supra scripsimus: & Liliū quoq; Lirium est. Iulius Pollux, Homerum Lirij appellatione , complecti omne florum genus , auctor est . Ανδρος autem Narcissus propriè montanus est, eo quòd ab aquis remotus proueniat. Βολβοῦ ἐμετικὸν nomen ab effectu habet : Dioscoride siquidem auctore Narcissus etiam vomitum concitat . Est tamen & alius bulbus vomitorius propriè dictus , de quo capite subsequente.

DE priore horum Narcissorum videtur scripsisse Theophrastus lib. 7. vbi Narcissum ter florere, vti Scillam refert; & tria quoque arandi tempora , vti illam demonstrare. nam Scilla quidem caulem florum ternos exortus ostendere ait: Narcissum autem caulem non habere alterum, iuxta eum qui floris est. fieri autem non potest, vt ex eodem caule

ter floreant . proinde tres differentes bulbos esse consequitur , qui tribus temporibus floreant , vti Narcissum medio purpureum facere iam scripsimus . Hunc etenim ter florentem existimare possunt , qui omnes tres vno eodemq; loco reperiunt , & differentes bulbos esse non animaduertunt . Idem verò & hic Narcissus medio purpureus ille est , quem Plinius lib. 21 . cap. 19 . purpurei floris esse scribit . Narcissi duo genera , inquit , medici in vsum recipiunt : vnum purpureo flore , alterum herbaceum . Nam purpurei floris Narcissum nuncupat , cui medium purpureum , vt eiusdem lib. cap. 5 . seipsum explicans ostendit . Huius alterum , ait , genus flore candido , calyce purpureo . Calycem autem dicit , quod in medio flore , circuli instar , & stamina ac apices continet . De hoc etiam Narcisso Vergilius in Bucolicis ecloga quinta :

Pro molli Viola , pro purpureo Narcisso ,
Carduus & spinis surgit Paliurus acutis .

SECUNDI verò & potissimum tertij Narcissi , Ovidius tertio Metamorphoseon lib. meminit : vbi Narcissi formosi adolescentis mutationem in florem sui nominis describit , hoc carmine :

Nusquam corpus erat , croceum pro corpore florem
Inueniunt , folijs medium cingentibus albis .

DE tertio etiam scripsit Theophrastus lib. 6 . De alio siquidem hoc loco , quàm lib. 7 . agit . Libro siquidem 7 . folium ei tribuit angustum , quale vtrique primus habet : sexto verò latius quàm Asphodeli , vti tertij est : quod diuersis locis , de differentibus Narcissis eum scripsisse , conuincit . Scribit autem Theophrastus lib. 6 . Narcissi florem esse luteum , sine melini coloris , quod de medio floris calyce accipiendum esse , Ouidij testimonio iam ostendimus . Exemplaria penè omnia μέλας τὴν ῥοήν habent , quod Hermolao & Marcello occasionem dedit , vt Narcissi florem nigrum esse exi-

Theophrasti
locus
emendatus

stimauerint. Sed pro μέλας reponendum est κίλινα. Est autem Melinus color, idem qui ochra, siue luteus.

P V T A T V R autē & hic Narcissus serotinus à Theophrasto haberi, & Autumno demum florere, propterea quòd in ijs quæ extant exemplaribus, huius descriptionem mox subsequantur hæc verba: μετὰ γὰρ ἀκτοῦς ἢ ἀνθους, καὶ πρὸ ἰσημερίας, id est, post Arcturum productio floris est, & circa æquinoctium. Verùm ad Narcissi historiam hæc non faciunt: inter Narcissi siquidem descriptionem & verba ista, defectus ac hiatus est. Nec spectant etiam ad Croci, vti Conradus Gesnerus in appendice scribit, quam Germania suis hortis subiecit: sed ad Lirij alterius historiam pertinent, quod eodem libro, paulo inferius Theophrastus vñà cum Croco τοῖς πρώτοις ὕδασι, hoc est, primis imbris, siue Autumno, florere ait; vt diligenter vtrumque locum expendentibus manifestum statim fiet.

A C totidem quidem, quos propriè Narcissos dici opinamur, obseruare nobis contigit. Sunt tamen & alij quidam lutei appellati Narcissi, de quibus in mox sequentibus capitibus.

M V L T O R V M etiam Matthiolus icones exhibet; quos tamen excepto primo, non Narcissos, sed omnino alterius generis flores esse iudicamus. Nam quos secundo, tertio, & octauo locis depingit, Scillarum aut bulborum litto-
ralium species videntur; quales, & alibi & in Narbonensi Gallia, plerisque locis sponte exeunt. Quartus similis illi bulbo, quem Marcellus Vergilius cap. de Narcisso in commentarijs suis his verbis describit:

Narcissus
Marcelli
Vergilij.

N O S in Apenninis montibus his nostris, frequentem vidimus florem Augusto & Septembri mensibus florentem, figura Lilij, dodrantali altitudine, folijs qualia in Narcisso describuntur, singulari caule, iisdemq; alijs omnibus, ex-

cepto

cepto colore, qui nec candidus, nec purpureus, ut Plinius docet, sit, sed inter candidum & luteum colorem, nullius aut exigui odoris; vidimus & in mitioribus collibus enatum, sed non tam speciosum & magis albicantem. Quintum Gesnerus & passim omnes Tulipam vocant. Sextus & septimus Leucoia sunt bulbosa, flores à Narcissis multum differentes, de quibus infra.

CÆTERVM Narcissi radix, ut Galenus ait, usque aded exiccandi facultate pollet, ut & maxima vulnera glutinet, vel ad incisiones usque, quæ circa tendones accidunt: habet verò quiddam abstersorium & attractorium. Eadem, auctore Dioscoride, siue estur, siue bibitur, vomitus mouet: prodest ambustis ab igne cum melle trita: præcisos quoque nervos agglutinat imposita: luxatis item malleolis diuturnisq; articulorum doloribus trita cum melle, & imposita subuenit: expurgat ephelin & alphum cum vrtica semine & aceto, at cum eruo & melle vlcerum sordes expurgat, & abscessus qui ægrè maturantur rumpit: educit & aculeos infixos cum Lolij farina & melle.

DE NARCISSEO LVTEO IUNCIFOLIO,
SIVE BULBO VOMITORIO.

CAP. LVI.

HVIC Narcisso folia sunt oblonga, angusta, crassa interim propemodum rotunda, admodum leuia & flexibilia, iuncis cum leuore, tum colore, & quodammodo flexibilitate, nec non rotunditate similia; inter quæ medius exit caulis; in summo cuius, flosculi tres aut quatuor, vel plures, odorati, Narcissis forma similes, verum minores & colore per totum florem lutei; radix bulbosa, candida, tenui nigra

mem-




membrana integitur. Nascitur plerisque Hispania locis sua sponte. In Belgio Aprili mense florem promit.

HISPANI à similitudine, quam folia cum iuncis habent, Ionquillias nuncupant: nos Narcissum Iuncifolium dicere possemus. Dioscorides est Βολβός ἐμετικός, siue bulbus vomitorius. Id quod ex ipsa bulbi vomitorij descriptione colligi potest; quæ sic habet: Βολβός ὁ καλούμενος ἐμετικός ἔχει τὰ φύλλα ἱμαντωδέστερα, καὶ πολλῶν μακρότερα τοῦ ἰδωδίου ρίζαν εὐοικῶσαν βολβῶν, περὶ ὧν φλοιὸς μέλας. Id est, Bulbus nuncupatus vomitorius folia habet flexibiliora & multo longiora quàm esculentus; radicem bulbo similem, circa quam membrana est nigra. Quæ descriptio huic Narcisso Iuncifolio simillima est: folia ei siquidem sunt multo quàm alicuius bulbi ἱμαντωδέστερα siue flexibiliora, utpote iuncea propemodum lentoris; & perquàm longa, longioraq; multo quàm esculenti bulbi; & radix in tenui nigra membranula reconditur.

QUIBUS autem facultatibus Narcissus Iuncifolius præditus sit, nullo recentiorum experimento aut testimonio constat. Dioscorides verò bulbi vomitorij radicem si edatur, aut si decoctum eius bibatur, vesicæ malis auxiliari, & vomitum facere, memoria prodidit.

DE NARCISSEO LUTEO SYLVESTRI,
SIVE PSEVDONARCISSEO.
CAP. LVII.

LUTEVS Narcissus sylvestris, folia Porri aut Narcissi similia promit, sed breviora ac minora: caules dodrantales, atque in singulis flores singulos Narcissi similes, sed medio eorum calyce longiore, oblongioris calathi similitudine, colore per totum luteo, absque odore: capitula rotunda, oblonga, in



ga, in quibus semen: radix bulbosa, vt aliorum Narcissorum. Reperitur non paucis Belgij locis, circa margines agrorum & veruactorum, humido praesertim solo, & in syluis locisq; arboribus consitis: & similibus quoque cum in
 Germa-

Germania, tum in Hispania: transfertur etiam in hortos. Floret Februario mense: Germani ea de causa *Beel Hoznungs blumen* id est, nostrate dialecto, *geel Sporkkelbloemen* / nuncupant. Februarius enim Germanis *Hoznungs mont* Belgis, *Sporkkelle*.

APPELLANT verò & hunc *Narcissum Belga*, *geel Tydeloosen*: Latine autem vulgo *Narcissus luteus* & *Pseudo-Narcissus* dicitur.

CÆTERVM quod ad vires attinet, recentiorum quorundam experimento exploratum est, *Narcissi* huius lutei sylvestris radicum decoctum per aluum lentos & pituitosos humores, nec non serosos expurgare; & his prodesse, qui crudorum copia grauantur humorum; semine anisi & Zingiberis nonnihil additis, quæ ut minus noceat, minusq; molestum sit ventriculo, adiiciuntur.

DE LEVCOIO BVLBOSO.

CAP. LVIII.

LEVCOII bulbosi tria nobis obseruare genera contingit: vnum trifolium, alterum hexaphyllum, tertium polyanthemon cognominari potest.

PRIMUM folia ex singulis bulbis bina promit, oblonga, angusta, in virore albicantia, folijs *Pseudo-Narcissi* lutei colore proxima, inter quæ medius exit cauliculus palmaris, in cuius summo flos è vaginula oblonga erumpit, à tenui pediculo deorsum dependens, foliolis tribus constans maioribus candidis, intra quæ alia tria breuiora ac minora, pallidè virentia, & aliquantulum striata; in medio floris stamina cum apicibus luteis: radix bulbosa est, foris obscuri & eius cuius *Castanea* nucleus coloris, quæ facile in plures bulbos multiplicatur. Peregrinus Belgio flos, sed Italiae & alijs



alijs regionibus familiaris. Exit prematurè Februario mense, reliquos omnes ferè flores antecedens.

LEVCOION videtur bulbosum Theophrasti, cuius meminit lib. 7. vbi bulbos recenset; & quod lib. 6. primum sese ostendere ait, & emicare vbi calum clementius est, statim etiam nondum hyeme exacta; vbi verò immitius postea. Nos ad differentiam sequentium, non inconcinne Trifolium bulbosum Triphyllon, & Violam bulbosam trifoliam, nuncupari posse existimauimus, à tribus nempe floris foliolis.

PROXIMO generi folia similiter sunt angusta, Porri & Pseudo-Narcissi similia, sed breuiora, virentiora, leuiora & magis resplendentia, versus terram aliquatenus reflexa: cauliculi tenues, palmares, flores in singulis singuli, rarissimè gemini, deorsum quoque penduli, colore candidi, ex sex foliolis aliquantulum striatis commissi, staminibus in medio cum luteolis apicibus: semen in rotundis capitulis paruum, rotundum, laue, & colore flauum: radix candida & bulbosa in plures facile propagatur. Plerisque Germania superioris locis in vmbrosis & humidis syluis reperitur: apud Belgas hortorum areas exornat. Floret eodem quo superius tempore, aut non multo post.

GERMANI, weiß Hohnungs blumen: Nostri witte Tydeloosen appellant.


LEVCOII bulbosi genus esse manifestum est; quod exaphyllum, non abs re, à sex floris foliolis cognominatur. Matthioli cum istud, tum superius Narcissi speciem facit, vt cap. de Narcisso scriptum est.


TERTIVM Leucoion bulbosum caule & folijs secundo simile est, maius tamen ac procerius: florem in singulis cauliculis non vnicum, sed quinq; aut sex & particulatim quidem florentes, profert, alterius floribus forma &



magnitudine per omnia similes. Est & hoc nobis hortense
tantum. Non primo Vere, cum alijs duobus, sed multo post;
Aprili videlicet demum mense, vna cum Narcissus floret.

VIOLA





nensi nasci feruntur. Aprili mense Tulipa florem Belgium videt.

TVRCICO & peregrino nomine Tulipam recentiores nuncupant, à Dalmatico pileo Tulipa dicto, cuius formam referre patens flos videtur. Quo nomine à veteribus hic flos dictus fuerit, non constat. Suspiciari quis posset, τυτιών esse, si edulis bulbus esset, & cogendo lacte efficax. Nam τυτιών quidem à Theophrasto inter edules bulbos re- τυτιών. fertur; & herba est, qua lac cogitur, ut ait Hesychius. Conradus Gesnerus Tulipam Satyrium esse existimavit, & quidem Erythronium, quod videlicet flore vna species rubeat; aut omnino Satyrj aliquam speciem. Cum quibus an conueniat, & quantum, ex subscriptis Satyrionum descriptionibus relinquimus diligentius considerandum.

DE viribus autem & facultatibus Tulipa nihil compertum habemus, aut à quoquam scriptum reperimus.

DE SATYRIIS EX DIOSCORIDE ET ALIIS. CAP. LX.

PRÆTER Orchies dictos, quos etiam Satyria Plinius & Apuleius appellant, duo Satyrj genera Dioscorides esse tradit: vnum τριφυλλον siue trifolium, alterum cognomento ἐρυθρόν.

TRIFOLIUM folia fert tria deorsum reflexa, Lapatho aut Lilio similia, verum minora & rubentia: caulem ἄλalon, id est, tenuem siue nudum, cubitum longum; florem Lilij specie, album: radicem bulbosam, uti malum, τυρρᾶν siue fuluam, intus ut ouum candidam, gustu dulcem, & origratam. Idem Satyrium Plinius lib. 26. cap. 10. etiam, sed paulo aliter describit: Folia ei siquidem non Lapathi aut alterius Lilij, sed rubri Lilij esse ait, quæ multo angustiora

Theophrasti
locus
emendatus

stimauerint. Sed pro μέλας reponendum est μάλινα. Est autem Melinus color, idem qui ochra, siue luteus.

PUTATUR autē & hic Narcissus serotinus à Theophrasto haberi, & Autumno demum florere, propterea quod in ijs quæ extant exemplaribus, huius descriptionem mox subsequantur hæc verba: μετὰ γὰρ ἀρκτουρον ἢ ἀνθισις, καὶ πρὸ ἰσημεριαν, id est, post Arcturum productio floris est, & circa æquinoctium. Verum ad Narcissi historiam hæc non faciunt: inter Narcissi siquidem descriptionem & verba ista, defectus ac hiatus est. Nec spectant etiam ad Croci, uti Conradus Gesnerus in appendice scribit, quam Germania suis hortis subiecit: sed ad Lirij alterius historiam pertinent, quod eodem libro, paulo inferius Theophrastus unā cum Croco τοῖς πρῶτοις ὕδασι, hoc est, primis imbribus, siue Autumno, florere ait; ut diligenter utrumque locum expendentibus manifestum statim fiet.

Ac totidem quidem, quos propriè Narcissos dici opinamur, obseruare nobis contigit. Sunt tamen & alij quidam lutei appellati Narcissi, de quibus in mox sequentibus capitibus.

MULTORVM etiam Matthiolus icones exhibet; quos tamen excepto primo, non Narcissos, sed omnino alterius generis flores esse iudicamus. Nam quos secundo, tertio, & octauo locis depingit, Scillarum aut bulborum litoralium species videntur; quales, & alibi & in Narbonensi Gallia, plerisque locis sponte exeunt. Quartus similis illi bulbo, quem Marcellus Vergilius cap. de Narcisso in commentarijs suis his verbis describit:

Narcissus
Marcelli
Vergilij.


Nos in Apenninis montibus his nostris, frequentem vidimus florem Augusto & Septembri mensibus florentem, figura Lirij, dodrantali altitudine, folijs qualia in Narcisso describuntur, singulari caule, iisdemq; alijs omnibus, excepto

cepto colore, qui nec candidus, nec purpureus, ut Plinius docet, sit, sed inter candidum & luteum colorem, nullius aut exigui odoris; vidimus & in mitioribus collibus enatum, sed non tam speciosum & magis albicantem. Quintum Gesnerus & passim omnes Tulipam vocant. Sextus & septimus Leucoia sunt bulbosa, flores à Narcissis multum differentes, de quibus infra.

CÆTERVM Narcissi radix, ut Galenus ait, vsque ad eò exiccandi facultate pollet, ut & maxima vulnera glutinet, vel ad incisiones vsque, qua circa tendones accidunt: habet verò quiddam abstersorium & attractorium. Eadem, auctore Dioscoride, siue estur, siue bibitur, vomitus mouet: prodest ambustis ab igne cum melle trita: praeviso quoque nervos agglutinat imposita: luxatis item malleolis diuturnisq; articulorum doloribus trita cum melle, & imposita subuenit: expurgat ephelin & althum cum vrtica semine & aceto, at cum eruo & melle vlcerum sordes expurgat, & abscessus qui agrè maturantur rumpit: educit & aculeos infixos cum Lolij farina & melle.

DE NARCISSEO LVTEO IVNCIFOLIO,
SIVE BVLBO VOMITORIO.
CAP. LVI.

HVIC Narcisso folia sunt oblonga, angusta, crassa interim propemodum rotunda, admodum leuia & flexibilia, iuncis cum leuore, ium colore, & quodammodo flexibilitate, nec non rotunditate similia; inter qua medius exit caulis; in summo cuius, flosculi tres aut quatuor, vel plures, odorati, Narcissis forma similes, verum minores & colore per totum florem lutei; radix bulbosa, candida, tenui nigra
mem-



membrana integitur. Nascitur plerisque Hispania locis sua sponte. In Belgio Aprili mense florem promit.

HISPANI à similitudine, quam folia cum iuncis habent, Ionquillias nuncupant: nos Narcissum Iuncifolium dicere possemus. Dioscoridis est Βολβός ἐμετικός, siue bulbus vomitorius. Id quod ex ipsa bulbi vomitorij descriptione colligi potest; quæ sic habet: Βολβός ὁ καλούμενος ἐμετικὸς ἔχει τὰ φύλλα ἱαντῶδιστα, καὶ πολλὰ μακρότερα τοῦ ἰδωδίου ρίζαν ὁμοιωμένην βολβῷ, περιὸν φλοιὸς μέλας. Id est, Bulbus nuncupatus vomitorius folia habet flexibilia & multo longiora quàm esculentus; radicem bulbo similem, circa quam membrana est nigra. Quæ descriptio huic Narcisso Iuncifolio simillima est: folia ei siquidem sunt multo quàm alicuius bulbi ἱαντῶδιστα siue flexibilia, utpote iuncis propemodum lentioribus; & per quàm longa, longioraq; multo quàm esculenti bulbi; & radix in tenui nigra membranula reconditur.

QUIBUS autem facultatibus Narcissus Iuncifolius præditus sit, nullo recentiorum experimento aut testimonio constat. Dioscorides verò bulbi vomitorij radicem si edatur, aut si decoctum eius bibatur, vesicæ malis auxiliari, & vomitum facere, memoria prodidit.

DE NARCISSEO LUTEO SYLVESTRI,
SIVE PSEUDONARCISSEO.
CAP. LVII.

LUTEVS Narcissus sylvestris, folia Porri aut Narcissi similia promit, sed breviora ac minora: caules dodrantales, atque in singulis flores singulos Narcissi similes, sed medio eorum calyce longiore, oblongioris calathi similitudine, colore per totum luteo, absque odore: capitula rotunda, oblonga, in



ga, in quibus semen : radix bulbosa, ut aliorum Narcisso-
rum. Reperitur non paucis Belgij locis, circa margines
agrorum & veruactorum, humido praesertim solo, & in
sylvis locisq; arboribus confitis: & similibus quoque cum in

GERMA-

Germania, tum in Hispania: transfertur etiam in hortos. Floret Febuario mense: Germani ea de causa *Beel Hornungs blumen* id est, nostrate dialecto, *geel Sporkelbloemen* / nuncupant. Februarius enim Germanis *Hornungs mont* Belgis, *Sporkelle*.

APPELLANT verò & hunc *Narcissum Belga*, *geel Tydeloosen*: Latine autem vulgo *Narcissus luteus* & *Pseudo-Narcissus* dicitur.

CÆTERVM quod ad vires attinet, recentiorum quorundam experimento exploratum est, *Narcissi* huius lutei *sylycstri* radicum decoctum per aluum lentos & pituitosos humores, nec non serosos expurgare; & his prodesse, qui crudorum copia grauantur humorum; semine anisi & zingiberis nonnihil additis, quæ ut minus noceat, minusq; molestum sit ventriculo, adiiciuntur.

DE LEVCOIO BVLBOSO.

CAP. LVIII.

LEVCOII bulbosi tria nobis obseruare genera contingit: vnum trifolium, alterum hexaphyllum, tertium polyanthemum cognominari potest.

PRIMUM folia ex singulis bulbis bina promit, oblonga, angusta, in virore albicantia, folijs *Pseudo-Narcissi* lutei colore proxima, inter quæ medius exit cauliculus palmaris, in cuius summo flos è vaginula oblonga erumpit, à tenui pediculo deorsum dependens, foliolis tribus constans maioribus candidis, intra quæ alia tria breviora ac minora, pallidè virentia, & aliquantulum striata; in medio floris stamina cum apicibus luteis: radix bulbosa est, foris obscuri & eius cuius *Castanea* nucleus coloris, quæ facile in plures bulbos multiplicatur. Peregrinus Belgio flos, sed Italia & alijs



alijs regionibus familiaris. Exit præmaturè Februario mense, reliquos omnes ferè flores antecedens.

LEVCOION videtur bulbosum Theophrasti, cuius meminit lib. 7. vbi bulbos recenset; & quod lib. 6. primum sese ostendere ait, & emicare vbi calum clementius est, statim etiam nondum hyeme exacta; vbi verò immittius postea. Nos ad differentiam sequentium, non inconcinne Trifolium bulbosum Triphyllon, & Violam bulbosam trifoliam, nuncupari posse existimauimus, à tribus nempe floris foliolis.

PROXIMO generi folia similiter sunt angusta, Porri & Pseudo-Narcissi similia, sed breuiora, virentiora, leuiora & magis resplendentia, versus terram aliquatenus reflexa: cauliculi tenues, palmares, flores in singulis singuli, rarissime gemini, deorsum quoque penduli, colore candidi, ex sex foliolis aliquantulum striatis commissi, staminibus in medio cum luteolis apicibus: semen in rotundis capitulis paruum, rotundum, leue, & colore flauum: radix candida & bulbosa in plures facile propagatur. Plerisque Germania superioris locis in vmbrosis & humidis syluis reperitur: apud Belgas hortorum areas exornat. Floret eodem quo superius tempore, aut non multo post.

GERMANI, weiß Hohnungs blumen: Nostri witte Tydeloosen appellant.


LEVCOII bulbosi genus esse manifestum est; quod exaphyllum, non abs re, à sex floris foliolis cognominatur. Matthioli cum istud, tum superius Narcissi speciem facit, vt cap. de Narcisso scriptum est.

TERTIVM Leucoion bulbosum caule & folijs secundo simile est, maius tamen ac procerius: florem in singulis cauliculis non vnicum, sed quinq; aut sex & particulatim quidem florentes, profert, alterius floribus forma &



magnitudine per omnia similes. Est & hoc nobis hortense
 tantum. Non primo Vere, cum alijs duobus, sed multo pòst;
 Aprili videlicet demum mense, vnà cum Narcissis floret.

VIOLÆ



VIOLÆ siue **Leucoij** bulbosi species haud dubiò quædam est; sed ferotina.

AT de facultatibus horum **Leucoiorum** nihil quod adferamus habemus, cum à veteribus de ijs nihil reperiaturs prodictum, & à recentioribus nihil quoque obseruatum.

DE TULIPA. CAP. LIX.


Ex bulborum florum numero & **Tulipa** est flos peregrinus; cuius differentes sunt species: quædam maiores sunt, aliæ minores.

1. **MAIORIBVS** forma eadem satè omnibus est; folia eà bina aut terna, crassa, oblonga, lata, per oras subinde modicè reflexa, quæ cum primum erumpunt, modicè rubere videntur, adulta verò albicant: caulis inter ea exit pedalis aut paulo altior, cui vnicus flos insidet sursum spectans, è senis foliolis, patenti profundiori & aliquantulum angustioris oris cyatho, aut inuerso huius forma pileo quodammodo similis; staminibus in medio croceis: color flori subinde luteus est, aliquando dilutè quasi purpureus, non raro rubet, medio tamen luteo, & quandoque etiam extremis foliorum; odor nullus; semen cartilagosum, planum, in capitulis nascitur, quæ maturato semine in tres dehiscunt partes. radix bulbosa est, **Narcissi** bulbus haud dissimilis. Differunt inter se magnitudine nonnihil flores; maior serè luteus, minor rubeus; medius qui purpureus.

2. **MINORES** **Tulipæ** folijs sunt angustioribus, & serè porraceis; cauliculis tenuioribus ac breuioribus: floribus minoribus & minus in latitudinem sese pendentibus: bulbis minoribus.

IN **Trachia** & **Cappadocia** **Tulipa** exit: **Italia** & **Belgio** peregrinus est flos. Minores alicubi in **Gallia Narbonensi**





nensi nasci feruntur . Aprili mense Tulipa florem Belgium videt.

TVRCICO & peregrino nomine Tulipam recentiores nuncupant , à Dalmatico pileo Tulipa dicto, cuius formam referre patens flos videtur . Quo nomine à veteribus hic flos dictus fuerit, non constat . Suspiciari quis posset, τυτιώνα esse , si edulis bulbus esset , & cogendo lacte efficax . Nam τυτιών quidem à Theophrasto inter edules bulbos re- τυτιών. fertur ; & herba est , qua lac cogitur , vt ait Hefychius . Conradus Gesnerus Tulipam Satyrium esse existimauit, & quidem Erythronium , quod videlicet flore vna species rubeat ; aut omnino Satyrj aliquam speciem . Cum quibus an conueniat , & quantum, ex subscriptis Satyrionum descriptionibus relinquimus diligentius considerandum .

DE viribus autem & facultatibus Tulipa nihil compertum habemus, aut à quoquam scriptum reperimus .

DE SATYRIIS EX DIOSCORIDE ET ALIIS. CAP. LX.

PRÆTER Orchies dictos , quos etiam Satyria Plinius & Apuleius appellant , duo Satyrj genera Dioscorides esse tradit : vnum τριφυλλον siue trifolium , alterum cognomento ἐρυθρόνιον .

TRIFOLIUM folia fert tria deorsum reflexa, Lapathio aut Lilio similia , verum minora & rubentia : caulem ἄλιν, id est, tenuem siue nudum, cubitum longum ; florem Lilij specie, album : radicem bulbosam, vti malum, τυρρᾶν siue fuluam, intus vt ouum candidam, gustu dulcem, & ori gratam . Idem Satyrium Plinius lib. 26. cap. 10. etiam, sed paulo aliter describit : Folia ei siquidem non Lapathi aut alterius Lilij, sed rubri Lilij esse ait , quæ multo angustiora

& minora sunt quàm candidi Lilij: & radices ei geminas, contrà planè quàm Dioscorides, facit. Verba Plinij sunt: Graci Satyrion folijs Lilij rubri minoribus, & tribus non amplius è terra exeuntibus tradunt: caule laui cubitali, nudo; radice gemina, cuius inferior pars & maior mares gignat; inferior ac minor feminas. Pertinent autem quod de gemina radice additur, ad Orchion, non verò Satyrj historiam. Radicem autè huius Satyrj Dioscorides ait oportere ex vino austero coctam ad opisthotonon bibi: & ei qui velit cum muliere concumbere hac utendum fore; fertur enim ipsam ad Venerem potentiam excitare.

Plinij locus animaduertitur.

- 2 ERYTHRONIVM Satyrium siue Erythraicum, semen habet lini semini simile, sed maius, robustum, splendens & laeve, quod & ipsum narratur Venerem excitare, ut Scincus: est radice cortex subtenuis & suluus, interna verò pars candida, gustu ori grata & dulcis. Nascitur in soli expositis & montanis locis. Fertur ad Venerem incitare radix, etiam si manu teneatur: cum vino verò sumpta multo magis. Eadem serè de Erythronio Plinius; nisi quod semen ei non lini, sed viricis maius ac leuius tribuat, & vires ei plures ex aliorum tamen relatu adscribat: arietibus scilicet quoque & hircis segnioribus in potu dari; & à Sarmatis, equis ob assiduam laborem pigrioribus in coitu: quod vitium profedanum vocant.

SED postea quàm tam magnas Erythronio Satyrio, ad venereas libidines incitandas, vires & Dioscorides & Plinius tradi scribant, suspicandum non temere videtur, Satyrium istud, herbam esse eam, quam Indum quendam attulisse Theophrastus lib. 9. ait; ad rem Veneream efficacissimam: potissimum cum nec huius, nec alterius Satyrj, Theophrastus vsquam meminerit. Si etenim Erythronio tam efficax vis est, ut etiam in manu sumptum libidinem excitare queat;

queat; non multum ab Indi illius herba (si non eadem est) facultate differens esse oportet. Ad rem siquidem Veneream mirum in modum herba pollebat, quam Indus attulerat: nec enim solum edentibus, sed etiam tangentibus tantum, genitalibus vim dixere adeò vehementem fieri, ut quotiens vellet coire valerent; uti refert Theophrastus. Verùm hanc ea de causa cum Erythronio eandem esse affirmari certò non potest, cum non rarò dissimiles eiusdem aut similis facultatis stirpes reperiuntur. Coniecturam nostram indicauimus, iudicium exactius studiosis permittimus.

DE ORCHIIS. CAP. LXI.

ORCHIŒN multa & differentes reperiuntur species, quas veteres paucioribus quidem, nos quinque generibus comprehendendas putauimus. Primum genus Cynosorchin, siue canis testiculum: proximum testiculum Morionis: Tragorchin tertium: quartum Orchin Serapian: quintum testiculum odoratum, siue testiculum pumilionem cum Cordo appellauimus.

CYNOSORCHIOS complures reperiuntur species. Cynosorchis.

PRIMA folia habet lata, pingua, lilij folijs propemodum similia; caulem pedalem aut altiore, angulosum; & in eo flores copiosos, spicati digestos, colore rubentis dilute purpure, cucullo aut galea patenti similes, ex quibus parte inferiore laciniosum quiddam, canis aut alterius animalis quadrupedis exuuio simile dependet, dilute & ipsum purpurascens, punctulis magis purpureis respersum: pro radicibus, præter fibras suprà adherentes, gemini sunt bulbi veluti testiculi, forma aliquantulum oblongi; quorum vnus plenior ac vegetior, alter rugosior.

ALTERA species folijs similiter lauibis oblongis & 2



latis est, sed quàm antecedentis minoribus & angustioribus, quinque aut sex, nonnullis caulem amplectentibus, qui dodrantalis est: spica densa, breui, in qua flores multi; colore ex candore purpurascens, multis purpureis punctis & interiore parte obscurioribus copiosis exiguis lineis ornatis; forma galeam aut hiantem cucullum quoque referentes, dependente ex singulis veluti animalculi quadrupedis, aut homunculi extensis brachijs & diuaticis cruribus absque capite corpusculo, eodem ferè modo quo ex Saturni ore depingi solent dependentes pueruli: radices subsunt duæ globosæ, nuclei nucis myristica magnitudine; adherentibus ad annexum fibris aliquot crassis.

TERTIA Cynosorchios species, folia edit angustâ, 3 striata, plantaginis angustifoliae folijs modo quodam similia: caulem dodrantalem: flores in breui densaq; spica copiosos; colore foris puniceo & obscuriorem purpuram referente, intus verò albicante; eiusdem cum superioris formæ, sed tamen minores; dependente quoque ex ipsis rudi ac informi exiguo quadrupedis veluti animantis rudimento: radices subsunt aliorum Orchion similes.

HVIC & alius floribus per omnia similis quidam Cy- 4 nosorchis est, folijs tamen latioribus, & secundum referentibus, quem Cynosorchios speciem quartam non ineptè quis fecerit.

IAM & quinta quadam species reperitur, folijs vti se- 5 cundus canis testiculus: caule pedali, spica longa, floribus colore herbaceo subuirentibus, ex quibus quod laciniæ simile dependet, oblongum est, & quasi quadrangulum. Ex horum numero primus vel secundus, vel vterque, Cynosorchis est à Dioscoride descriptus. Vterque enim horum folia habet laciniæ, Scille mollioris siue Epimenidiae folijs similia, quadamq; horum erecta caulem amplectentia: alia verò versus terram incli-

Cynosfor-
chis Dios-
coridis.

*inclinata: caulem non tardè altioremdodrante: flores purpu-
rascentes: bulbos radicum oblongis oliuiis similes; praesertim
qui primus est. Talem etenim Dioscorides Cynosorchin esse
scribit. Ορχις, ait, οἱ δὲ κυνὸς ὄρχιν καλοῦσι, φύλλα ἔχει
κατὰ γῆς ἐστρωμένα, περὶ τὸν καυλὸν καὶ τὸν πυθμὲνα, σκίλλη
μαλακῇ ὅμοια, στενώτερα δὲ καὶ λεῖα μακρότερα. καυλὸν
σπιθαμῆς τὸ μῆκος, ἐφ' οὗ ἄνθη πορφυροειδῆ ῥιζῶν βολβοει-
δῆ, ἐπιμήκη, διπλῆν στενὴν ὡς ἐλαίας, τὴν μὲν ἄνω, τὴν δὲ
κατωτέρω: καὶ τὴν μὲν πλήρη, τὴν δὲ μαλακὴν καὶ ῥυσσὴν: hoc
est; Orchis quem Cynos orchin appellant, folia habet &
per terrā strata, & circum caulem ac spicam, Scilla mollis
similia, angustiora, mollia & minora: caulem dodrantis al-
titudine: in quo flores purpurascens: radicem bulbosam,
oblongam, geminam, angustam ut oliua; vnam superiorem,
alteram inferiorem, & vnam quidem plenam, alteram mol-
lem & rugosam.*

Dioscori-
dis locus
restitutus.

IN qua descriptione deprauatè in Gracis exemplaribus
legitur ἐλαία μαλακῇ, pro σκίλλη μαλακῇ; nulla siquidem
appellata est mollis olea, & olea folia multo & minora &
angustiora sunt, quàm Orchios. Inter Scillas autem qua-
dam est mollior & minus aspera. Nam species quidem Scil-
la, auctore Plinio, lib. 19. cap. 5. tres sunt: Vna mascula fo-
lijs candidioribus, altera femina nigrioribus, vtrique aspe-
rioribus, & tertia Epimenidia dicta, folijs minus asperis &
angustioribus. Hanc Dioscorides mollem Scillam appellat,
eiusq; folijs Cynosorchios mollia ac leuia folia, similia &
angustiora esse ait.

Scilla.

CONFIRMAT hanc lectionem Theophrastus de
historia stirpium lib. 9. vbi de Orchis scribens ait: ἔχει δὲ
φύλλον σκυλλῶδες, λειότερον δὲ καὶ ἐλαττον, hoc est, folium
habet Scylla simile, sed leuius ac minus. Et similiter Plinius
lib. 26. cap. 10. Quidam folio, ait, Scilla esse dicunt, leuiori
ac mi-

ac minori. Est tamen in utroque auctore huius Orchios descriptio deprauata. Pro σκυλλῶδες siquidem, ut Marcellus legit, in nonnullis Theophrasti exemplaribus, quæ Gaze mala conuersionis occasionem dedere, perperam legitur σιλῶδες. Sequitur deinde: τὸν δὲ καυλὸν ὁμοιότατον ἀπίῳ, ἥτοι ἀπύρῳ, ἥτοι ἀκάνθῳ, quod penitus corruptum videtur. Apud Plinium legitur, caule spinoso, & similiter deprauate: Orchios siquidem caulis spinas non habet. Cornarius tamen hac Plinij lectione fretus, Theophrasti locum hoc modo putauit restituendum: τὸν δὲ καυλὸν ἀκανθῶδην, ὅς τε δὲ ὁμοιότατον ἀπίῳ. Quomodo autem hac Theophrasti & Plinij corrupta loca restitui debeant, ac emendari, diligentius expendendum relinquimus.

TESTICVLVS Morionis duplex est: mas videlicet & femina. Mari folia sunt quinque aut sex, longa, lata, leuia, lilij folijs similia quidem, sed minora, superius maculis aliquot subnigricantibus signata; quorum vnum & subinde alterum caulem quoque circumplectitur: caulis dodrantalis: flores in spica purpurei, circa umbilicum albidiores, odorati, & aspectu grati, posterius corniculum habent propendens, simile fere corniculo Regij floris; anterius vero cucullum auriculatum & cristatum Morionis referunt. Nam cuculli quidam & patentis galeæ modo flosculus hiat; & angusta foliola quæ à lateribus surgunt auriculas; quod verò è medio attollitur, cristam refert: radices gemini sunt globuli, nucleo nucis myristica similes, supra quos fibræ exeunt.

FEMINA folia habet similiter leuia, sed angustiora & aliquantulum venosa siue striata, Plantaginis angustifolia quodammodo similia: flores hiantes quoque, & veluti patentibus cuculli, à tergo dependente singulis corniculo, sed foliolis, quæ crista aut auricularum modo adnascuntur non erectis,

Theophrasti & Plinij
loca corrupta.

Testiculus
Morionis
mas.

Testiculus
Morionis
femina.





erectis, sed ipsi floris cucullo ita incumbētibus, ut non facile obseruentur: gemini & his testiculis similes globuli, exeunt & supra annexum aliquot fibrae.

1 ET vni quidem huius generis flores sunt purpurei Viola ferè nigra colore, in medio candidiores, punctis aliquot variegati; pluresq; densiori in spica; caulisq; quàm reliquorum longior.

2 ALTERI flores dilutè rubent; cauliculus breuior est, & folia aliquantulum minora.

3 TERTII, flores purpuram referunt exquisitè rubentem, & vermiculum colore: densa huic brevisq; spica; flores minores: folia nonnihil striata, pleraque erecta & caulem circum amplectentia. Hunc testiculum sunt qui velint Satyrion esse Erythronion, sed parum isti attenderunt, Orchies à Satyrjjs differre.

4 SUNT verò & huius generis minores testiculi, quibus cauliculus brevis est: folia paruula quina aut sena, vno aut altero circum cauliculum erecto; flores in spica breui, rari; colore nunc in caeruleo purpureo diluti, nunc candidi, quandoque rubentes, sed coloris obsoleti & odoris ingrati.

Tragor-
chis.

TRAGORCHIS folia similiter lauia, lata & longa fert, liliaceis proxima, maiora quàm aliorum Orchion: caulem cubitalem saepe folijs nonnullis inferius implicitum: flores secundum caulem in longa veluti spica multos, foetidos & hircum olentes, quorum forma patienti quoque galea similis est, ex quibus tamen non exuuio simile, sed longa aliquantulum retorta veluti lacerta cum medio corpusculo cauda propendet, coloris eius cuius est caulis, purpureis aliquot punctulis circa annexum insignita: semen in valvulis oblongis & striatis gignitur perexiguum: testiculi subsunt grandes; fibrae aliquot supra adherent. Testiculum leporis plerique appellant: nos ab odore, quo hircum dum
in flore



in flore est, refert, τεαγερχειν & Hirci testiculum dicere maluimus.

Testiculus
Serapias.

TESTICVLI Serapiadis à nobis cognominati, tria obseruauimus genera: flos vnus papilionem, alterius fucum, tertij muscam refert.


1 PRIMVM itaque genus folia profert duo aut tria, leuia, latiuscula, at lilij folijs multo minora: caulem dodrantalem aut altiore; flores in eo raros, candidos, papilionibus expansis alis quodammodo similes; è foliolis scilicet tribus, vno superiore, duobus lateralibus alas referentibus; & longiori, tenui, veluti papilionis corpore, cauda propendente, mellcum & dulcem liquorem continente, commissi; qui contorto aliquantulum pediculo, cauli adherent: globuli subsunt gemini candidi & rotundi, & supra eorum annexum fibra aliquot pro radicibus.

2 ALTERVM & secundum genus quinis senisue constat folijs, venosis, aliquantulum latis, Plantaginis angustifolia quadantenus similibus, sed minoribus, quibusdam terram versus reflexis, alijs circum caulem; qui palmaris aut dodrantalis est: floribus in summo quinque aut sex ex aliquot foliolis compositis, quorum inferius forma, & colore subnigro sordido fucum proximè referre videtur: testiculi subsunt vt alijs gemini. Reperiuntur huius species duæ: vnus flos superiora foliola maiora, candidiora, & aliquantulum purpurascens habet: alterius omnino minora & subuirentia. Huius caulis breuior: illius altior.

3 TERTIVS testiculus Serapias folijs est minoribus, & paucioribus, cauleq; breuiori ac tenuiori quàm secundus, cui alioqui satis similis apparet: flores huic tres aut quatuor, ex tribus exiguis superioribus foliolis, & quarto inferiore oblongiore, colore in purpura tristi subnigro, nonnihil variegato. forma musca cuiusdam corpori similem: testiculi



Testiculus
Serapias
Dioscori-
dis.



sticuli veluti gemina parua pilulae sunt.

TRIA autem hac genera Serapiades nūcupauimus, propterea quod eorum flores infecta quadam referūt fecunda & lasciuia, tanquam à Serapide nomen habentia Alexandrinorum olim Deo, cuius excellens Cánopi templū erat, vbi lasciuus & cantibus & saltationibus colebatur: vt videre est apud Strabonem lib. 17. Fuchsius etiam ante nos, genus illud, quod flore fucum refert, Serapiada feminā fecit. Dioscorides item Orchin Serapiada describens, vnum istorum satis manifestè exprimit. Verba eius sunt: Ορχις ἑτερος, ὃν σεραπιάδα ἑτερος καλοῦσιν, φύλλα ἔχει ἰσοκύβητα πρᾶσιφ ἐπιμήκη πλατύτερα καὶ λιπαρά, ἐπικαμπῆ ἐν ταῖς μασχάλαις· καυλὸς σπιθαμιαῖα· ἄνθη δὲ ὑποπόρφυρα· ῥίζα δὲ ὕψιστιν

ὀρχιδίῳ ὁμοία, id est, Orchis alter, quē Serapiada alij nominant, folia habet Marrubio similia, oblonga, sed latiora & pinguiora, per extrema recuruata; cauliculum dodrantalem; flores subpurpureos: radix subest parui testiculi similis.



lis. Cum qua descriptione si secundus no-
ster Serapias, praesertim qui maior est,
conferatur; convenire omnino reperie-
tur. Foliū etenim ei Marrubij folio lon-
gius latiusq; & laeve, quod reflectitur:
cauliculus dodrantalis: florum superiora
foliola, dilute in candore rubentem pur-
puram referunt: testiculi exigui sunt.
Meminit huius eiusdem & Plinius, sed
folia ei non Marrubij sed Porri tribuit,
quod & Dioscoridis interpretibus occa-
sionem praeiuit, ut pro ὀρχίς τριπύλη,
reddiderint, porro similia. Inter pauca,
inquit Plinius, mirabilis est Orchis her-
ba, siue Serapias, folijs Porri, caule pal-
meo, flore purpureo, gemina radice testi-
culis simili. Paulus Aegineta, Serapiada
etiam Triorchin nuncupari scribit, ve-
luti tres testes habentem. Vnde Fuchsius
Serapiadi tres affinxit bulbos. Plinius
tamen huic non nisi geminos bulbos tri-
buit: neq; nobis plures quam duos esse,
vel huius, vel illi quem Fuchsius depin-
git, vel alijs Orchijs, obseruare contigit.

QVINTVS testiculus odoratus siue Testiculus
pumilio nuncupatus, omnium folijs mi-
nimus est; ei siquidem foliola omnino
paruula sunt, eaq; venosa & Plantagi-
nis aliquatenus similia, sed minutis ac
paruulis eius folijs minora, viretia; cau-

lis tenuis est palmi altitudine, circa quem flosculi paruuli
candidi, suauiter odorati, ordine digesti, ac spiram modo cau-

lem ambientes : bulbi subsunt gemini, parui, oblongi.

EXEUNT Orchies locis ut plurimum palustribus ac humentibus, in sylvis ac pratis : quidam pingui & argilloso solo, veluti *Tragorchis* dictus, qui solo pinguiſſimo gignitur : alij etiā macriori nascuntur. Odoratus, editis, incultis & aridis locis plurima parte reperitur.

M A I O & Iunio mensibus omnes florent, excepto odorato pumilione, qui Augusto demum aut Septembri flores promit.

O M N E S à Græcis *Ophees*, & à Latinis testiculi nuncupantur. Germani *Knabenkraut* & *Standelkraut*: Belgæ, *Standelcruyt*: Galli, du *Satyryon* appellant, officinarum nomen retinentes. Officina siquidem Orchies *Satyria* nominant, & eorum bulbos, pro *Satyriorum* medicamentis ac compositionibus admiscunt. Præbuisse his occasionem videtur *Apuleius*, qui nullam inter Orchies & *Satyria* differentiam facit, sed utrumq; *Satyrium*, cum utroq; *Orchi*, canis videlicet dicto, &

Serapiade cognominato confundit. Græcis, inquit, dicitur *Satyryon*, alijs *Cynosorchis*, alijs *Entaticos*, *Panion*, *Serapion*; alijs *Orchis*. Galli, *Vram*: Itali, *Priapiskon*: alijs *Orminalem*: alijs testiculum leporinum nominant.

V I S autem *Cynosorchios* radicibus calida est & humida:



midia : caterùm maior quidem multam videtur habere humiditatem excrementitiã , ac flatuosam , & ea propter epota Venerem excitat . Altera verò minor , econtra, vt sit eius temperamentum ad calidius & siccius vergens: itaque hac radix , tantum abest vt ad coitum stimulet , vt etiam planè contrà cohibeat ac reprimat : auctor Galenus . Et de radice, inquit, Dioscorides, narratur; maiorem si viri edant, mares generare; minorem si feminae, feminas . Addunt in Thessalia mulieres teneram cum lacte caprino bibendam dare, vt Venerem excitent: aridam verò ad inhibendum.

SERAPIADEM, Galenus ait, sicciores facultatem obtinere, nec perinde ad Venerem accommodam esse.

NOSTRA ætas omnium Orchium bulbis , ad Venerem excitandam vititur : & pharmacopœi compositionibus eo facientibus indifferenter quosuis admiscunt : præstantiores tamen sunt Tragorchios bulbi . Assumendi autem non sunt ambo bulbi, sed durior , plenior, ac succi plus habens: flaccidior ac rugosior minus aut non idoneus est.

EST autem plenior, non semper qui maior, sed non raro minor: si videlicet bulbi colligantur priusquàm stirps defloruerit, aut cùm primùm caulis erumpit. Nec etenim succulentior , alterum magnitudine superat , prius quàm semen maturari cœperit. Nam cùm alternis annis vnus bulbus intumescat , alter verò resideat ac pereat , fieri non potest vt durior ac succo plenior semper maior sit . Quando siquidem folia erumpunt , tunc demum vel non multo antè plenior crescere incipit , quo paulatim incrementum sumente alter flaccescit , rugasq; contrahit , donec maturato semine vnâ cum folijs & cauliculis subinde totus subsideat ac pereat; eo qui interea creuit vegeto ac succi pleno.

DE SATYRIO BASILICO,
CAP. LXII.

QUOD recentior atas Satyrium basilicon nominat, non vnius est generis. Est etenim maius vnum; alterum minus: quoddam folio non maculato; aliud maculato.

1 **M**AIVS Satyrium basilicon, quod plerique marem appellant, folia habet oblonga, lata & laevia, lilij folijs minor, nullis aut omnino vix apparentibus maculis respersa: caules pedales vel altiores, non absque adnatis folijs: flores in summo spicatos, colore dilute purpureos, exiguis punctis saturata purpura respersos, forma testiculi Morionis maris; nisi quod ipsis crista desit: sub quibus singula acuminata nascuntur foliola: radices geminae veluti palmae sunt, singulae in quatuor digitos distributae; quarum una flaccidior & quasi fungosa: altera vegeta ac solida, paucis ab annexu exeuntibus fibris.

2 **A**LTERVM maius genus, quod feminam vocant, priori tamen minus, folia eiusdem forma promit, sed minora & multis nigris maculis conspersa: flores cucullis similes, cristatos & hiantes, uti testiculi Morionis maris; colore nunc candidos, alias in purpura vel rubentes, vel dilute ad caeruleum inclinantes, semper magis purpureis punctulis ornatos ac variegatos: radices alterius similes.

3 **M**INVS genus, folijs est angustis, & ut Matthiolus inquit, croci, caule dodrantali iunceo, laeviq; in cuius cactu mine flos emicat purpureus, Amaranti amulus, qui recens odorem quam suavisimum reddit: radicibus aliorum similibus, sed quae magnitudine ipsis cedant.

NASCUNTUR Satyria haec, locis ut plurimum humentibus, palustribus, in pratis & in sylvis. Florent Maio ac Iunio.

NOSTRA





NOSTRA *etas* Satyria nuncupat Basilica siue regia: item & Palmas Christi. Est tamen & alia huius appellationis herba, Ricinus videlicet; hunc etenim & Palmam Christi vulgo plerique nuncupant. Germani Satyrion Basilicon, *Kruszblum* nominant: Belgæ, *Handekens* cruyt: Galli, Satyrion royal.

SUNT qui velint Buzeiden siue Buzidan Arabum esse. Sed Auicenna Buzeiden ait esse medicinam ligneam Indam. Et Serapio Buzeiden ait radices esse duras, albas, similes Behen albo, & medicinam esse Indiæ. Satyrj autem huius basilici radices nihil minus quàm ligneæ sunt, & non ex India petuntur, sed in omnibus Europæ prouincijs passim reperiuntur: tantum à Buzeiden absunt.

MATTHIOLVS Satyrium basilicum Digitos citrinos Auicenna esse vult, & Monachos qui in compositiones Mesues commentaria edidere, dubitantes & penes lectorem iudicium relinquentes, ea de causa reprehendit. Nobis tamen magis placet Monachorum hesitatio, quàm Matthioli assertio. Neque enim Satyrj huius radices duræ sunt, sed recentes quidem vegetæ ac succulentæ; & arescētæ omnino flaccidæ: nulla etiam omnino citrina aut puluerulenta est. Digni autē citrini, auctore Auicenna, duri sunt, & quidam citrini cum puluerulencia. Verba eius sunt: *Asabafra* siue digitus citrini quid est? Eius figura est sicut vola manus, commista ex citrinitate & albedine, & est dura, in qua est parū dulcedinis, & ex ea est citrina cum puluerulencia absq; albedine. Iam & Rhasis libro continentis ultimo, digitos hos croceos, ut exemplaria habet, appellat; & esse gummi seu venam tinctorum ait. At basilici Satyrj radices nihil minus quàm croceæ sunt, & ad tingendum nequaquam vtilis habentur. Quæ omnia Satyrium basilicū vulgo nuncupatū, à Digitis citrinis Auicenna & Rhasis differre, manifestè ostendunt.

Digitus citrini.

AT Satyrj basilici radices, Orchion sapore & gustu referunt, proinde & facultatibus similes existimantur. Nicolaus autem Nicolus cap. de curatione quartana, vim habere ait, & per superiorem, & per inferiorem ventrem purgandi; & aduersus quartanas febres inueteratas post purgationes, radice partem pollicis longitudine tusam, cum vino ante accessionem vtiliter exhiberi; hocq; remedio ter sumpto, Biliotum quendam post 44. aut 45. accessionem, à quartana fuisse liberatum.

DE PSEVDORCHI, SIVE BIFOLIO. CAP. LXIII.

AD Orchies recentior atas etiam refert, quod Bifolium nominant, Orchion nothum & adulterinum quoddam genus. Folia habet non plura quàm duo, eaq; ad caulem sibi mutuo opposita, lata, neruosa, Plantaginis latifolia folijs similia, sed minora: caulem dodrantalem; flores secundum ipsum ordine digestos, testiculi Serapia tertij quodammodo similes; sed subuirides aut in viridi albicantes & angustiores, culicum formam proximè referentes: radices fibrosas in diuersa tendentes. Exit locis humidis ac palustribus. Floret vnà cum Orchijs Maio ac Iunio.

Ophris.

NOSTRA atas Bifolium appellat: Germani, Zuec=blat; Nostri, Tweeblat. Putatur esse à Plinio appellata Ophris, quam ait herbam esse denticulato oleri similem, folijs duobus. Sed veram esse Ophrim asseri non potest, quàm diu quale sit illud olus denticulatum, cui Ophris similis, ignoratur. Alijs videtur esse Alisma, sed & quàm parum cum Alismate conueniat, ex his quæ superius cap. 22. scripta sunt, cuius promptum est colligere, vbi quale sit Alisma ostensum



ostensum est. Nobis noua aliqua stirps esse videtur, veteribus praterita.

VTILEM autem hanc herbam recentiores ferunt, ad rup:a & vulnera glutinanda.

DE TRAGOPOGONE ET SCORZONERA. CAP. LXIIII.

TRAGOPOGON folia habet oblonga, angusta, acuminata, croci folijs latiora & maiora. caulem rotundum, in plures diuisum; in summo calyces magnos, à quibus flores exeunt magni, multiplices, multorumq; foliorum, Dentis Leonis nuncupata vulgo herba, floribus & magnitudine similes; colore vel lutei, vel in purpureo punicantes, qui oriente Sole panduntur, meridie verò recluduntur; & percurrentes in canescentes pappos abeunt; quibus semen subest, longum, subnigrum, acuminatum: radix candida est & longa. Tota herba vnà cum radice succum habet lacteum, qui vulnerata effluit. Nascitur sua sponte compluribus vtriusque Germaniæ locis incultis & humidis, & præcipuè quæ lutei est floris. Exit & in hortis procerior, amplior, floribusq; maioribus ac speciosioribus, præsertim purpurea. Floret Iunio & Iulio.

GRÆCIS τραγοπόγων, & κομή nuncupatur. Latinis, Hirci barba, Coma. Germanis, Bocks bart. Belgis, Bockbaert / Josephs bloemen. Gallis, Barbe de bouc. Italis, Matthiolo teste, Sassefrica.

HERBA, vt Dioscorides ait, esui apta est, nostra ætate radix hybernis mensibus à plerisque, vnà cum acetarijs permixta editur.

Huius generis est quam Hispania Scurzoneram aut Scorzoneram appellat, folijs oblongis, subcandidis, carnosis, acumi-





acuminatis, latioribus & per ambitus subinde parum sinuatis: caule rotundo, pedali vel altiori; flore luteo multiplici omnino simili, qui etiam in pappos resolvitur: semine oblongo, subcandido, & minore: Radice longa, singulari, candida, quæ cortice obtegitur tenui & nigricante.

NASCITVR Scorzonera in Hispania plerisque montibus, locis humentibus obscuris & vliginosis: reperitur & in Germania Thuringia ac Bohemia in sylvis ac montibus locis similibus. Apud Hispanos flos Maio mense prodit: in Germania verò seriùs, Iunio videlicet & Iulio.

HISPANI Scorzoneram appellant, quod Latine Viperinam siue Viperariam aut Serpentaria sonat; sic dicta, quod contra venena viperarum ac serpentum efficax habeatur. Nam Hispani Viperam Scurzo appellant. Apud Germanos & alias nationes nomen non inuenit.

FERVNT autem hanc pestis contagia arcere, & omnibus venenis resistere venenatorum, & præcipuè viperarum moribus mederi, epoto vel radicis, vel herba succo: prodesse item cardiacis, & syncope molestatis, nec non comitiali morbo obnoxij & vertiginosis: radicem commanducatam hilaritatem facere, tristitiamq; omnem discutere: lacteum radicis succum oculis inditum, visum exacuere.

DE CHAMÆMELO VULGARI.

CAP. LXV.

CHAMÆMELI flos tametsi coronarius non sit, propter frequentem tamen quem in medicina vsum habet, inter flores locum vendicauit.

SUNT autem Chamamelorū complura genera. Vnum legitimum medicina aptissimum, vulgaris vsus, quod ea de causa vulgare Chamamelum nuncupatur: alia deinde syl-



uestria nullius aut exigui vsus: tertium hortense odoratum.
De eo autem quod familiarissimum est, primum agemus.

SUNT huic cauliculi tenuēs in alas multas diuisi, cubitales: folia tenuia, dissecta, numerosa: flores in summo, medio lutei, forinsecus verò candidi; ambientibus videlicet luteum ipsius floris, multis exiguis candidis foliolis, quorum singula angusta sunt & forma oblonga: radices tenues & fibrosæ. Exit passim in aruis vnà cum segete; & vniuersa Europa familiaris est. Colliguntur flores Iunio potissimum mense.

CAMOMILLAM officina nuncupant: vulgo Camille & Camomille bloeracn. Germani, Chamill. Galli, Camomille. Veterum est χαμαίμηλον siue Chamamelum, & Anthemidis genus, quod ab ipsis candidis, floris medium circundantibus orbem, foliolis, λευκάνθημον dicitur. Sunt etenim Anthemidis, Dioscoride auctore, generatris, & quidem floribus in medio luteis omnia, per ambitum autem & circumferentiam, vnum candidis, alterum luteis, tertium purpureis. Quod luteis per ambitum foliolis constat, χρυσάνθημον nominatur: tertium autem purpureis, ἡγάνθημον, quod scilicet vere floreant.

CHAMÆMELVM verò dicitur, quoniam flores μνηλῆ, siue mali odorem habeant, quem in vulgaris vsus Chamamelo euidens & manifestum est sentire; ita vt vel hinc vulgaris vsus Chamamelum, verum & legitimum esse conjicere liceat; quod & ipsæ etiam facultates euidentius ostendunt. Tales siquidem vulgaris Chamameli facultates omnino sunt, quales Chamamelo Galenus tribuit.

CHAMÆMELVM, Galenus ait, calfacit & desiccatur in primo ordine, & tenuium est partium; digerendi, laxandi, & rarefaciendi vim habet. Item & alio loco: tenuitate Rosa persimile est, calore ad olei vires magis accedens ho-

mini familiares & temperatas. Quapropter lassitudini, si quid aliud, cum primis confert, doloresq; sedat & mitigat: præterea tensa remittit & laxat: quæq; mediocriter dura sunt, emollit; quæq; constipata, rarefacit. Omnes autem has facultates nostro vulgari Chamamelo inesse, ipsa quotidiana commoñstrat experientia. Nam moderatè quidem ipsum excalefacit, parum resiccat, valde tenuium est partium, digerendi, relaxandiq; singulari, ac mirifica potentia præditum est, multi breuiter ad omnia vsus, quæ clementer calefieri, resolui, discuti ac leniri desiderant. Calculi & colicos dolores lenis: vrinam moderatè prouocat: tormina & rofiones ventris sedat: laterum dolores mulcet: duros tumores emollit, & crudos humores discutit. Idem præstat oleum ex floribus compositum, quod aduersus lassitudines omnes remedio est, & omnibus vtiliter admiscetur, quæ sopiendi aliquius doloris causa adhibentur.

DE SYLVESTRIBVS CHAMÆMELIS, SIVE COTVLIS.

CAP. LXVI.

SYLVESTRIVM Chamamelorum, Cõtulas quas passim nominant, tria sunt genera: vnum fœtidum, duo alia non fœtentia: quorum vni flos per circumferentiam candidus, alteri verò totus luteus.

CHAMÆMELVM syluestre fœtidum, siue Cõtula fœtida, caules promit rotundos, virentes, fragiles & succulentos, in alas multas diuisos, crassiores & sæpenumero altiores quàm Chamameli: folia similiter ampliora, in virore nigricantia: flores forma & colore similes. Fœtet herba tota, grauemq; odorem spirat: vnde illi fœtida cognomen datum.



datum. Nascitur in aruis, iuxta semitas, & agrorum margines. Floret eodem quo Chamamelum tempore.

OFFICINÆ & Herbarij passim Cotulam fœtidam nuncupant; plerique Camomillam fœtidam. Germani, Krottendill/Hunzẽdill/Hunzẽblum. Belgæ, Dad= debloemen/stinckende Camille. Galli, Espargoutte: à nonnullis κυρταβεις, ab alijs κυροταβή. Leonhartus Fuchsius Parthenium esse voluit. Sed Parthenium verum & legitimum est vulgo dicta Matricaria, quæ odore longè est grauiore, & sapore admodum amaro; folijs tenuibus & Coriandri similibus. Cotula autem fœtida minus grauiter olet, & folijs Coriandrum non emulatur.

- 2 ALTERA Cotula alba non fœtida, quæ à plerisque etiam Oculus bouis dicitur, cauliculos edit complures, tenuiores, duriores, flexibilioresq; quàm Cotula fœtida; & circa eos folia tenuia, Chamameli folijs paulo longiora & candidiora: flores in medio luteos, per circumferetiam candidos, Chamameli & Cotula fœtida floribus similes, sed maiores, exigui aut nullius odoris: radices duras & lignosas non absque adnatis fibris, quæ aliquot annis permanentes vere regerminant. In aruis & agris frumentarijs vnà cum Chamamelo reperitur. Aestiuus mensibus floret.

NOSTRA atas Cotulam non fœtidam appellat, & Cotulam albam, plerique Oculum bouis & Bupthalmum. Germani, Kudit/Kundlaug/kuaug: Belgæ, Coedilie/Coecoghe. Et verum quidem esse Bupthalmum Leonharti Fuchsii sententia fuit. At nobis verum & legitimum solum esse videtur, quod infra sub Bupthalni nomine describitur. Nam Bupthalmo quidem, vt Dioscorides auctor est, folia sunt μαραθοριδῆν; id est, fœniculi foliorum similitudinem habentia, & flos melinus. Huic verò folia non sunt fœniculi similia, neq; flos totus luteus siue melinus, sed plu-

na parte, per circumferentiam videlicet candidus; qui-
 ciam vel solus Matthiolum mouit, vt Cotulam hanc al-
 bam. siue vulgare Buphtalmum, verum & legitimum esse
 Buphtalmum negauerit. Proinde non Buphtalmum,
 quod hoc nomine à plerisq; appellatur, sed Cotula & Cha-
 mameli sylvestris species quadam est. Plinius lib. 26. cap. 7.
 Melandrii herba meminit, in segete ac pratis nascentis, flore Melandriū
 albo & odorato: an Melandrium autem istud Cotula non
 fœtida sit, diligentius inquirendum; propter etenim Plinij
 breuitatem, nemo facile qualis herba Melandrium sit, as-
 firmauerit.

TERTIA Cotula lutea cauliculis exit non paucis; fo- 3
 lijs Cotula albæ maioribus, crassioribus, candidioribusq;
 flores & medio & orbiculato ambitu, melini siue lutei sunt:
 radix dura, lignosa, diuturna. Nascitur in Germania &
 Gallia, iisdem ac similibus quibus Cotula alba locis: apud
 Belgas, hortensis est. Iunio ac Iulio florem promit.

GERMANI Streichblumen & Steinblumen
 appellant. Belga, Strüchbloemen. Fuchsius Anthemidis
 speciem, & Chamamelum Chrysanthemum facit: folio ta-
 men parum, odore nullatenus Anthemidem siue Chamame-
 lum Leucanthemum refert. Matthiolus pro legitimo Buph-
 thalmo depinxisse videtur: desideratur tamen in eo folium
 Marathroides, quod Buphtalmo esse Dioscorides testa-
 tur. Nos his de causis inter Cotulas & sylvestria Chama-
 mela potius reponendum duximus, quàm alterutrum te-
 merè asserere.

VSVS autem hæ Cotula in medicamentis aut cibatu
 nullum habent, proinde earum facultates incomptæ. Vi-
 dentur tamen omnes calidæ aliquantulum & sicca, Cha-
 mamelo vulgaris vsus viribus quodammodo similes, sed lon-
 gè tamen inferiores, imbecillioresq;. Quæ fœtida dicitur,

ad vteri morbos commendatur; sed ab ijs præsertim, qui Parthenium esse existimant, & Parthenij vires ad hanc transtulerunt. Est tamen non omnino Cotula hæc inutilis; quando fœtida omnia ex vtero strangulationibus profunt.

DE CHAMÆMELO ODORATO.

CAP. LXVII.

ODORATVM Chamamelum duorum est generum: vnum Leucanthemum, alterum Chrysanthemum cognominari potest.

- 1 LEUCANTHEMO odorato Chamamelo, caules exeunt multi, non erecti, sed procumbentes & quasi per terram repentes: folia tenuia dissecta, vti Chamameli vulgaris, sed maiora virentioraq;: flos quoque similis, medio videlicet luteus, & per circumferentiam candidis foliolis cinctus: radix fibrosa, durabilis natura. Referunt folia & flores pergratum ac iucundum cum grauitate quadam odorem, aromatum odoribus persimilem, qui etiam in arida diutine permanet.

EST & huius generis quoddam, foliola medium floris ambientia densissime multiplicans, luteo in angustum orbem coacto; quod odore & forma præcedenti per omnia simile est.

- 2 CHRYSANTHEMV odoratum Chamamelum, cauliculos similiter profert tenues inualidos, & in terra prostratos: folia quoque tenuia, vti prioris, sed candidiora & paululum minora: pro flore, qui alijs omnibus Chamameli ac Cotularum generibus medius, luteus est orbiculus, nudus & nullis circumambientibus foliolis cinctus; radix similis. Et huius herba odorata quoque est, odore & facultate priori similis.



VTRVMQVE in Belgio hortense est: floret Iulio & Augusto mensibus.


CHAMAEMELVM odoratum propriè appellatur: Tragus Chamamelum nobile nominat: Vulgus nostrum, Roomſche Lamille, id est, Chamamelum Romanum. Quod flore candet, Leucanthemum; alterum Chrysanthemum dici potest. Sed tamen ea esse qua à Dioscoride, Galeno, aut alijs veteribus in vsu recepta fuere, non omnino videtur asserendum: verisimilius est ab ipsis fuisse praterita aut incognita.

NAM facultas eorum multo intensior, quàm Chamamelo à Galeno tribuitur. Caliditate siquidem & siccitate qualitatem illam viuentis familiarem ac temperatam, qua Chamamelo à Galeno tribuitur, quàmq; ipsum habere quotidiana ostendit experientia, multum excedunt: utpote secundo ordine calida & sicca. Cum autem & ipsa substantia tenuitatem habeant coniunctam, digerendi ac rarefaciendi potentiam habent ampliorem: molliendi verò, doloresq; sedandi, aut mitigandi, remissiorem. Proinde ubi magis quàm vulgaris vsus Chamamelum potest, incalfacere aut rarefacere opus est, vtiliter adhiberi possunt: uti in balneis, qua sudoris euocandi & rarefaciendae cutis causa parantur, in quibus horum Chamamelorum vsus haud est negligendus. Nam & cutim nimis adstrictam rariorem faciunt, sudorem euocant, bonumque corpori odorem conciliant.

DE ERANTHEMO VULGARI.

CAP. LXVIII.

FLOS quem Eranthemum nuncupauimus, cauliculos profert à radice complures, in alas subinde diuisos, striatos, virentes; folia tenuia Chamameli, aut potius Cotulae foetida simi-



de similia : flores non magnos , forma Ranunculi florum , pulchros minij colore rubentes ; quos capitulum sequitur oblongum , ex multis collectum seminibus , rotundis , acuminatis , colore in virore subnigricantibus : radices fibrosas . Odorem herba herbaceum habet , aliquantulum grauem , sed minus quàm Cotula foetida , Chamameli verò odori nequaquam similem . Nascitur compluribus Europæ prouincijs , in aruis vnà cum Zea , Tritico , aut alijs frumentis : Belga in hortis serunt . Aestiuis mensibus floret , Maio , Iunio & Iulio .

NOSTRI sua lingua , *Buynettekens* appellant : Germanorum nonnulli , *Feldroszlin* : multi hac atate *ἐράνθεμον* . Esse tamen tertium Anthemidis genus , quod propriè Eranthemum dicitur , nemo facile affirmauerit . Nam Eranthemo , si fides Dioscoridi , flos est forma Chamameli , in medio aureus vel luteus , orbiculato vero ambitu purpureus . Istud autem florem quidem habet purpureum , sed medium eius non est luteum : quod ipsum non esse Anthemidis speciem ostendit .

HIERONYMVS Tragus *Astera Atticum* , cuius flos medio luteus , & per circumferentiam caruleus est , Eranthemum facit : Fuchsius verò *Consolidam regalem* , siue florem *Regium* , de quo superius egimus .

IN *Astere Attico* autem , quem Vergilius *Amellum* florem nominat , desideratur herba folium Chamamelo simile , & floris color : in flore Regio verò & color , & forma floris . Vtriusque huius flos caruleus est : Eranthemi autem , roseo colore rubet , vt testis est Plinius , lib. 26 . cap. 8 . qua de causa & neutrum horum Eranthemum esse potest .

MATTHIOLVS Eranthemum istud praesens , *Adonidis* florem nuncupat , sed *Adonidis* flos *Anemone* esse creditur . *Adonidis* siquidem florem vento excuti Ouidius scribit ,

bit, *Metamorph. lib. 10. in fine. Venti autem flos Anemone est. Nam Anemone ἀπὸ τοῦ ἀνέμου, id est, à vento nomen habet, vt Plinius auctor est, lib. 21. cap. 23. Flos, inquit, nunquam se aperit, nisi vento spirante: vnde & nomen accepit. Cum Anemone autem Eranthemium quod descripsimus non conuenire manifestum est.*

CAETERVM Eranthemi istius nullus in medicina vsus; quantum autem gustabilis qualitas eius ostendit, aliquius caliditatis particeps est, sed tamen non magna.

DE BUPHTHALMO. CAP. LXIX.

STIRPI cui Buphthalmi nomen dedimus, cauliculi è radicibus exeunt tenues, tres, quatuor, aut plures, pedales vel altiores, circa quos folia, virentia tenuiter dissecta similitudine foliorum fœniculi, sed multo quàm illius minora: flores in summo cauliculorum magni, Calendula satis similes, colore luteo magis diluto, staminibus in medio luteis, post quos capitulum succedit, veluti suprâ descripti Eranthemi, ex multis seminibus simul congestis commissum: radices tenues sunt & fibrosa, veratri nigri radicibus similes. Nascitur sua sponte plerisque Germania & Bohemiae prouincijs, locis incultis; apud Belgas hortensis est. Maio aut Iunio floret.

DE huius autem stirpis nomenclatura, recentiorum variant sententia. Sunt qui velint Veratri nigri speciem esse; nonnulli Consiliginem; quidam Sesamoides: Elleborastrum alius.

VERATRI autem nigri, duo apud veteres reperiuntur genera: vnum folio Laurino, fructu Sesamaceo: alterum folio Platani, semine Cnici. Veratrum
nigrum.

PRIORIS meminit Theophrastus lib. 9. & ad hoc genus referenda sunt, quæ passim Veratra nigra appellantur,



tur, quorumq; folia ex pluribus oblongis collecta sunt: praefertim quod caulem non facit, floresq; ex ipsis promit radicibus breuibus insidentes pediculis, initio candidos, tandem herbacei coloris. Huius etenim folia ex pluribus constant, quorum singularia dura, glabra & forma quodammodo Laurinis similia: semen in folliculis oblongis gignitur, quinque aut sex simul coniunctis Sesami modo: radices multae instar fibrarum, & nigrae sunt, quae eximiam purgandi vim obtinent. Sunt tamen & huius generis, reliqua etiam Veratrum nigra, quae caules proferunt, ac flores habent herbacei coloris; folia siquidem eorum singularia, etiam oblonga & aliquatenus prioris similia: fructus similes: radices ad purgandum efficaces, nigrae & uti alterius.

POSTERIVS Veratrum nigrum Dioscorides describit lib. 4. folia istud habet Platani, nigra; caulem filicis; flores in umbella: semen candicans, oblongum: radices tenues nigrae & fibrosas. Cum neutro autem horum Buphtthalmum istud, à nobis hoc loco descriptum, conuenire, notissimum est.

CONSILIGINIS herba qualis forma sit, apud veteres non reperitur. Plinius ait, sua aetate in Marsis inuentam, & pulmonum vitio, suum & omnis pecoris remedium praesens esse, vel traiecta tantum auricula: lib. 26. cap. 7. Columella lib. 6. cap. 5. In Marsis montibus plurimam nasci, etiam ait, omniq; pecori maximè esse salutarem, & qua ratione ac modo auricula inseri debeat, docet. Feruntur & Buphtthalmi nostri radices pecorum morbos quosdam curare, si per auriculam perforatam inserantur: sed ea de causa Consiliginem esse consequi non debet. Diuersas siquidem stirpes similis vel eiusdem facultatis reperiri non est alienum. Nam & nigri Veratri radices idem posse testatur Plinius lib. 25. cap. 5. Pecorum, inquit, & iumentorum pi-

suias

tuitas sanat, surculo per aurem traiecto, & postera die eadem hora exempto. Quod & experimentis nostra atatis rusticorum compertissimum est: qui Veratri nigri vulgaris radicibus, pecorum suorum morbis medentur. Præstant simile & Veratri albi radices, ut Absyrus, & post eum Hierocles scribit: qui tamen Veratri albi radículas non in aurem, sed sub pectoris cutim insigunt. Quo modo etiam Vegetius Renatus, Consilagine vititur, Veterinaria sua lib. 1. cap. 12. de cura morbi subcutanei: tametsi lib. 3. cap. 2. de Malleo, ipsas etiam auricula inserendas scribat. Quæ satis ostendunt, diuersas stirpes similes subinde habere facultates; & ea de causa nequaquam consequi, Buphthalmum nostrum esse Consiliginem, quod perinde ac Consiligo pecorum morbis medeatur. Quod si ex facultatibus coniectura facienda est, Consiligo erit Veratrum album. Nam Vegetius eo omnino modo Consilagine vititur, quo Veratro albo Absyrus & Hierocles. Auger hanc suspicionem, quod Vegetius hanc curandi rationem à Græcis accepisse putetur. Quæ de causa, etiam plerisque nihil aliud, quam Veratrum album, Consiligo videtur. Quod si ita est, multum à Consilagine præsens Buphthalmum differens erit: Veratro siquidem albo nequaquam assimile est.

IDEM verò, Sesamoides, siue primum, siue alterum, non esse, notius est quam refelli debeat.

HELLEBORASTRUM verò & hoc ipsum improprie nuncupatur: proprie etenim helleborastrum dici potest, quod hellebori siue Veratri speciem ac similitudinem habet: istud autem Buphthalmum Veratri nullam speciem habet.

QUIBUS omnibus de causis nullam harum appellationum huic stirpi convenire visum est, sed solum Buphthalmi nomen, cum cuius descriptione, quæ apud Dioscoridem extat, quia exquisitissime hac stirps convenit, proprium ac legiti-

legitimum Buphtthalmum esse existimamus. Buphtthalmum siquidem cauliculos, ut Dioscorides ait, emittit molles & tenues, folia μαραθγοειδῆ, id est, speciem ac similitudinem foliorum fœniculi referentia; florem melinum, Anthemide maiorem. qualis omnino prasens stirps est, quæ tenuitate & multiplici sectione foliorum, speciem illam foliorum fœniculi tam exquisitè exprimit, ut nulla alia, parui folij, melius possit: ita ut citra omnem dubitationem hæc stirps legitimum Buphtthalmum esse videatur.

NOMINATUR autem Buphtthalmū etiam Cachla, aut potius Caltha. Caltha autem est Calendula, quam flore Buphtthalmum nostrum proximè referre diximus. Sunt verò & qui velint Buphtthalmum idem cum Chrysanthemo esse, Dioscoridemq; separatim locis, sub diuersis nominibus eandem herbam tradidisse. Sed hi si paulò diligentius Dioscoridis verba expendissent, aliter sentirent. Licet etenim in multis utriusque descriptiones conueniant, non abest tamen proprietas aliqua, quæ differentes esse stirpes ostendat. Folia Chrysanthemi πολυσχιδῆ, id est, in multas partes diuisa & dissecta traduntur: Buphtthalmi verò μαραθγοειδῆ. Non omnia autem quæ laciniosa sunt, & in multas partes dissecta, fœniculi foliorum speciem habent. Iam florem proferre Chrysanthemum Dioscorides ait ἰσχυρὸς σιλόρτα, hoc est, multum relucens: Buphtthalmi verò relucens esse non tradit, neque etiam eius quod à nobis pingitur, flos ita splendet, ut multum relucens dici queat, aut debeat. An hæc euidentem Buphtthalmi & Chrysanthemi differentiam ostendunt, & legitimum esse à nobis depictum Buphtthalmum confirmant? Sentiant qui velint aliter, nobis ita videtur; & qui Chrysanthemum idem cum Buphthalmo esse volunt, aliud Buphtthalmum, si istud esse negent, requirant. Nam quod & ab alijs & à nobis pro Chrysanthemo

depingitur, legitimum Buphtalmū esse nequit: folia enim eius non sunt μαχαθοειδῆ, qualia omnino legitimi Buphtalmi esse debent.

QVOD verò ad facultates attinet: Matthiolus ait, in Bohemia omnes medicos & pharmacopæos huius radicibus, pro Veratri nigri vti, priuatim ad pecorum morbos: sed in medicamentis radices huius ἀντιμαλλόμενας radicum Veratri esse non affirmat. Memini ego obseruasse me olim, à quibusdam medicis, huius radices, in quantitate satis magna adiectas fuisse, decoctis ad purgationem per inferna preparatis, sed nibilo plus ea aluum mouisse, quàm si non addita fuissent. Quod mihi suspicionem mouit nulla purgandi potentia huius herbe radices donatas esse: & alia omnino facultate, quàm helleborum, per auriculas transmissas pecorum morbis mederi. Gentiana radices ora fistularum nimis angusta egregiè dilatant; idem possunt Aristolochia & Bryonia radices, ac spongiarum partes; qua tamen viribus alijs multū inter se differunt. Quamobrem licet Buphtalmi radices simile aliquid Veratro nigro queant, idcirco tamen non omnia qua illud possunt. Spina, aculei, ramenta lignorum & similia, dolorem inferunt, inflammationem excitant, vicinarum partium humores alliciunt, si in partem aliquam adigantur. Partem aliquam ladi absque dolore non contingit: is transmissa aut imposita vulneri re quapiam intenditur. Fortasse etiam si quiduis aliud in auriculam perforatam imponeretur, idem qui huius stirpis radice immissa, effectus subsequeretur. Nos nihil hic affirmamus; curiosi vt diligentius vires huius explorent viam aperimus.

DIOSCORIDES Buphtalmi, ait, flores cum cerato tritos œdemata & duritias discutere; & dici, si statim ab exitu à balneis bibatur, bonum colorem ad aliquod tempus


pus Ictericis facere . Videntur autem hac ex cap. de Chrysanthemo huc translata ab his qui inter Buphtbalmum & Chrysanthemum differentiam nullam esse existimarunt: Non aliter quam nonnulla ex Asteris Attici facultatibus , Viola nigra apud Plinium accessere : & Dolicho legumini, in Dioscoridis exemplaribus, quadam Smilacis leui: vt suis annotauimus locis. Qua autem propria sint Buphtthalmi vires, nondum compertum habemus.

DE CHRYSANTHEMO.

CAP. LXX.

CHRYSANTHEMO caules sunt ramosi, laeues, folia oblonga , digiti ferè latitudine , dissecta & multifida: flores Anthemidis sed maiores, & non medio tantum umbilico , sed & orbiculato ambitu lutei & auri quodammodo fulgore splendentes , odore non insuauis: radices fibrosae. Reperitur in aruis , in hortis inter olera , & alibi passim : & quibusdam quidem locis, folijs magis confectis, alijs minus. Iunio, Iulio & subinde Augusto floret.

A Germanis Sant Johans blum / & Benz-
blum appellatur: à nostris vulgo Uokelaer / & quandoq;
Beel ganse bloemen. Græci ab aureo florum fulgore
χρυσάνθεμον nuncupant . Est tamen & Chrysanthemum
Anthemidis quadam species , vt supra scripsimus . Batrachion etiam Chrysanthemum dicitur , testis Democritus in Geoponicis . Item & Elichrysum Chrysanthemum est . Sed hac Chrysanthema ab isto præsentis differunt. Nominant verò & istud Chrysanthemum plerique Buphtbalmum & Caltham; quæ eius Buphtthalmi propria nomina sunt, quod capite præcedenti descriptum est . Non desunt quoque qui



Bellidis speciem faciant, & luteam Bellidem dicant. Est autem Bellis alterius generis herba.

CAYLES autem *Chrysanthemi* olerum modo, *Dioscorides* tradit, eduntur. Flores cum cerato triti, steutomata discutere dicuntur. Ipsa herba pota in balneis post exitum de folio, morbo Regio correptis, breui bonum colorem inducit.

DE BELLIDE. CAP. LXXI.

FOLIA *Bellis* è radicibus promit multa, parua, laeuiā, pinguiā, in rotunditate oblonga, lenissimè crenata, per terram plurima parte strata; inter qua flosculi exeunt, singuli suis tenuibus insidentes pediculis, *Chamameli* florum penè forma, sed minores, medio eorū luteo, quod multa exigua orbiculariter cingunt foliola, candida aliquatenus rubentiā, ac in candore veluti purpurascentiā: radices subsunt fibrosa. Nascitur in pratis & similibus perinde palustribus ac humidis compluribus locis. Vernis mensibus floret.

HVIC similis est, & alia species, sed hortensis tantum, & floribus multiplicibus, speciosissimis, tam denso exiguorum foliolorū contextu, ut vix villo, aut nullo, apparente luteo orbiculo, vniuersum & ambitum & medium floris occupet; colore aliās rubentibus, subinde candidis, nonnunquam ex utroque permixto varijs, rarò herbaceis aut virentibus; odoris nullius. Circundant hos quandoque, sed tamen non frequenter, alij parui, sub ipsis, aut ex ipsis florum calycibus exorti quini seniue vel plures flosculi, matricibus suis similes, sed tamen minores. Floret hac *Bellis* Aprilis quoque & Maio mensibus.

GERMANI *Maslieben* & *Masfelsen* nuncupāt: Belgæ, *Madelieuen* *Kerfouwen* *Margrietten*:



Galli, Pasquettes & Marguerites : Plinius Bellidem, eiusq; meminit lib. 26. cap. 5. Bellis, inquit, in pratis nascitur, flore albo aliquatenus rubente. Est & apud Plinium lib. 21. cap. 8. de Bellio locus, quem non adducimus, quòd corruptus sit, & in eo restituendo hactenus frustra docti laborarint. Recentiores Bellidem etiam Consolidam nominant minorem; plerique herbam Margaritam; alij Primulam

Plinij locus corruptus.

mulam veris. Sunt tamen & alia nuncupata Primula veris, Phlomidum species, de quibus alias.

AD Bellidis genus referūt & nonnulli sylvestrem quandam, maiorem nuncupatam Bellidem: caules hac profert tenues cubitum altos aut longiores; folia circa eos oblonga, nonnihil serrata, digiti ferè latitudine: flores in summo cauliculorum per circumferētiā candidos, medio luteos, Chamameli Leucanthemi & Cotula alba similes, nullius odoris; radices fibrosas. Nasctur in pratis & secus margines agrorum locis non apricis.

BELLIDEM, vt diximus, maiorem appellant: Germani, Fuchsis auctore, *Wenzblum*, nonnulli etiam *Consolidam* mediam. Alia tamen & *Consolida* sunt media, vt *Bugula* & *Brinella* dictæ, quarum utraque pro medijs generis *Consolida* habetur.

CÆTERVM Bellidis minoris folia humectandi refrigerandiq; facultate donata sunt; & humectant quidem ordine secundo intenso, refrigerant verò eodem remisso. Dolores omnes, sed præsertim articulares ac podagricos, ex calido siccoq; humore, mitigant; cum butyro recenti & insulso trita, ac locis dolentibus imposita, potissimum additis *Maluæ* folijs. Eadem oleribus addita, faciem aluum faciunt, & in caufonide febri, ac in intestinorum inflammationibus, magna vtilitate enematis admiscuntur.

DE ELICHRYSO. CAP. LXXII.

ELICHRYSON cauliculos promit graciles, virentes, lignosos, in alas quasdam subinde diuisos: folia confecta abrotani similia, aliquantulum candidiora: flores in summo cauliculorum in umbellâ coherentes, luteo auri colore fulgentes, forma florum *Tanacetii* vel medijs orbiculi siue



disci florum *Anthemidis* ; qui prius quàm flaccescant decerpti , speciem suam ac pulchritudinem diutinè seruant. Qua de causa & deorum simulachra eo coronari solere ; & *Ptolomaum Aegypti* regem diligentissimè hoc seruasse, *Plinius* tradit. Exit plerisq; *Italiae* ac *Hispania* locis incultis, in pratis solo gracili, ac circa fluuiorum alueos. In Belgij hortis floret *Augusto*, aut *Septembri* mense: *Theophrastus* tamen & *Plinius* *Eliochryson* inter veris flores numerant.

DIOSCORIDES ἐλῆχρυσον appellat, nonnulli etiam χρυσάνθεμον, alij inter quos *Galenus* est, ἀμάραντον, propter floris diuturnitatem. Alius tamen & *Amarantus* est, purpureus, de quo suprà scriptum. *Plinius* hanc stirpem *Eliochryson* nuncupat : *Theophrastus* similiter ἐλεῖχρυσον, *Gaza Aureliam* vertit.

FACULTATIS, inquit *Galenus*, est incidentis & extenuantis. Prodest coma, *Dioscoride* auctore, è vino pota contra vrinae difficultates, serpentium ictus, coxendicum dolores, & ad rupta; menses etiam prouocat : sanguinis grumos & in ventre, & in vesica cum vino mulso sumpta dissoluit : defluxiones à capite sistit, trium obolorum pondere ex vino albo diluto ieiunis data : vestibus inserta incorruptas eas conseruat. *Theophrastus* *Eliochrysum* ad ambusta etiam torrefactum, & melli permixtum valere tradit.

DE STOECHADE CITRINA, SIVE
CHRYSOCOME. CAP. LXXIII.

AUREI coloris coma *Eliochryso* similis est, à recentioribus *Stœchas citrina* nuncupata. Cauliculos hac edit dorantales, tenues: folia oblonga & angusta: vtriusque incana & lanuginosa: flores in summo cauliculorum, in dissoluta inconditaq; veluti umbella, odoratos, exiguis bullis similes,

Q 5 colore



colore luteo splendentes, qui priusquam plenè maturuerint collecti, colorem & pulchritudinem non marcescentes, diu retinent: radices graciles ac nigras. Nasçitur locis asperis & sabulosis & in conuallibus, frequens iuxta Rhenum, præsertim inter Spiram & Vormaciam. Iunio mense & post Solstitium floret.

GERMANI quòd in regionibus, quæ Rheno vicina sunt, proueniat, Rheinblumen nuncupant: Item & Jungling/Motten blumen/Motten kraut: Belge, Rhyjn bloemen/Motten cruyt: Latine Tinearum: Officina Stœchadem siue Strichadem citrinam: Fuchsius & Tragus Echiochrysum faciunt. Nihil autem, aut omnino parum, cum eo conuenire, ex ijs quæ superiore capite scripta sunt, palam est. Ageraton esse, etiam sunt qui sentiant, propterea quòd flos bullarum instar globosus sit, & non facile aut citò marcescat: ἀγνάτου siquidem flos πομφολυγῶδες, id est, bulla modo tuberosus est, & diutissimè in sua coloris specie conseruatur: sed folium Agerati, Origani folio simile est, tale autem nequaquam Stœchadis citrina, quod diximus oblongum & angustum esse; vnde etiam non esse Dioscoridis Ageraton, euident est. Nobis Stœchas citrina cum Chrysocome, quæ & Chrysitis, similitudinis plurimum habere videtur; brevis siquidem est herba, coma aurei coloris, eaq; diuulsa & corymborum similitudinem referente, radices tenues sunt & nigra; qualem omnino Chrysocomen esse Dioscorides scriptum reliquit. χρυσόκημη, αὐτ, ἐὰδ ἰὼν ἔστι σπιθαμιαίων, ἔχον κόμην κορυμβοειδῆν, ὁμοίαν ὕσσώπῳ· ῥίζαν δ' αἰσείαν, λεπτὴν, ὥς ἀλλεόρου μέλανος, γεύσασθαι δὲ ἄπηνῃ, καὶ πέρω ἴσων· αὐτὰν, id est, Chrysocome herbula est dodrantalis, comam habes corymborum specie similem Hyssopo; radicem hirsutam tenuem, ut veratri nigri, gustu non iniucundam, Cypero similem.

IN qua descriptione occurrit obseruandum, verum & legitimum antiquorum hyssopum, corymborum quandam similitudinem summis cauliculis proferre; atque ea de causa vulgaris vsus hyssopum, nequaquam esse genuinum: utpote quod flores non in corymbis aut corymborum specie ferat, sed secundum cauliculos iuxta singula foliola edat; Thymbræ videlicet modo, cuius haud dubiò species, & maior quidem est.

- 2 STOECHADI autem citrina & aliam similem obseruare contigit herbam, ramulis à radice multis tenuibus, folijs angustis, aliquantulum sed minus multo quàm Stæchadis citrina albicantibus: floribus in umbella luteis, non tamen globosis, sed medio orbiculo florum Chamæmeli similibus, sed minoribus. Quo loco sponte exeat compertum non habemus, in Belgij hortis à nobis visa est. Anonymos quoque & absque nomine est. Eliochrysi speciem angustifoliam nonnulli faciunt.

CAETERVM Stæchadis citrina flores in vino decocti, potu ventris lumbricos expellere feruntur: & cum lixiuio pediculos & lentes delere.

CHRYSOCOMES radicem, Dioscorides ait, exalfacere & adstringere, conuenientemq; esse hepaticis & peripneumonicis: sumi & cum hydromelite decoctam ad vteri purgationes.

DE SANTOLINA. CAP. LXXIIII.

AVREI coloris corymbos Santolina quoque veluti Eliochryson & Stæchas citrina profert, odorata est & coronis non raro admiscetur. Eius aliquot sunt genera.

- 1 PRIMA caudice surgit lignoso, ex quo virgulæ, ramulorum instar, tenues, cubitales complurimæ, folijs circundatæ



cundata parvis oblongis, angustis denticulatis: è summo virgularum, singuli eminent orbiculi, ex brevibus staminibus facti, Tanaceti floribus, & medijs discis florum Chamamelii similes, sed tamen aliquantulum latiores, colore lutei, qui in semina obscuri coloris permutantur: radix lignosa. Est ipse frutex cauliculis & folijs albicans, & suauiter cum grauitate quadam odoratus.

2 HVIC similis est & altera species, folijs tamen longioribus, virentioribus ac minus candidis; flore pallidiore.

3 TERTIA folijs breuissimis, tenuissimis & Erica proximis: floribus luteis, & aliarum similibus.

4 QVARTA folijs est minus denticulatis & cupresso similioribus.

5 QVINTAE cauliculi non eriguntur, sed procumbentes per terram repunt: folia crassiora & lanuginosiora magis canescunt: flores in corymbis aurei, aliarum Santolinarum similes.

IN Belgio omnes peregrinae sunt, neque alibi quàm in hortis reperiuntur. Primum genus familiarissimum; reliqua rariora. Florent Iulio & Augusto. Appellantur haec omnes vno Santolina nomine: Belgae vulgo Cypres nominant. Chamacyparissimum plerique faciunt, sed de Chamacyparisso adeo brevis & succinctus est Plinius, ut ex eo, horum sententia nec reijci, nec probari queat. Officina semen, semen contra vermes, & semen sanctum appellant. Quod nonnulli ignorantes ex qua stirpe colligatur, Santonici semen esse existimant; alij Seriphij siue Absinthij marini. Vtrique autem à vero aberrant, nec etenim alterius quàm Santolina est. Hallucinantur etiam non parum, qui Santolinam Abrotanum feminam esse volunt. Abrotanum siquidem femina, folijs est maris, Seriphij videlicet, sed procerius & fruticis modo arborescens. Santolina humilior est & non Seriphium,

riphii, sed proximius Ericam folio exprimit. Plus similitudinis cum Abrotano femina Eliochryson habet, folio namq; Abrotanum refert, odoreq; ei vicinum est, non tamen Abrotanum, sed sui generis herba.

EST autem Santolina semen, gustu amarum, potentia calidum siccumq; tertio ordine: ventris lumbricos sumptum interimit, & aduersus eosdem efficax est.

PLINIVS Chamacyparissum herbam, ait, ex vino potam, contra venena serpentium omnium, scorpionumq; pollere.

DE MAIORANA, SIVE MARO.

CAP. LXXV.

POST flores, coronariae aliquot describenda sunt herbae: inter quas Maiorana, quae humilis & fruticosa est stirps, candicans & suavis admodum odoris, sesquipalium aut pedem alta; cauliculis siue surculis tenuibus, in plures alas diuisis; circa quos foliola sunt penè rotunda, mollia & incana; & in summo flosculi candidi perpusilli, è spicis Heraclotici Origani similibus exeuntes, exiguis videlicet, oblongis, & squamatim compactilibus: radicibus tenuibus. Reperitur hæc quandoque maior, subinde tenuior ac minor, odoreque præstantior. Hortensis vtraque est. Vtraque æstate quoque floret.

ITALI Persam, & minorem Persam gentilem nominant: Germani, Mayoran & Meyran: Belgæ, Marioleynne: Galli, Mariolaine & Marone: Officina & passim Maioranam. Creditur veterum Sampsychum. Sed Σαμψύχον herba est, Dioscoride auctore, per terram repens; Maiorana verò non repit, sed in rectum & altum assurgit;



assurgit; quod eam non esse Sampsychum, vel solum, manifeste innuit.

SCRIPSIMVS aliàs Maioranam legitimum Ma-
TUM

rum esse; confirmat sententiam nostram Maioranae nomen, quod à Maro videtur deriuatum; sed apertius ipsa Mari descriptio, cum qua exactissimè conuenit. Herba siquidem est fruticosa, flore vt diximus Origani, folijs candidioribus, flore odoratiore. Cuiusmodi Marum esse Dioscorides scriptum reliquit. Μάρων, αἶτ, ἢ ὑπόβριον, πῶς γνωρίμος, φρυγανώδης, ὁμοίᾳ τῷ ἀνθει ὀργάνῳ, τὰ μέντοι φύλλα τούτου λευκότερα πολλῶν, καὶ τὸ ἄνθος εὐωδέστερον: hoc est, Marum siue Isobrion nota est herba, surculosa, flore Origano similis: folia tamen huius candidiora multo, & flos odoratior. Et substitutam pro Sampsycho Maioranam, alienum putari non debet, quando & ipso Galeni tempore Marum Sampsychi loco in Amaricinum vnguentum fuerit immixtum: vt lib. 1. de Antidotis ipse testatur, vbi ait; Marum longè odoratius esse Sampsycho; & ea de causa hoc omisso, Marum fuisse compositionibus additum. Præbuit istud occasionem posteris, vt Marum siue Maioranam, Sampsychi loco habuerint, eiusq; nomine appellauerint.

EXCALFACIT autem Maiorana & resiccat, & in vtraque qualitate secundi est ordinis: auxiliatur cerebri & capitis frigidis morbis quouis modo assumpta: naribus imposita sternutamentum facit & pituitam euocat: dentium dolores lenit commansa aut apposita; vrinas & aquosos humores in potu sumpta ducit, & menses mouet: admiscetur antidotis.

DE SAMPSYCHO, SIVE AMARACO EX
DIOSCORIDE, THEOPHRASTO,
ET ALIIS. CAP. LXXVI.

SAMPSYCHON, Dioscorides inquit, herba est πολύκλωνος, siue multum ramosa, serpens per terram, folia
R habens

habens hirsuta & rotunda, similia Calamintha tenuifolia: multum odorata & calida, quæ in coronis nectitur, Cyzicenum & Cyprium laudatissimum. Secundum locum habet Aegyptium. Appellatur à Cyzicenis & Siculis Αμαράκον siue Amaracum.

THEOPHRASTVS Amaracum in censu σφυγανῶν siue suffruticum satiuorum ac coronariorum lib. 6. enumerat, & præstare ait, seminis copia, quod ἔνσπεμον, id est, boni ac suavis est odoris; nasci semine & auulsione: ex astiuis esse, vnguentisq; misceri.

PLINIO lib. 21. cap. 11. auctore, Amaracum Diocles medicus & Sicala gens appellauere, quod Aegyptus & Syria Sampsychum: seritur utroque genere, & semine & ramo: copiosum Amaraco aquæ ac Abrotano semen.

VERGILIUS Aeneid. 1. Amaracum fruticem florum esse ostendit, sic scribens:

— Vbi mollis Amaracus illum

Floribus, & dulci aspirans complectitur umbra.

Idem testatur Catullus in Epithalamio Iulie & Mallij:

Cinge tempora floribus

Suaue olentis Amaraci.

GALENVS Amaracum & Sampsychum differentes facit stirpes, de utroque locis agit separatus, & suas cuique tribuit vires. Sed Amaracus Galeni Parthenium est: siquidem, uti Dioscorides testis est, Parthenion quidam Amaracon vocant; & in libris de simpl. Medica facult. Galenus nusquam Parthenij meminit.

PORRO Sampsuchum, ut Galenus ait, tenuium est partium & digerentis facultatis; desiccatur & excalfacit tertio ordine. Dioscorides decoctum eius potum tradit, conuenire hydropicis in morbi initio; & vrina difficultate, ac torminibus laborantibus: arida verò folia cum melle appo-
sita,

sita, tollere sugillata; & menses ducere subdita, ad Scorpionum ictus cum sale & aceto imponenda; ad luxata verò cum cerato excepta, & similiter œdematis; ad oculorum verò inflammationes cum tenuissima polenta farina apponenda: misceri acopis & malagmatis calfacientibus.

DE MARO VVLGARI, SIVE CLINOPODIO. CAP. LXXVII.

QVOD à plerisque modo Marum nominatur, frutex parvus est, odoris admodum suavis, sesquipedem aut duos dodrantes altus: surculos habet tenues, ramosos, lignosos, & foliola circa eos exilia, durioris Thymi aut Serpylli vulgaris folijs similia, sed albicantia, candidiora, & aliquantulum maiora, ac in summo veluti lanuginosa capitula, & ambientes similes verticillos; è quibus perpusilli flosculi exeunt albi: radices tenues & lignosas. In Hispania passim una cum Stœcade locis aridis desertisq; gignitur: apud Belgas & alibi, non absque studio, & cura in hortis feritur. Aestate verticilli & capitula lanuginosa, cum floribus emicant.

MULTI hac atate Marum vocant; Marum autem nequaquam est, verum Dioscoridis Clinopodium. Clinopodium autem Dioscorides θάμνιον, id est, exiguum fruticem esse refert, σπυγνώδην, siue surculaceum, duorum dodrantum, in petris nascentem, folia habentem Serpyllo similia; flores verò lecti pedibus, ex interuallis vii Marrubij. Cum qua descriptione hac odorata stirps satis conuenit. Surculacea etenim est, & ad duorum dodrantum altitudinem assurgit; flores ita habet per verticillos digestos, ut quibusdam caulem veluti Marrubij ambientibus, alij in summo instar globosum lecti pedis capitulum emineant: folia Serpylli veri folijs colore similia, nempe candicantia; qualia



Serpylli esse Dioscorides ostendit, quando candidiora, quàm Origani esse ait: sunt eadē tenuia, veluti Serpylli esse Theophrastus testatur. Quæ omnia maximam huius stirpis cum Clinopodio similitudinem ostendunt. Appellatur verò *κλινποδίου*, à quibusdam etiam Cleonicum, Ocymoides, Zopyrron, Latinis lectipes.

VIM autem, vt Galenus, Clinopodium excalfaciendi obtinet, cum essentia subtili, & in tertio est, cum excalfacientium, tum resiccantium ordine. Dioscorides bibi herbam scribit, & decoctum eius aduersus venenatarum bestiarum morsus, conuulsa, rupta, & vrina stillicidia; ducero menses: sætus & acrochordonas ejcere aliquot diebus potum: aluum idem sistere ad tertias decoctum & bibitum; non febricitantibus in vino, febrientibus in aqua.

DE ROSMARINO CORONARIO.

CAP. LXXVIII.

CORONARIUS Rosmarinus frutex est lignosus, caudice subinde tres aut quatuor pedes alto; ramis multis tenuibus: folijs crebris, oblongis, angustis, duriusculis, subtus candicantibus, superius verò saturi viroris, cum grãuitate non ingrata odoratis: floribus paruis ex ceruleo albicantibus, è foliolorum sinubus prodeuntibus: semine exili & nigro: radicibus tenuibus, fibrosis, non altè descendentibus.

IN Gallia, Hispania, & alijs prouincijs locis syluestribus & incultis nascitur; tantus eius in Narbonensi Gallia prouentus, vt haud temere aliud incolæ lignum vrant. In Italia hortorum sepit areas: Belgarum etiam exornat. Floret primo quoque Veris tempore.

Λιβανωτίδα στεφανωτικήν Græci, Latini Rosmarinum coronarium, nominant. Coronarium autem cognomi-

natur, ad differentiam aliarum vmbelliferarum Libanotidum. Libanotidum siquidem species complures sunt, quaedam vmbellifera, vna non vmbellifera, forma ab alijs differens, coronaria, de qua nunc agimus. Germani hanc Rosmarin, & similiter Galli nuncupant.

CALIDVM autem & siccum Coronarium Rosmarinum secundo est ordine, & simul adstringentis facultatis particeps; utpote ex terrestri quadam essentia copiosius admixta, cōpositum. Proinde & omnes uteri diuturnos fluxus sistit, & sanguinis profluua suppressit. Conuenit etiam, & praesertim flores, omnibus capitis ac cerebri ex frigida humiditate causa malis: cerebrum etenim desiccant: sensus & memoriam acuunt: nervosas partes confortant.

SERAPIO Rosmarinum, quo Coronarij vtuntur, calfacere & multum reficcare, testis est; & ex auctoritate Abin Mesuai, conferre, ait, corizae frigida cerebri.

DIOSCORIDES regium morbum sanare tradit, si quis ipsum in aqua coctum, ante exercitationem bibat, deinde exercitatus lauet, & vinum bibat.

DE LAVANDVLA. CAP. LXXIX.

ODORATA & coronaria stirps lauandula est, sed humilis, ramulos siue virgas profert tenues, quadrangulares, geniculatas, cubitales aut longiores: folia circa singula genicula bina, oblonga, carnosae, utraque parte albicantia, Rosmarini coronarij folijs multo longiora latioraq; & in summo spicas oblongas tenues floribus refertas ceruleis: radices lignosas in fibras diuisas. Spirant flores & folia copiosum caputq; implentem odorem.

VNA huius species folijs est maioribus, crassioribus & longio-



longioribus, quæ odoratior: altera minoribus & tenuioribus: inuenitur & flores candidos habens.

VESTIUNTUR in Hispania & Narbonensi Gallia plerique montes & campi deserti Lauandula. In reliqua Gallia, apud Germanos, & alibi in hortis feritur. Iunio ac Iulio flores exeunt.

ITALI maiorem, Nardum Italicam, & Spicam, vulgariq; lingua Spigo nuncupant: minorem, Lauandam & Lauandulam. Germania & Belgium utramq; Lauandulam & Lauendulam vocat: & maiorem quidem Lauandulam marem; minorem feminam: vulgo Lauender. Existimatur esse Casia odorata herba, cuius Vergilius subinde meminit, ut Bucolicôn Ecloga secunda:

Tum Casia atque alijs intexens suauibus herbis
Mollia luteola pingit Vacinia Caltha.

Et similiter Georgicôn quarto, vbi agit de statione & sedibus apibus deligenda, apiarioq; constituendo, his verbis:

Hac circum Casia virides, & olentia latè
Serpilla, & grauitè spirantis copia Thymbra
Floreat.


Est tamen & alia Casia σύγγρηξ siue fistula, quæ passim hoc tempore Cinamomum & Canella appellatur. Plinius Casiam ab Hygino Cneoron appellari refert. Sunt autem Theophrasto ac Plinio auctoribus Cncora duo: vñum candidum, folio carnosio, oblongo, figura quodammodo oleagino simili, odoratum: alterum nigrum, nullius odoris: radix utriusque altè descendens, grandis, ramuli permulti, crassi, lenti: germinant florentq; post Autumni æquinoctium, & multum denique temporis florent. Talis autem nequaquam Lauandula est, quæ nec crassa est radice, nec altè descendente; ramulis non lentis, & non Autumno, sed Æstate flores profert; proinde etiam nec Cncori aliqua species.

EST

EST autem *Lauandula*, potentia ac viribus calida siccaq³, & ordine quidem tertio, tenuium item partium & ex multis aëreis spirituosissq³ partibus constans: frigidis ea de causa capitis morbis quouis modo adhibita confert, & præsertim ijs, qui non ex copioso humore, sed ex sola potissimum qualitate originem ducūt. Proinde & stillatitius eius liquor odoratus, & temporibus ac fronti illitus, Catalepsi, leuiori hemiplexia, & subinde Comitiali morbo, ac non raro syncope laborātes reficit. Sed ubi humorum copia adest, præsertim sanguini permixtorum, non satis tutus huius vsus est: sicuti neque compositionis, quæ ex stillatitio vino in quo huiusmodi herbe, flores, seminaūe, & aromata quadam macerata sunt, conficitur; quam plerique temerè & indifferenter exhibent. Nam calidorum huiusmodi caput implentium vsu, & morbus intenditur, & eger in periculum inducitur: præsertim quando sanguinis missio aut purgatio non præcesserunt. Quod ideo monendum duximus, quia passim plerique medici indocti, & temerarij audacesq³ minimum pharmacopœi, aliæq³ stolidæ mulieres statim similes compositiones, & id genus alia non modo apoplecticis, sed & Catocho cum febris occupatis infundunt, quibus nihil potest peius dari, cum plurimum obsint, & non raro ipsos egrotantes perimant.

DE STOECHADE. CAP. LXXX.

STOECHAS caudice est vti *Lauandula* breui & lignoso, sed tenuiore: ramulis siue virgulis multis ac tenuibus; folijs circumuestitis oblongis, angustis, candicantibus, minoribus quàm *Lauandula*; comantibus in summo capitulis, siue spicis densis, compactis, breuib³ & crass³, è quibus flores purpurei & pusilli exeunt, & quadam eminentia foliola: semen in his subnigrum: radices lignosæ.



HISPANIA, Narbonensis Gallia, & Stœchades insula è regione Massilia, Stœchade herba sue frutice redundant. In Germania ac Belgio è semine sata prima astate facile adolescit; sed hyeme, nisi intra ades aut penuarias cellas transferatur, perit; Hyemis siquidem & frigoris impatiens est.

A Dioscoride *στίχας*, ab alijs, ac à Galeno *στοίχας*, per oī diphthongum syllaba secunda: Latine Stœchas. Florem officina Stœcados nuncupant.

CÆTERVM Stœchadis, Galenus inquit, temperies composita est, ex terrena essentia frigida exigua, unde adstringit; & extenuata altera terrena copiosiore, à qua utique amara est, ob utrorumq; verò conuenientiam, obstructione liberare, extenuare, extergere, roborareq; tum viscera omnia, tum totum corpus est nata. Dioscorides decoctum eius tradit, veluti byssopi, ad pectoris vitia facere, & antidotis utiliter admisceri. Posteriores medici Stœchadem, & præsertim flores eius, aduersus capitis dolores, & omnes eius ex frigidityte ac frigida causa morbos, valde efficaces esse affirmant: miscentur ea propter, omnibus ferè compositionibus, qua aduersus Cephalalgiam diuturniorem, Apoplexiam, Catalepsin, Epilepsin, & similes affectus adhibentur.

DE THYMO. CAP. LXXXI.

THYMI duo apud veteres sunt genera: vnum Cephaloton dictum; alterum durius.

CEPHALOTON multis exilibus ac tenuibus fruticat virgis, folijs exiguis & copiosis circumdati: capitulis in cacuminibus Stœchadis ferè similibus, sed minoribus; è quibus flosculi exeunt purpurei. In Creta insula copiosum nascitur:

tur: unde illi Cretico cognomen datum est. Dioscorides gracili solo & petroso provenire scribit.

- 2 DURIUS Thymum surculosum quoque est, & perpusilla habet foliola; colore quod vulgatissimum est virentia, & suave odorata; candida verò & graueolentiora, quod rarius est: flores verò non in capitulis aut spicis, sed iuxta foliola: radices tenues. Huius generis Thymo, Hispanie & Narbonensis Gallie loca deserta & inculta abundant: In Germania, Belgio, & alibi in hortis studiosè colitur.

GRÆCIS *θύμος* dicitur, Latine *Thymus*, & *Thymum*. Prior κεφαλωτός, id est, capitatus, & *θύσιον*: alter σκληρότερος, id est, durior à Dioscoride, cap. de Epithymo, cognominatur. Plinius Thymi duo genera esse tradit: vnum candidum; alterum nigrius ac nigricans appellat: & candidum præstare ait, ac in collibus nasci; lib. 21. cap. 21: Vtrumq; ad durius genus referendum videtur, nam ut scriptum est, durioris Thymi quoddam folia habet candicantia; aliud verò virentia, quod nigricans dicitur, quia saturo colore & non candicante vireat. Germani ac Belgæ *Thymum* / *Thymus*: Galli, du Thym nominant.

THYMVVM autem, ut Galenus tradit, in excoalfaciendo exiccandoq; in tertio statuendum est ordine, incidit & calfacit vehementer; ob id & vrinam & menses prouocat, fatum euellit, viscera expurgat, educendis ex thorace & pulmone confert. Potum, Dioscorides scribit, cum sale & aceto pituitam per aluum ducit. Decoctum eius cum melle Orthopnoicis & Asthmaticis prodest. Lumbricos ventris, menses, sætus, & secundas pellit: vrinam cit. Mixtum mellis & delinctum, faciles è thorace excreationes facit. Oedemata recentia cum aceto impositum discutit, sanguinis grumos dissolvit: thymos & ἀποχρηστικές siue pensiles verrucas

Verrucas tollit. Ischiadicos cum vino & polenta impositum iuuat. Hebetibus oculis in cibo sumptū prodest. Vtile etiam pro condimento tempore sanitatis.

DE SERPILLO VVLGARI.

CAP. LXXXII.

VVLGARI Serpillo multi sunt exiles cauliculi, duri tamen & lignosi, nonnulli in rectum palmi altitudine surgentes, alij repentes, & alicubi terræ superficiei exiguis fibris annexi: folia exigua, virentia, Thymi similia: capitula in cacuminibus rotunda, è quibus flosculi exeunt, colore rubente purpurei, non raro etiam albi: radices tenuissima ac fibrosæ.

NASCITVR passim locis incultis, iuxta agrorum margines, pingui præsertim & fœcundo solo: subinde etiam locis petrosis: & non modò in Germania aut Belgio, sed & in Italia ac Gallia sponte exit. Matthiolus apud Goritienses Saluatino monte copiosissimè nasci refert. Totæ ferè Aestate floris eius prouentus.

GERMANI, Quendel/kumel/ & kienlin: **BELGÆ**, Quendel/wilden Thymus/ & onser Vrouwen bedstroo: **GALLI**, Pillolet: **OFFICINÆ**, Serpillum; pleraque verò etiam Pulegium montanum nuncupant. Et passim quidem Serpillum veterum existimatur: non tamen tam Serpillis, quàm Saxifrangæ Dioscoridis respondens. Si etenim diligenter, & ad Serpilli vtriusque, & ad Saxifrangæ descriptionem expendatur, exiguum Serpillis, plurimum verò Saxifrangæ simile esse comperietur. Primum etenim Serpillum, præter quod ramulis & folijs Origano simile est, in quantamcunque altitudinem adminiculo fultum, aut vicinis stirpibus innixum crescit, & quandoque ex Ocymo
per



per nimiam siccitatem mutato gignitur : alterum verò non
 serpit, & folio est Ruta, id est, Hyperici aut Cētaurij mino-
 ris (vt alibi ostendimus) longiore. Serpillum verò vulgare
 humile est, frutices non conscendit, ex Ocymo non proue-
 nit, & folijs est, multo quàm Hyperici aut Centaurij mino-
 ris, minoribus & breuioribus; omnino videlicet exiguis, ac
 Thymi, vt diximus, folijs similibus. Ex his Serpillum vulga-
 re, non Serpilli veterum aliquam speciem, sed Saxifrangam
 Dioscoridis esse, palam est. Saxifrangam enim, ait, esse her-
 bam Thymo similem, in petris nascentem. Serpillum autem
 vulgare Thymum folijs & capitulis refert; & non rarò in
 locis petrosis reperitur: propter eam siquidem quam cum
 Thymo

Thymo similitudinem habet, syluestre Thymum & à Belgis, & ab alijs nominatur.

VERBA Dioscoridis de Saxifraga sunt: Σαρξίφαγον, Saxifraga. οἱ δὲ σαρξίφαγον, οἱ δὲ ἔμπετρον: ῥωμαῖοι σαξίφραγμα, δάμνος ἐστὶ φρυγανώδης ἐν πέτραις καὶ τραχέσι τόποις φύόμενος, θυμῷ ἑμφεγής. hoc est, Sarxiphagon, alij Sarxiphangon, alij Empetrum, Romani Saxifraga, frutex est furculaceus in petris & asperis locis nascens, Thymo similis. Exemplaria quedam ἐπιθυμῷ ἑμφεγής legunt, sed emendatiora θυμῷ habent.

Locus
Dioscori-
dis resti-
tutus.

FACULTATE autem Serpillum vulgare calidum & siccum est, tertio penè ordine; tenuium item partium & incidens: menses euocat; vrinam cit: calculos expellit; & in balneis ac fomentis adhibitum, sudorem euocat.

EADEM ferè de Saxifraga Dioscorides memoria prodidit: cocta, ait, in vino febricitantibus opitulatur: stranguria prodest: singultum sedat: calculos vesicae frangit: & vrinam cit.

DE SERPILLO EX DIOSCORIDE,
THEOPHRASTO ET ALIIS.

CAP. LXXXIII.

SERPILLUM Dioscoride auctore, duorum est generum: hortense & syluestre.

HORTENSE coronarium est, & odore Sampsy-
chum refert: folia habet & ramulos Origani similia, multo candidiora; iuxta sepes relictum procerius assurgit.

ALTERUM non serpens sed erectum, ramulos emit-
tit tennes furculosos: folijs refertos Ruta similibus, angustioribus tamen, oblongioribus, durioribusq;: flores gustu
acres,

acres, odore suaues: radix inutilis. Nascitur in petris efficacius, & magis excalfaciens satiuo.

THEOPHRASTVS de historia stirpium, lib. 6. Serpillum tradit ex suffruticibus esse, lignosis ac coronarijs: ac ramis & folijs tota sua natura odoratum, veluti Helenium & Sisymbrium; apud nonnullos etiam Thymum penitus redolere: summa terra adherere; radice multifida torrida^q; peculiarem illi auctiorem germinum; quippe cum in quantumuis longitudinis procedere valeat, nactum adminiculum, aut iuxta sepes aliquas satum: squalorem pati, atque aqua pauca indigum: nasci ex Ocimo per immodicam siccitatem degenerante; lib. de causis quinto, Ocimo videlicet ipso, minoris folij, sed odoris potentioris facto. Vnde colligendum, Serpillum Ocimo esse odorati^{us} & folijs minoribus.

SYLVESTRE Serpillum idem, quoddam esse ait, quod deferentes ex montibus serunt, vt apud Sicyonem fieri solet, atque etiam Athenis ex monte Hymetto: apud alios verò, vt in Thracia, montes & plana omnia Serpillo scater. Syluestre autem istud, à Dioscoridis syluestri aliud est: sola etenim cultura ab hortensi differt: veluti Theophrastus ipse ostendit ex montibus translatum feri referens.

DIOSCORIDI aduersatur Plinius lib. 20. cap. 22. vbi syluestre ait serpere, satiuum verò minimè. Serpillum, inquit, à serpendo putant dictum, quod in syluestri euenit maximè in petris. Satiuum non serpit, sed ad palmi altitudinem increfcit.

MEMINIT Serpilli Aelianus varia historia lib. 9. & ipsum inter flores numerare videtur. Dionysius Iunior, inquit, in Locresium urbem veniens maximas ciuitatis domos occupauit, eas^q Rosis, Serpillis, alijs^q id genus floribus strauit. Vergilius tamen Bucolicòn ecloga secunda, Serpillum

pillum herbam esse manifestissimè testatur his verbis:

Thestylis & rapido fessis messoribus astu

Allia, Serpillumq³, herbas contundit olenteis.

Ex quo loco colligendum sunt qui putent, vulgare Serpillum, verum & legitimum esse, quod videlicet non aliud passim in Italia sponte gignatur: quasi nullibi quàm in agro reperiri, & non in hortis feri potuisset.

SERPILLUM autem Græcis ἐρπυλλος & ἐρπυλλον dicitur. Marcellus vetus auctor, à Gallis antiquitus Gilarum nominatum affirmat, ut verò Plinius Valerianus ab ipsdē Laurio nuncupatur.

EXCALFACIT verò vsque aded Serpillum, ut Galenus dicit, ut & menses & vrinas moueat: gustu mustum est acre. Prodest etiam, vti Dioscorides addit, ad tormina, rupta, conuulsa, iocinoris inflammationes, & ad serpentium morsus, & potum, & impositum; capitis dolores mitigat coctum rosaceo permixtum: cum aceto irrigatum maximè quidem lethargicis, sed & phreneticis conuenit: sedat & sanguinis vomitus quatuor drachmis potus cum aceto succus eius.

DE OCIMO. CAP. LXXXIIII.

SATIVI Ocimi species magnitudine differentes duæ sunt vulgares, ambæ surculosæ, dodrantis aut pedis altitudine attolluntur; ramulis rotundis in plures alas diuisis. Et maior quidem folia habet lata, per margines leniter crenata, Mercurialis herba magnitudine & forma similia: minor verò minora: vtræque splendida, & dilutè viuentia: flosculos exiguos, colore vel candidos, vel obscurius purpurascētes: semen exiguum, nigricans: radices oblongas duras non absque adherentibus fibris: odor vtri-



que similis, nisi quod maioris, species quadam reperiatur, qua Citrium malum odore refert, quod Ocimum citratum appellant.

MATTHIOLVS præter hac duo Ocima, etiam tertium quoddam maximum reperiri, memoriae prodidit, folijs Amaranti maioribus, longis, latis & crassius, Citrea mali folijs similibus.

SERITVR Ocimum in hortis & in siccilibus; celerimè, vt Theophrastus auctor est, prouenit. Quod Soli expositum est, eodem teste, transit in Serpillum; quia vehementius siccatur; folio namque minus, odoreq; vehementius redditur. Ianio ac Iulio Ocimum floret, & particulatim quidem, ac diu, ab imò incipiens.

Οκίμον, & per ω prima syllaba Οκίμον Græci appellant; nonnulli etiam ὄζιμον: Latine Ocimum. Differt ab Ocymo quod ostendimus in Frumentorum historia, pabuli genus esse, & ad differentiam huius per υ secunda syllaba scribitur; tametsi & per υ, odoratum Ocimum quandoque scriptum reperiatur. Recentiores Βασιλικόν, Latine Regium id est, quoque nominant: Officina, Basilicum: Germani, Basilgen. Belgæ, Basilicom: Galli, Basilic: Itali, Basilico, & quod minus est, Basilico gentile: pleriq; Basilicum Gariophyllatum hoc vocant.

OCIMUM autem, auctore Galeno, ex secundo quidem est ordine excalfacientium, sed humiditatem habet recrementitiam adiunctam, ob quam commodum non est vt intra corpus sumatur: sed foris adhibitum ad digerendum concoquendumq; idoneum est.

DIOSCORIDES Ocimum, ait, si multum edatur, visum hebetat; aluum molli, flatu mouet, vrinam cit, lac euocat, sed agre conficitur: impositum verò cum polenta tenui farina, rosaceo & aceto inflammationibus medetur, &

Draconis marini ac Scorpionis plaga; per se & cum vino Chio, oculorum doloribus.

SVCCVS oculorum caligines purgat, & defluxiones exiccat.

SEMEN potum prodest atram bilem colligentibus, suspiriosis, & vrina difficultate laborantibus: facit idem sternutationes frequentes, si per nares attrahatur: idem ipsa herba facit. Claudere autem oculos oportet, sternutatione urgente.

SVNT qui Ocimum vitant, & non edunt; eo quod commansum & in sole positum vermiculos gignat. Aphri adiungunt eos qui à Scorpione icti sunt, & ipsum comedunt, absque dolore permanere.

RECENTIORES, inter quos Simeon Zethy est, Ocimum tradunt olfactu cordi capitisque prodesse: semen cardiacis affectibus succurrere, animi maerorem ab atra bile ortum discutere, & hilaritatem latitantiq; procurare.

DE OCIMO SYLVESTRI VVLGARI, SIVE
ACINO. CAP. LXXXV.

QVOD recentiorum plerique Ocimum sylvestre nuncupant, cauliculos promit complures quadrangulares infirmos, terram versus reclinatos: folia ex interuallis bina contra se posita, parua longiuscula ac latiuscula, aliquantulum hirsuta & aspera, uti & cauliculi: flosculos è foliorum sinubus exeuntes, paruos, orbiculatim cauliculos ambientes, colore è candido nonnihil purpurascens: semen exile: radices fibris coherentes. Odore herba hac multo quàm Ocimum est infirmiore; utpote exili ac obscuro, sed tamen cum grauitate quadam non insuauis ad Calaminthes aut Ocimi accedente. Exit multis Germania ac Italiae locis



locis sua sponte, praesertim incultis & arenosis. Aestate tota floret, & non raro Septembri etiam mense.

OCIMUM sylvestre, ut diximus, appellant plerique recentiorum. Quod autem Ocimum sylvestre Plinio, alijs est Ocimastrum & ὀκίμοειδές. Ocimoides verò multum à praesenti herbula differt. Siliquas siquidem Ocimoides habet, Hyoscyami siliquis similes, semine nigro, quale est Melanthij pragnantes: huius autem semina minima sunt, & vasculum omnino exiguis continentur, nullam cum Hyoscyami cytinis similitudinem habentibus: ita ut hinc herbulam istam, non esse legitimum Ocimum sylvestre siue Ocimastrum euidenter sit. Quam ob causam ab alijs non pro Ocimo sylvestri, sed pro Clinopodio habetur: sed nec horum sententia laudanda videtur. Nam si propter florum secundum cauliculos ambitum, Clinopodium dici meretur, multae aliae eodem nomine nuncupanda erunt: ut, Calaminthes, Oruala, Ormini, Lamij, Dictamni, & Marubij species quaedam, Pulegium, Salvia, Scordium, Melissophyllum, Sideritis, Galeni Alysson, recentiorum Bugula & Cardiaca, similesque aliae, quarum omnium flores orbiculatim cauliculos circundant, nulla tamen Clinopodium dicitur. Nobis haec herba Acino haud dissimilis videtur. Acinon etenim Dioscorides ait, πόναν λεπτόκαρπον siue herbam tenuium sarmentorum, coronariam Ocimo similem sed hirsutiorē & odoratam. Cum qua descriptione praesens nostra satis conuenit.

Acinos.

FACULTATE autem aliquantulum calida est & sicca, non absque adstringendi vi ac potentia.

ACINON verò Dioscorides tradit, menses & aluum sistere potum; impositum verò Phrygethla & erysipelata curare.

DE ORVALA. CAP. LXXXVI.

ORVALÆ species prior (eius etenim tres aut quatuor numerantur) qua proprie Oruala nuncupatur, caules promit crassos quadrangulos, duos pedes longos, in alas divisos: folia & à radicibus multa, & secundum caules ex interuallis bina contra se posita, magna, palmum lata vel ampliora, aliquantulum aspera, inaequalia, albicantiaq³, ac nonnihil vti & caules hirsuta: flores forma florum Salviae aut Lamij, colore ex diluto ceruleo candicantes, post quos oblonga denticulata vascula pro siliquis, in quibus semen nigrum: radices verò fibrosas. Tota herba grauem fortemq³ spirat odorem caput opplentem, & maturato semine interit, quod altero fit à satiatione anno. Seritur ab olitoribus in hortis. Iunio ac Iulio floret.

GALLITRICVM Officina nuncupant. Dicitur & Oruala siue Orualla, Tota bona, Sclarea, Scarlea, Centrum Gallæ, Matrisalvia: à Gallis Oruale: à Germanis Scharlach: à Belgis Scharleye. Falluntur qui Alektorolophon existimant. Alektorolophon in Frumentorū siquidem historia multum ab Oruala differentem ostendimus. Videtur autem hac Oruala species, Horminum sylvestre, quod Dioscorides ait, viribus magis pollere. Inter omnes etenim Oruala ac Hormini species, nulla odore aut viribus hac potentior est.

ALTERA Oruala species, caules habet similiter quadrangulares, sed proceriores, bicubitales videlicet vel altiores: folia quoque aspera, nigriora tamen ac minora: flores similes colore purpureo rubentes: radices vti prioris. Odore hac minus præstat, omnino exiguo prædita: rara est. Floret eodem quo prior tempore. Baccharum esse, sunt qui putent; eorum autem sententia quam sit probanda,



ostendet Baccharis descriptio, quam à subsequenti proximum dabit caput.

TERTIÆ Oruala, caules quoque quadrangulosi & 3 nonnihil hirsuti sunt : folia per ambitus serrata, Oruala prioris similia, sed minora : flores lutei : semen sufflauum nigricans : radix fibrosa, durabilis natura, & multis annis permanens. Apud Belgas à nonnullis in hortis feritur ; in Alpibus autem Italia iuxta Tridentum, sponte gigni feritur. Aestate floret. Horminum luteum & Horminum Tridentinum à plerisque appellatur.

POTEST his, & quarta addi species, quæ pro sylvestri Hormino à Fuchσιο depingitur : canaliculi huic breviores, caterum hirsuti quoque & quadrangulares : folia minora, oblonga, profundius incisa : flores cerulei : siliquæ per maturitatem deorsum nutantes : semen nigricans : radices similiter nigrae & fibrosæ. Fuchsius in Germania passim ait, omnia prata exornare, suæque sponte in ijs nasci. Tempore floreendi cum superioribus convenit. Oruala & Hormini hac quoque species, sed iners, & nullius facultatis esse videtur.

AT prior, quam diximus propriè Orualam dici, calida & sicca est ordine tertio ; menses modo quovis sumpta movet : secundas eicit : ceruisia aut vino permixta ebrietatem facit, caputq; implet.

ANTONIVS Mizaldus semen vtile tradit, ad excutiendam oculorum caliginem, & educenda ea, quæ in illos inciderunt : in oculum siquidem immissum, & multa reuolutione circa bulbum eius circumductum, tandem humore pragnans, & tenuibus membranulis ac sordibus onustum elabitur.

HORMINVM Oruala etiam quadam species est, sed reliquis minor: caules promit complures dodrantem aut pedem altos, angulosos similiter, subhirsutos: folia lata, rotundiuscula, subaspera, Oruala multo minora, Marrubij ferè similia, quorum quatuor aut sex superiora, purpureo nigra Viola colore, sed tamen dilutiore emicant: flores iuxta folia cauliculos ambientes, colore purpureo diluto albicantes: semen exiguum oblongum nigricans, in oblongis receptaculis, veluti siliquis, quæ maturato semine radicem versus spectant: radicem longam, tenuem, non absq; fibris. Peregrinum Belgio Horminum est, & aliunde in hortos illatum. Aestiuus mensibus florum eius productio: semen interea maturatur.

Ορμινον Græci: Latini Horminum & Geminalem appellant.

CALIDVM autem, ut inquit Paulus Aegineta, Horminum est, mediocriter siccum & abstergens. Hormini semen, Dioscorides ait, putatur cum vino potum Venerem excitare. verum cum melle, argema & albugines oculorum depurgat: cum aqua impositum œdemata discutit & aculeos extrahit. Idem herba imposita facit. Galenus in libris de Alimentorum facultatibus, de Hormino: Hoc quoque, ait, frixo vtuntur, deinde eatenus lauigant, ut farina euadat; mel quoque ei admiscet. Parum in seipso habet alimenti, ut quod media inter Erysimum & Cuminum sit natura.



DE BACCHARE, EX DIOSCORIDE ET
ALIIS. CAP. LXXXVIII.

BACCHARIS auctore Dioscoride, odorata & coronaria est herba, cuius folia τραχέα; id est, aspera, alias δασέα, hoc est, densa sunt, magnitudine inter Violam & Verbascum media: caulis angulosus, cubitalis, subasper, παραφράδας, id est, iuxta adnatas propagines habens: flores purpurei, subalbicantes, odorati: radices Veratri nigri similes, odore Cinamomi. Amat aspera & squalida loca. Gracili solo nec humido prouenit: Plinius.

Βάκχαρις Gracè dicitur, aut πάνχαρις quasi πάνχαρις, ut plerisque placet: à quibusdam Nardum rusticum appellatur, ut Plinius lib. 21. cap. 6. testatur. Quin & ipse Plinius lib. 12. cap. 12. Nardum rusticum appellat. Sed lib. 21. cap. 19. perperam ita dici refert; statim videlicet, ut quosdam errore falso Barbaricam eam appellare scripsit: Sed eorum quoque error, inquit, corrigendus est, qui Bacchar rusticum Nardum appellauere. Est enim alia herba sic cognominata, quam Graci Asaron vocant. Idem eodem lib. cap. 21. Baccharim quosdam Perpensam appellare ait. Perpensa autem si Asarum est, veluti inter nothas & ascriptitias voces reperitur, non minus horum error, quam priorum refellendus. Nam Baccharis & Asarum non parum differunt, uti Plinius testis est, & ex utriusque descriptionibus collatis euident. Proinde & perperam Officina Asarum, Asaram baccaram nuncupant, nomine ex Asaro & Bacchari composito; quasi idem sit Asarum & Baccharis. Qui error ex eo videtur manasse, quod inter nothas Asari appellationes, Baccharis vox etiam reperiatur: aut quod Baccharim Crateuas Asarum nuncupauerit. Quod siquidem Crateuas Asarum nominat, Dioscoridi nequaquam

quam Asarum, sed Baccharis est. Nam Asarum Dioscoridis caule caret: odoratum non est, nisi solis radicibus: nec etiam coronarium, si uti Plinius ait, vocitatum sit Asarum, quoniam in coronas non addatur. Asarum autem Crateus caules facit, & odoratum ac coronarium est. Patet ex ipsa descriptione, quæ sic habet.

ASARVM odorata & coronaria est herba: caules Asarum
eius geniculati: folia densa, id est, densa: flores purpurei: Crateus.
radix boni odoris, similis Veratri nigri, odore Cinamomo similis. Nascitur in asperis & squalidis.

Ex quibus verbis manifestissimum est, Asarum Crateus idem cum Dioscoridis Bacchari, & ab Asaro eiusdem esse differens: & male inter nothas voces Asaro Baccharis nomen attributum: peius verò adiectum Asarum coronariam & odoratam esse herbam; quod inter notha, etiam ascriptum reperitur.

MEMINIT Baccharis etiam Vergilius in Bucolicis ecloga septima, & non modò coronariam eam esse stirpem ostendit, verumetiam fascini depulsoriam:

—Bacchare, inquit, frontem

Cingite, ne vati noceat mala lingua futuro.

EST & Baccharis vnguentum apud Athenæum lib. 15. quod à Bacchari odorata herba nomen habere potest. Nam, uti Plinius, vnguenta ex ea radice fieri solita, apud antiquos Aristophanes prisca Comœdia Poëta testis est.

CÆTERVM Baccharis, ut Paulus Aegineta paucis complexus est, radicis decoctum meatus obstructos aperit, urinam & menses citat. Folia ipsius cum sint adstringentia, fluxionibus opitulantur.

BALSAMITA coronaria herba non est, sed foliorum eius cum grauitate quadam gratus est odor. Eius duo sunt genera, folijs multum differentia: Maior videlicet & minor.

- 1 MAIOR caulibus assurgit rotundis, duris, sesquipedalibus: folia eius oblonga, lata, leniter per oras crenata, Lapathi folijs ferè similia, minora tamen & viroris magis albicantis: coma aurei coloris ex multis flosculis veluti corymbis, Tanacetis ac Elichrysi modo in vmbella coherentibus; quorum singuli ex multis exiguis staminibus luteis simul factis, compositi sunt; radices lignosae, durabilis natura, non absque multis adherentibus fibris. Apud Belgas hortensis est, passimq; etiam ab olitoribus colitur. Aestiuis mensibus aurei coloris vmbellas promit.

GERMANI, Frauenkraut: Belgae, Balseme: & earum officinae Balsamitam, ac Balsamitam maiorem nuncupant. Est tamen & alia Balsamina, quae & Charantia ac Momordica; item Balsaminum genere neutro, herba ab hac Balsamita differetes ac dissimiles. Matthiolus Mentham Gracani nominat: alij Saluiam Romanam; item herbam Lassulatam, Costum hortensem, Mentham Saracenicam, herbam D. Mariae. Sunt qui volunt Panaces Chironium esse. Plinius etenim, & vulgaria Theophrasti exemplaria Chironium Panaces folio esse referunt Lapathi, floreq; aureo; cuiusmodi hac herba est. Sed Dioscorides, & Nicandri interpretes testem citans Theophrastum, folio illud aiunt esse Amaraci: cuius folium Balsamita nequaquam simile est.

- 2 MINOR Balsamita colore, odore, sapore & flore in vmbellis aureo, maiorem refert: cauliculos promit numerosos, tenues, rotundos: folia parua oblonga, serrata, ac profunde incisa;





incisa; comam aurei coloris, sed corymbos minores: radices uti prioris. Rarior hac est, nec alibi quam apud cognitionis herbarum studiosos reperitur. Floret eodem, quo precedens tempore. Balsamita haud dubio species minor est.

ITALI Giulam vocant: Valerius Cordus Mentham Corymbiferam minorem appellat: priorem verò Mentham, Corymbiferam maiorem. Plerique Eupatorium Mesues: alij Dioscoridis Ageraton esse volunt. Eupatorium autem Mesues idem cum Auicennæ Eupatorio est: vires etenim utrobique eadem: sed forma descriptio in utroque auctore corruptissima: ut satis ostendunt Auicennæ exemplaria, cuius posteriora ex Bellunensis correctione, à prioribus hoc loco multum differunt. Eupatorium autem Auicennæ à Dioscoridis Eupatorio nequaquam differt; quod vulgo Agrimonia nominant herba ea notissima est, cum qua Balsamita minor, siue Giula similitudinis nihil aut perexiguum habet. Ageraton verò hanc herbam esse, non est quoque verisimile. Nam Agerato folia Dioscorides tribuit Origani: at Origani folium subrotundum est: huius verò longum & serratum, ab Origani forma multum differens; quod Giulam & Ageraton dissimiles esse stirpes ostendit.

CÆTERVM Balsamita utraque calida & sicca est secundo ordine, cum amaritudine & adstringendi haud obscura facultate. Auxiliatur foliorum eius quam Conseruam appellant, diuturnis capitis doloribus in matutino tempore sumpta: defluxiones è capite reprimat ac resiccat: crudos humores ad concoctionem perducit. Prodest item Cacexia aut Leucophlegmatia laborantibus, praesertim in initio; ac omnibus quibus iecur debile ac refrigeratum est. Semen non secus ac Santolina lumbricos & ventris tineas expellit.

REMB. DODONÆI

AD LECTOREM

EPILOGVS.



VANDO eam stirpiū quam concepimus historiam non elementorum serie, sed alia methodo, per genera videlicet digerere, propositum esset, amice Lector, omni studio ac diligentia anniū sumus, stirpes ipsas in generalissima quædam genera distribuere, ac per communissimas differentias diuidere: diuisas in libros aliquot disponere; singulis libris non modò vnus generis, sed consimilium generum complures, suo tamen quæque ordine congerentes. In vno siquidem, flores herbasque coronarias, odoratas, tum & vmbelliferas coniungere curæ fuit: in alio radices, καθαρκτικὰς siue purgandi vi præditas, omnes excedentem qualitatem habentes, cuiusmodi sunt deleteriæ & somnificæ, ac alias nonnullas. In frugum historia, præter frumenta, leguminaque, frugum vitia, palustres & aquatiles complexi sumus. Proximus locus oleraceis relictus est: posterior arboribus ac fruticibus. Concessa etiam pars est, inconditæ multitudini, quæ ad prima illa, commodè referri non potuit genera.

Sic autem digestam historiam, & iam olim vernaculo Brabantorum sermone, nec non Gallico idio-

co idiomate editam, dudum in animo fuit Latine conscriptam dare, sed dum impendentia negotia conatus nostros remorantur, nec integram mox absolueri conceditur, proximum fuit per otium particulatim ipsam exhibere; ut in præfatione, frumentorum, leguminum, &c. historię latius scripsimus.

ITAQUE & nunc non opus totum, sed denuò partem eius, florum videlicet, & coronariarum, odoratarumque nonnullarum herbarum, historiam legendam communicamus. In qua flores quidem omnes, in coronas ac festa receptos, tum & reliquos, qui propter eam, qua placent gratiam in hortis feruntur colunturque, contraximus: per paucis admodum exceptis.

FLORES autem nomino eas stirpes, quæ propter flores commendatæ ac gratæ sunt: veluti radices Theophrastus appellat, quarum præcipuè in radicibus vires sunt; herbas verò, in folijs eas habentes.

OMISSI autem & præteriti illi modo flores sunt, qui ad alia stirpium genera spectare videbantur: ut quam nostri Rosam Menapiam, siue Geldrensem nuncupant, Rhododendron, Rôsa fera siue Hyemalis dicta, & tales pleraque, quæ ad consimiles, quarum species sunt, aptius referuntur.

ROSA etenim Menapia Sambuci aquatici siue palustris species est, floribus multiplicibus, & in globum mali magni magnitudine coactis, ab

alia vulgari flores in umbellis faciente solum differens. Appellat hunc fruticem Valerius Cordus *Lycostaphylum*, & utramque speciem eleganter describit: feminam nuncupat, cui flores in umbellis; marem multiplicibus flosculis, qui sterilis est.

RHODODENDRUM frutex similiter est, quem inter flores numeratum nusquam observare contigit.

ROS A hyemalis aut potius Autumnalis, Malvæ sativa species est, quæ ad oleracea genera pertinet.

ANEMONES simili de causa prætermissæ; ex Anemone. acrium etenim herbarum genere sunt, Ranunculis haud multum absimiles. Vnius tamen hîc iconem addidimus, sativæ nempe siue hortensis à Dioscoride nuncupatæ. Depingit Matthiolus tres aut quatuor sativas, radicibus olivis stantibus similes; folijs multis, multifidis. Sed hæc nostra folia habet perpauca, Coriandri & Ranunculi cuiusdam palustris similia: flores verò pulchro quasi diluto rubore purpureos, aspectu gratissimos: radicem vnius anni, olivæ supinæ ac iacenti similem, non nihil geniculatam; vetustiore verò, omnino nodosam, ex multis veluti olivis supinis congestam. Nascitur hæc in Germania nonnullis circa Rhenum locis. Floret non primo Vere, sed serius. Sylvestrem eius speciem Theophrastus *λειμώνιον*, id est, palustrem nominat. Floret hæc statim primo Vere. Fuchsius eam olim pro Ranunculi specie depinxit. Sunt qui Ranunculum phragmitem vocant.



vocitent . Flores eius aut lutei , aut candidi , aut purpurci .

H V I V S autem historię editionem dum paramus , duarum ecce rarissimarum stirpium , & ad hanc operis partem pertinentium , ad nos icones dantur , Chrysanthemum videlicet Perunianum , & Asphodeli palustris . Chrysanthemum Perunianum nobis communicavit integerrima ac honestissima domina Christina Bertolfia , à charissimo coniuge suo , clarissimo ac amplissimo viro D. Ioachimo Hoppero Regis consiliario ex Hispania sibi missam . Asphodeli autem palustris , misit multis modis ornatissimus ac nobilissimus D. Carolus à S. Audomaro , dominus de Dranoutre , vir non modò stirpium , verùm & historię animalium omnium studiosissimus , idemque peritissimus . Vtramque autem huic libro , coronidis vice addendam putauimus . Nequaquam enim tam celebris & admirandę magnitudinis floris imago ; aut tam peregrini Asphodeli , prætermittenda videbatur .

E A D E M verò occasione & aliarum quarundam rarissimarum icones adiunximus prius non editas ; utpote Cirsij , Campanę Lazurę à recentioribus appellatę , Panici Indici , & cuiusdam speciei Panacis ; quas stirpes , licet ad hanc florum historiam non pertineant , in notitiam tamen adduci incommodè accidere non potest . Stirpium siquidem cognitionem augeri non modò pulchrum iucundumque , verùm utile ac honestum .



Chrysan-
themum
Perunianū.

EST autem Chrysanthemum Perunianum annua quidem, sed admodum procera stirps : flos pulcher & insolitæ magnitudinis . In Peru, alijsque quibusdam Americæ prouincijs repertum fertur . Satum Madritij apud Hispanos in horto Regio, ad pedes vsque 24. adoleuit : caulem promit rectum, brachij crassitudine : folia latissima : florem Chrysanthemum aliquatenus forma similem, sed amplissimum . Medius siquidem eius discus siue orbis pedem latitudine ad duas aut tres vncias excessit, singula verò ipsum orbiculariter ambientia folia, floris Lilij purpurei maioris quodammodo similia, sed maiora, auri luteo colore. Solem Indianum, quòd Solis modo radiatus videatur, appellant. Visa hæc nobis stirps est in horto amœnissimo, ac variarum plantarum generibus refertissimo magnifici ac generosissimi D. Ioannis Brancionis, viri stirpium varietatis studiosissimi, cuius liberalitate ac beneuolentia, non pauci flores huic historiæ accesserunt, qui aliàs non fuissent additi; vtpote quos temerè alibi, quàm in eius hortis, quærere fuisset. In huius dico horto, Chrysanthemum Peruniani stirps visa est, sed ad 10. aut 11. tantum pedes adoleuit : folia aliquantulum aspera, eius quod in Hispanijs natum fuit multò minora : floris non nisi rudimentum apparuit, idque hyeme imminente; qua de causa ad perfectionem peruenire non potuit. Eadem verò stirps Patavij in Italia multò quàm in Hispania procerior facta fuit; ad pedes etenim XL. siue palmos Geometricos CXX. adoleuit; & florem quidem perfecit, sed semen ad maturitatem non perduxit, vt ab

excel-

excellentissimo viro Iacobo Antonio Cortuso Patritio Patauino in simplicium palæstra exercitatissimo ac doctissimo accepimus; in cuius amœnissimo viridario enata fuit; qui etiam facultates huius cognoscere maximè curæ habuit. Nam pediculos foliorum teneros adhuc, pilisquæ derasis, in craticula decoctos, sale oleoque prius præparatos, esui suaues, & per quàm gratos esse, euidenti experimento cognouit; & similiter ipsos quibus floris foliola semenque insident calyces: quos & ipsius Cinaræ conis siue capitibus delicates suauioresque in cibo esse scribit, & non minùs, verùm amplius, πρὸς τὰ ἀρροδίσια, ad quæ plurimum possunt, facere. Qua in re industria ac diligentia eius commendari ac laudari satis non potest, dignus certè est, quem omnes docti, ac simplicis Medicinæ studiosi venerentur ac colant: cum propter diligentiam & industriam, quibus in simplicium rarorum & peregrinorum facultatibus perquirendis utitur: tum vel maximè, quòd conatus multorum, qui circa hanc Medicinæ partem laborant, ingenuè etiam adiuuare conetur, & quàm plurimum non rarò adiuuet, eorumque studia multum promoueat. Veluti ex ipsius P. A. Matthioli commentarijs omnibus notissimum est, qui ipsius Cortusi opera maximum incrementum & haud exiguum splendorem sumpserunt: vti pluribus locis Matthiolus ipse candidè testatum reliquit. Potuissent & idem quoque historiæ nostræ testari, si absolute & ad finem perducere eas licuisset. Non pauca siquidem ab eo & rarissima & valde peregrina accepimus, quæ reliquis partibus, quibus

seruantur , non exiguum auctuarium conferent ; si aliquando eas absoluerè ocium fuerit . Sed ad Chrysanthemum Perunianum excurrèns redeat sermo . Existimari autem posset hic flos Plinij esse Bellio , si credibile foret , illa ætate Romæ vel visum , vel villo modo agnitum ; per ambitum siquidem luteus est , & plus quàm quinquaginta folijs , medius eius orbis cingitur . Talem etenim Plinius Bellionem esse , videtur innuere , lib. 21. cap. 8. Lutens, inquit, Bellio patulicantibus quinquagenis quinis barbulis coronatur . Sed verisimilius Bellionem omnino alium & minorem fore , & fortassè eundem cum Bellide ; vt non pauci eruditi suspicantur ; qui hunc Plinij locum corruptum iudicant.

Asphodelus palustris.

ASPHODELVS palustris folia promit pulchrè virentia , aliquantulum striata , Iridis aut Gladioli similia , sed angusta & dodrante breuiora : caulem rectum pedalem, Asphodeli satis similem : flores è senis foliolis , exiguis staminibus in medio , veluti Asphodeli ; minores tamen , colore è luteo pallentes : semen perexiguum in oblongis acuminatis vasculis : radix longa , geniculata ; non absque fibris , serpit Graminis modo . Reperitur huiusmodi Asphodelus locis humidis ac palustribus in Ericetis , haud procul à Brugis Flandriæ . Æstiuis mensibus floret . Anonymos vulgo est . Asphodeli esse speciem caulis cum floribus Antherico similis ostendit ; tametsi folia Gladioli sint , aut Iridis.

CIR-



Cirsion.

CIRSION ex Carduorum generibus est : folia habet oblonga, Lactuæ folijs quasi similia : verum acuminata, Buglossi vulgaris candidiora, per extrema aculeata & aliquantulum crenata : caules rectos duorum cubitorum in plures diuisos, in quorum singulis capitulum eminet hispidum, quod posteaquàm flos emarcuit, deorsum reflectitur, & tandem in lanugines resoluitur : flos ex multis staminibus, pulcher, colore purpureo rubet : semen oblongum, splendens, aliorum carduorum simile, sed quàm multorum minus : radix oblonga, in duas aut tres diuisa. Belgio peregrinum est, & aliundè in hortos illatum. Fertur alicubi in maritimis locis exire. Floret æstiuo tempore, altero à quo satum est anno. Matthiolus Cirsion etiam quoddam depingit, folijs ab isto haud multum differens, sed floribus in exiguis capitulis multis simul congestis ; aliter omnino quàm istius, cuius flores, vt diximus, singulares sunt, & è maioribus capitulis exeunt.

Campana
Lazura.

CAMPANA Lazura Conuoluuli species est, Belgio & alijs multis prouincijs peregrina. Folia eius lata, angulosa, vetustis & angulosis hederæ folijs maiora, non læuia, verum aliquantulum hirsuta : cauliculi teneri, qui appositis iuxta pedamentis ac perticis in altum scandentes se circumuoluunt : flores calathi figura, Smilacis læuis ferè similia, sed per oras angulosi, colore in cæruleo purpurei. Plerique Campanam cæruleam ea de causa nominant. Videtur Ligustri non fruticis, sed alterius, cuius veterum nonnulli meminere, species.





cies. Huius etenim Ligustri duæ sunt : vna flore candido , altera nigro.

ALBI Ligustri meminit Vergilius ecloga secunda, hoc carmine:

Alba Ligustra cadunt, Vaccinia nigra leguntur.

Item & Martialis Epigrammatôn lib. primo , scribens in Procillum:

Quadam me cupit inuide Procille

Toro candidior puella Cygno,

Argento, niue, Lilio, Ligustro.

Nigri verò mentionem fecit Columella lib. 10. in hortis.

Fer calathis Violam, & nigro permista Ligustro

Balsama cum Casia nectens.

NIGRVM autem istud Ligustrum , Campana putatur esse Lazura siue cærulea . Nam è cæruleo purpureus color , etiam niger subinde nuncupatur : veluti Violæ nigræ ; Ligustrum autem album huius generis Smilacis lævis flos est ; qui vilis nulloque colligente petit , quam ob causam cum cadere Virgilius scribit.

NON minus , immo magis peregrinum Panicum Indicum nuncupatum est , culmos id promit Panicum Indicum. crassos 8. aut 9. pedes altos , crebrò genicularos : folia è singulis nodis arundinacea , magna , lata , spicas siue verius paniculas crassas , densè compactas , breuiores quidem quàm legitimi Panici, sed tamen crassiores ; quæ non è summo tantùm , sed ex sinubus foliorum , breuioribus ac tenuioribus veluti culmis insidentes exeunt : semen oblongum capillaceis glumis implicatur : radices vt similium fibrosæ



fibrosę ac firmę. Sub finem ætatis, etiam si feruens calidaque fuerit, maturitatem semen in Belgio vix consequitur : in calidioribus regionibus melius proficit . Panici speciem esse ipsa densę compacta panicula ostendit.

PANACIS species folia edit nonnihil hirsuta ^{Panacis} asperaque, & terrę proxima, ampla & multiplicia, ^{species.} inque plura alia diuisa; circa caules verò contractiora & pauciora; quorum singularia, ex quibus totius folij compositio, oblonga sunt, lapathi folijs quadantenus similia, sed tamen minora : caulem trium aut quatuor cubitorum in ramulares adnascencias superius diuisum : flores in vmbellis suprà eminentibus, luteos : semen inde latum, subflauum : radix longa est & candida, quibusdam locis veluti genicula habens. Floruit in Belgij hortis Iulio & Augusto . Panacis esse speciem constare videtur : semen etenim ex quo primum hic enata in Panacis lachryma (Opoponax nuncupatur) repertum fuisse à fidissimo ac diligentissimo pharmacopœo Antuerpiensi Petro Coldenbergo accepimus.

PANACES autem, auctore Theophrasto lib. 9. multiplex est. Quoddam in Syria nascitur : deinde & alia tria sunt, Chironium, Heraclium, & Asclepion, quę à Dioscoride solum describuntur. Præter hæc & vnum est πλατύφυλλον siue latifolium; & alterum λεπτόφυλλον tenuifolium; ita vt in vniuersum sex à Theophrasto Panacis species referantur. Cum primo autem istorum vel cum Chironio conuenire præsens posse videtur, cum reli-

V

quis



quis verò minimè . Heraclium siquidem folio est amplo, magno, ad ficulnea accedente : Asclepium verò Thapsiæ, aut vt Dioscorides ait, fœniculo simili . Istud verò nec huius, nec illius, sed omnino alterius formæ, neque ad ficus, neque ad Thapsiæ, aut fœniculi accedente. Rursus Panaces latifolium Centaurium magnum; tenuifolium verò Centaurium minus non temere esse putatur . Teste siquidem Plinio, Panaces à Chirone repertum, Centaurium cognominatur . Et Theophrastus Centaurij maioris aut minoris non meminit . Ex his apparet, nullum istorum quatuor, hanc Panacis speciem esse . Quòdnam verò ex reliquis duobus sit, certò etiam affirmari non potest; cum propter auctorum breuitatem; tum eorundem varietatem. Syriacum quale sit, Theophrastus non describit: Plinius illud esse ait lib. 12. cap. 26. folijs ampla Plinij error magnitudine rotundis: sed suspicio est, hæc ex Heraclij descriptione desumpta fore . Lib. etenim 25. cap. 4. Heracleoticum Origanum pro eo perperam supposuit . Chironium Theophrasti exemplaria & Plinij, folio tradunt Lapathi; Dioscoridis verò & Nicandri interpretis Amaraci. Expende Lector, & quæ magis lectio probanda veniat, cogita. Si Chironium folio est Lapathi, poterit istud Chironium esse: singularia eius siquidem folia, Lapathi similia esse scripsimus: si verò Amaraci, haud erit; sed Syriacum esse consequetur, quod verisimillimum videtur. Effundit etenim lachrymam, si caulis eius æstiuis mensibus, Sole feruente vulneretur: quod Syriacum facere Plinius apertè scribit, Theophrastus innuit; quam Chironium reddere nusquam

scriptum reperitur. Est autem lachryma hæc Oponaci colore similis, sed nullius aut exigui apud nos odoris, quod propter soli frigiditatem accidit. In calidis siquidem regionibus omnia odoratio-
ra; in frigidis verò minus odorata gignuntur, vt Theophrastus testis. Et de his hæc.

A. T. in florum historia, quid à nobis præstitum sit, qui æquum adhibiturus est iudicium, facile æstimabit. Nos vt in aliorum scriptis, sicubi veritati minus nitantur, eleuandis, nullis aut exiguis verbis vtimur; ita in nostrarum lucubrationum commendatione non putamus inhærendum. Bene vale, Pridie Cal. Nouemb. Anno 1567.

F I N I S.

Hic liber nihil habet Romane Ecclesie fidei contrarium, aut Reipub. offensiuum.

Quod attestor Sebastianus Baer, Delphius, insignis Colleg. Eccles. S. Mariae Antuerpiens. Plebanus.

HVIVS LIBRI

INDEX.

A

A Cinos.

178

Acoros.

155

Acroscorodon.

171

Adonidis flos.

236

Aegilops.

171

Ageraton.

289

Aglaophotis.

114

Alabastri.

99

Albucus.

137

Alisma.

76.& 220

Allium caninum.

173

Alopecuros.

34

Amarantum.

249

Amarantus purpureus.

89

Amaracus.

257

Anemone.

137.& 292

Anthemis.

227

Anthera.

99

Anthericos.

137

Antirrhinum.

82

Antirrhinum sylvestre.

84

Aphricanus flos.

60

Aquileia.

80

Aquilina.

ibidem

Armerij flores.

66

Afarum Crateux.

285

Asperugo.

132

Asphodelus.

135

Asphodelus bulbosus.

140

Asphodelus luteus.

138

Asphodelus palustris.

298

Astragilitis iris.

150

Aurclia.

249

B

Baaras.

116

Baccaris.

179.& 284

Balsamita.

286

Baptifecula.

51

Barba hirci.

212

Barbarica.

66

Basilicum.

175

Basilicum satyrium.

216

Bellis.

245

Bellio.

298

Betonica coronaria.

66

Bifolium.

220

Bolbocastanon.

229

Bolbonac.

25

Bucinum.

56

Bulbine.

171.& 173

Bulbus esculentus.

169

Bulbus leucantherus.

176

Bulbus sylvestris.

179

Bulbus vomitorius.

187

Buphthalmum.

230.& 237

Buzeiden.

219

C

Calathiana Viola.

34

Calendula.

57

Callionymos.

132

Caltha.

57.& 241

Caltha Alpina.

59

Camomilla.

217

Campana lazura.

300

Campanula.

36

Canina sentis.

100

V

3

Canis

INDEX.

Canis cerebrum	<u>82</u>	Cotula alba	<u>229</u>
Cantabrica	<u>66</u>	Cotula foetida	<u>228</u>
Casia	<u>264</u>	Cotula lutea	<u>231</u>
Caryophyllei flores	<u>64. & 66</u>	Crocus	<u>164</u>
Caryophyllus Indicus	60	Cuminum sylvestre alterum	
Centrum Galli	<u>279</u>	<u>56</u>	
Cepa agraria	<u>180</u>	Cyanus flos	<u>49</u>
Ceruicaria	<u>31</u>	Cyanus maior	<u>51</u>
Chamæcyparissus	<u>254</u>	Cyx	<u>171</u>
Chamæiris	<u>149</u>	Cynosorchis	<u>201. & 214</u>
Chamæmelū odoratum	<u>232</u>	Cynobatos	<u>101</u>
Chamæmelū Romanum	<u>234</u>	Cynospastos	<u>114</u>
Chamæmelum sylvestre	<u>228</u>	Cynorhodon	<u>123</u>
Chamæmelum vulgare	<u>225</u>	Cypirus Plinij	<u>157</u>
Chironium panaces	<u>186</u>	D	
Chrysanthemum	<u>231. & 243</u>	Damasonium	<u>76</u>
Chrysanthemum odoratum	<u>232</u>	Damasonium nothum	<u>77</u>
	<u>109</u>	& <u>79</u>	
Chrysanthemum Perunia-		Delphinium	<u>55</u>
num	<u>294</u>	Desiderium	<u>74</u>
Chrysis	<u>251</u>	Dichomenion	<u>114</u>
Chrysocome	<u>251. & 249</u>	Digitalis	<u>40</u>
Cirrhion	<u>300</u>	Digit. citrini	<u>219</u>
Cistus	<u>105</u>	Dulcisida	<u>114</u>
Clauellata herba	<u>18</u>	E	
Cleonicon	<u>261</u>	Elichryson	<u>247</u>
Clinopodium	<u>259</u>	Empetron	<u>271</u>
Cneorum	<u>264</u>	Entaticos	<u>214</u>
Color ferrugineus	<u>125</u>	Equitis calcar	<u>53</u>
Color filis Attici	<u>15</u>	Eranthemum	<u>235</u>
Comosandalus	<u>122</u>	Eupatorium Mesuæ	<u>286</u>
Concilium	<u>39</u>	F	
Consiligo	<u>239</u>	Ferrugineus color	<u>125</u>
Consolida media	<u>247</u>	Flores Armerij	<u>68</u>
Consolida minor	<u>246</u>	Flos Adonidis	<u>236</u>
Constantinopolitanus flos	<u>72</u>	Flos Aphricanus	<u>60</u>
Cornicis flos	ibid.	Flos caryophylleus	<u>64</u>
Corymbe	<u>45</u>	Flos Constantinopolitanus	
Costus hortensis	<u>286</u>	<u>72</u>	

Flos

INDEX.

Flos Cornicis	72	Inrybum agreste	47
Flos Cyanus	49.& 51	Iouis flos	44
Flos frumentorum	51	Iris	142
Flos Hierosolymorum	74	Iris Astragalites	150
Flos Iouis	44	Iris bulbosa	163
Flos micancalus	49	Iris Illyrica	142
Flos petilius	62	Iris lutea	153
Flos Pothus	74	Iris sylvestris	152.& 153
Flos regius	53	Iris sylvestris lutea	155
Flos solis	109	Iris tenuifolia	148
		Iunonis Rosa	118
G			
Gallitricum	279	K	
Geminalis	282	Keyri	27
Gilarus	273	L	
Githago	49	Ladanum	108
Gith ex segete	ibidem	Lanaria	74
Giula herba	289	Lassulata herba	286
Gladiolus	157	Lavandula	163
Gratia Dei	109	Laurio	273
		Lectipes	261
H			
Haftula regia	137	Ledon	108
Helianthe	109	Leo	84
Helianthemum	ibidem	Leucanthemum	227
Helleborastrum	240	Leucanthemum odoratū	232
Hemerocallis	121.& 130	Leucoion album	19
Herba casta	114	Leucoion bulbosum	191
Herba clauellata	18	Leucoion luteum	21
Herba D. Marie	286	Lilialis	146
Herba lassulata	286	Lilium	118
Herba siminina	82	Lilium cæruleum	36
Herba Trinitatis	18	Lilium conuallium	133
Hieris	146	Lilium non bulbosum	128
Hierobulbus	163	Lilium purpureum	121
Hirci barba	222	Lilium sylvestre	126.& 128
Horminum	282	Linaria	87
		Lingua ceruina	157
I			
Iacea	18	Lunaria	27.& 114
Iafone	39	Lunaria Græca	27
Idæus dactylus	114	Lunaris	114
		V 4	Lupi

I N D E X.

Lupi	<u>146</u>	Ocellus Damascenus	ibid.
Lychnis coronaria	<u>42.&44</u>	Ocimastrum	<u>47.&278</u>
Lychnis sylvestris	<u>45.&47</u>	Ocimoides	<u>278</u>
Lychnitis	<u>42</u>	Ocimum	<u>277</u>
Lycopersium	<u>63</u>	Ocimum sylvestre	<u>276</u>
Lycothaphylos	<u>292</u>	Oculus Christi	<u>44</u>
Lyron	<u>76</u>	Oculus bouis	<u>230</u>
M		Opalis grata	<u>82</u>
		Ophris	<u>220</u>
Maiorana	<u>255</u>	Orchies	<u>201.&214</u>
Mariana Rosa	<u>44</u>	Orminalis	<u>214</u>
Mariana Viola	<u>27</u>	Ornithogalon	<u>178</u>
Martagon	<u>128</u>	Orontium	<u>86</u>
Marum	<u>255.&257</u>	Oruala	<u>279</u>
Marum vulgare	<u>259</u>	Osyris	<u>38.&89</u>
Matricaria	<u>230</u>	Othonna	<u>62</u>
Matrifaluia	<u>279</u>	P	
Medion	<u>29</u>		
Melandrium	<u>231</u>	Pæonia	<u>110</u>
Melanthium ex Tritico	<u>49</u>	Palma Christi	<u>219</u>
Menion	<u>114</u>	Panaces Chironium	<u>286</u>
Menogenion	ibidem	Panacis species	<u>305</u>
Mentha corymbifera	<u>289</u>	Panicum Indicum	<u>304</u>
Mentha Græca	<u>286</u>	Panion	<u>214</u>
Mentha Sarracenicæ	ibidem	Parthenium	<u>230</u>
N		Petilius flos	<u>74</u>
		Phyteuma	<u>86</u>
Narcissus	<u>180</u>	Pneumonanthe	<u>36</u>
Narcissus Iuncifolius	<u>187</u>	Pothus flos	<u>74</u>
Narcissus luteus sylvestris	<u>189</u>	Pseudo acoros	<u>155</u>
Narcissus Marcelli	<u>186</u>	Pseudo iris	<u>153</u>
Narcissus medio luteus	<u>183</u>	Pseudo Melanthium	<u>49</u>
Narcissus medio purpureus	<u>181</u>	Pseudo Narcissus	<u>182</u>
Nardus Italica	<u>264</u>	Pseudo orchis	<u>220</u>
Nardum rusticum	<u>284</u>	Pulegium montanum	<u>269</u>
Naronica radix	<u>146</u>	Pytion	<u>171</u>
Nautica radix	<u>156</u>	R	
Nigellastrum	<u>47</u>		
O		Radix nautica	<u>156</u>
		Rapum sylvestre	<u>27.&31</u>
Ocellus	<u>66</u>	Rapunculum	<u>33</u>
		Regium	

INDEX.

Regium	<u>275</u>	Setanium	<u>171</u>
Regius flos	<u>53</u>	Silis attici color	<u>15</u>
Rhaphanitis Iris	<u>149</u>	Singentiana	<u>156</u>
Rhizotomos Iris	ibid.	Sinapi perficum	<u>27</u>
Rhododendron	<u>292</u>	Sisynrichium	<u>159.& 161</u>
Rosa	<u>92</u>	Solsequium	<u>59</u>
Rosa canina	<u>100</u>	Spatula	<u>146</u>
Rosa cæli	<u>44</u>	Spatula foetida	<u>151</u>
Rosa dominarum	ibid.	Spica	<u>264</u>
Rosa fatuina	<u>114</u>	Sticas citrina	<u>251</u>
Rosa Græca	<u>45</u>	Stœcas	<u>265</u>
Rosa hyemalis	<u>292</u>	Stœcas citrina	<u>249</u>
Rosa Iunonis	<u>118</u>	T	
Rosa Menapia	<u>291</u>	Tanacetum Perunianum	<u>60</u>
Rosa syluatica	<u>107</u>	Taura	<u>45</u>
Rosinarius coronarius	<u>161</u>	Testiculus canis	<u>201</u>
S		Testiculus hirci	<u>210</u>
Salbia Romana	<u>286</u>	Testiculus leporis	<u>208</u>
Sampsychem	<u>255.& 257</u>	Testiculus Morionis	<u>205</u>
Santolina	<u>253</u>	Testiculus odoratus	<u>213</u>
Santonici semen	<u>254</u>	Testiculus Serapias	<u>210</u>
Saponaria	<u>47.& 74</u>	Thlaspi Crateuæ	<u>27</u>
Saxifrangon	<u>271</u>	Thryallis	<u>42.& 44.& 53</u>
Satyron	<u>199.& 214</u>	Thymum	<u>267</u>
Satyrium basilicum	<u>216</u>	Thymum capitatum	<u>268</u>
Saxifraga	<u>271</u>	Thymum durius	ibidem
Scarlata	<u>70</u>	Thyrus	<u>78</u>
Scarlea	<u>279</u>	Tincaria	<u>251</u>
Sclarea	ibidem	Tora	<u>45</u>
Scorzonera	<u>222</u>	Tota bona	<u>279</u>
Selenion	<u>114</u>	Tragopogon	<u>222</u>
Selenogonion	ibidem	Tragorchis	<u>208</u>
Semen sanctum	<u>254</u>	Tricolor Viola	<u>16</u>
Semen contra lumbricos,		Trifolium Satyrium	<u>199</u>
ibidem		Trinitatis herba	<u>18</u>
Serapion	<u>114</u>	Tulipa	<u>196</u>
Serpentaria	<u>225</u>	V	
Serpillum	<u>271</u>	Vaccinium	<u>15.& 168</u>
Serpillum vulgare	<u>269</u>	Venerea radix	<u>156</u>
V		Venuſta	

INDEX.

Venusta minor	<u>82</u>	Viola Mariana	<u>27</u>
Veratrum nigrum	<u>237</u>	Viola matronalis	<u>23</u>
Vetronica coronaria	<u>66</u>	Viola nigra	<u>13</u> & <u>14</u>
Viburnum	<u>99</u>	Viola parietina	<u>23</u>
Victorialis rotunda	<u>157</u>	Viola peregrina	<u>25</u>
Victorialis longa	<u>159</u>	Viola tricolor	<u>16</u>
Viola alba	<u>19</u> & <u>21</u>	Violaria	<u>14</u>
Viola alba bulbosa	<u>193</u>	Viperina	<u>225</u>
Viola arborescens	<u>21</u>	Vnguentaria	<u>156</u>
Viola Calathiana	<u>34</u>	Vnifolium	<u>133</u>
Viola flammea	<u>18</u>	Vrinalis	<u>87</u>
Viola hyemalis	<u>25</u>		X
Viola latifolia	<u>26</u>	Xyris	<u>152</u>

ERRATA.

Pag. 8. lin. 10. palabundos 18. 25. quod φλόγιον.
19. 20. Micancalum. 51. 5. digestis. ibidem. 7. Centaurij.
62. 11. Othonnam. 82. 14. ei videlicet cui.
109. 30. Chironium. 155. 23. amaras. 162. LIRIVM
MAIVS. 180. 9. nuncupatus. 188. IVNCIFOLIVS.
202. ALTER. 227. 9. familiare. 236. 13. ἡράνθισμον.
287. MINOR. 288. MAIOR. transpositæ siquidem his
locis imagines sunt. 300. 28. similes.

INDEX GRÆCARVM

VOCVM.

A

A Γλαυφωτίς

ἀγριοκάσσανον

ἀθάνατος

ἀκίνος

ἀκορος

ἀκυλάντιον

ἀμέραντον

ἀμίδυστος

ἀνακτόριον

ἀνάρριτον

ἀνιμανή

ἀνθεμῖς

ἀνθιμον φυλλῶδες

ἀνθερικὸς

ἀνθος τῶν ῥόδων

ἀντιζῶνιον

ἀνυδρος

ἄριον

ἀσφόδιλος

ἀτόκιον

αὐτογενὴς

ἀφροδισίας

B

Βάκχαρις

βαλλάριον

βασιλικόν

βιττονική

βολβοκάσσανον

βολβίη

βόλβος αἱματικὸς

βόλβος ἐμειλικὸς

& 189

βουκράνιον

114

179 γερανοπόδιον

45 γλυκυσιδὴ

278 γογγύλη ἄρρη

156

45 διαχύσις

91 διαχύτος

82 διελφίσιον

157 διὸς ἄνθος

82

237. 292 ἐλαιοχρυσον

227 ἐλίχρυσον

49 ἔμπιτρον 271 ἔρπυλλος

137 ἐρυθρόσιον σατύριον 199

99

82 ἡμεροκαλλίς 121. & 130. 131

184 ἡράνθιμον 227. & 236

157

137 θαυμαστὸς 146

47 θαλαπιδὴ ibid.

184 θισδόσιον 114

156 θρυαλλίς 42. & 44

θύμος 268

284 θύμος κεφαλῶτος 268

45 θύμος σκληρότερος ibid.

275 θύρσιον ibid.

66 θύρσος 78

179

169. & 171 ιασιώνη 38. & 39

131 ιερακοπόδιον 47

184. ἱέρις 146

ισροβόλβος 163

82 ἰον πορφυρεῦν 14

ἱρίς

Γ

Δ

Ε

Η

Θ

Ι

ἴρις
ἴρις ἄρσις

Κ

καθαίρων
κακίος
κακός
καλλίτριον
κάμαρος
καρπός
κίστρον
κίρσιον
κίσος ἢ κίτθος
κλινοπόδιοι
κομή
κομοσάνδαλος
κορύμβιοι
κρινάνθιμον
κρίνον
κρίνον ἄρσιον
κρίνον πορφυρεῦν
κρινάνθια
κρόνιον
κρόκος
κύβηξ
κύμνοι ἄρσιον
κυκαθιμίς
κυκοστάνη
κυκοκεφάλιον
κυτόροδος
κυτόσθατον
κυτός ὄρχις
κύπτις

Α

λάδον
λάδανον
λαμπάς
λαίριον
λαίριον ἔττρον
λεγκάνθιμον

Ι Ν Δ Ξ Χ.

146 λευκόιον 21.&169.&193
152 λευκόιον μήλινον 23
λήδον 108
146 λεδοσάτις σιφαναιματική 261
152 λιμνική 157
ibid. λυγνίτις 42.&44
118 λύκοι 146
56 λυχνίς ἄρσις 47.&82
87 λυχνίς σιφαναιματική 44
66 λυχνίτις ibid.
300 M
107 μαλόιον 45
261 μάρον 257
222 μαχαίροφυλλον 157
126 μαχαίρώνιον ibid.
45 μελανθιον ἐκ τῶν πυρῶν 49
118.&131 μελάνιον 14
118 μονόφυλλον 134
131 N
121 Ναρκίσσος 184
118 Νηριάδιον 56
56 Νήριον ibid.
165 Ξ
171 ξίφιον 157
56 ξυρίς 152
230 O
ibid. ὄσσην 62
82 ὄκιμον 275
100 ὀπερτρίτις 146
101 ὀρμινον 282
201.&204 ὀριθόγαλον 178
107 ὄρχις 201.&214
ὄρχις σιραπιάς 212
108 ὄσυρίς 89
ibid. οὐράνια 146
47 II
118. 163.&184 παίονια 114
163 πάχχαρις 284
227 παραλυσίς 56

πιτών

INDEX.

πιπών	<u>169. & 199</u>	τρωγοπάγαν	<u>212</u>
πιθήκιοι	<u>82</u>	τρωγορχίς	<u>108</u>
πόδος	<u>74</u>	τρωγυλίον	<u>21</u>
πορφυρανθές	<u>123. & 131</u>	Υ	
P		υάκινθος	<u>56. & 123. & 168</u>
ρῶσθηρον	<u>107</u>	υπόκισις	<u>107</u>
ρῶδον	<u>98</u>	υπόβριον	<u>257</u>
ρῶδάνια	ibid.	Φ	
Σ		φάσγανον	<u>157</u>
σαμφύχον	<u>255</u>	φλόγιον	<u>18</u>
σαξίφαργα	<u>271</u>	φλόξ	ibid.
σαξίφαγον	ibid.	φύττυμα	<u>86</u>
σατύριον	<u>192</u>	X	
σατύριον βασιλικόν	<u>216</u>	χαμμίμηλον	<u>217</u>
σιφυρίχιοι	<u>161</u>	χρυσάνθιμον	<u>227. & 243</u>
σκήπτρον	<u>45</u>	& <u>249</u>	
στήχας	<u>267</u>	χρυσόκομη	<u>251</u>
στοίχας	ibid.	Ψ	
σώσανδρον	<u>56</u>	ψιχότσοφον	<u>66</u>
T		Ω	
τάριον	<u>45</u>	ωκιμοειδής	<u>42. & 47</u>
τρώγοναζον	<u>47</u>	ωκιμον	<u>275</u>

PRIVILEGIUM CÆSAREVM.

MAXIMILIANVS II Diuina fauente clementia electus Romanorum Imperator semper Augustus; Germaniæ, Hungariæ, Bohemiæ, Dalmatiæ, Croatiae & Sclauoniæ, &c. Rex; Archidux Austriæ; Dux Burgundiæ, Styriæ, Carnithiæ, Carniolæ, & Wirtēbergæ; Comes Tyrolis &c. Recognoscimus & notum facimus tenore præsentium vniuersis: inter alia maiorum nostrorum consilia, illud haud postremum fuisse comperimus, vt ad Imperij Romani decus & dignitatē plurimum facere arbitrantur, nō minus rem litterariam, quàm militarem disciplinam propagare: quòd litterarum monumentis, quidquid fortiter & præclarè gestum esset, illustrari cognoscerent, & æternæ memoriæ consecratum ad posteros ita transmitti, vt tam exteris quàm domesticis populis, exemplo ad virtutē esse posset: quodque optimarum artium studia, & quidquid ad humanæ vitæ cultum atq; vtilitatem in quaque arte fuisset excogitatum, litteris & contineri & conseruari optimè didicissent. Illorum nos laudatis vestigiis insistere summo studio cupientes, dignum imprimis duximus, prudenter & accuratè cauere; vt si quis ad eam rem quidquam vel industria vel laboribus & impensis suis cōtulerit, ne huic fraudi beneficium publicum sit. CVM itaque sincerè nobis dilectus Christophorus Plantinus ciuis & typographus Antuerpiensis nobis humiliter exponi curarit; se veteres nonnullos auctores, vel nunquam antea visos, & raros, vel emendatiores, aliaque opera magni momenti; in primis verò Biblia Hebraica, Nouum Testamentum, Eunapium de vitis Philosophorum, Illustrium de poëtis, Nonium Marcellum, Petronium Arbitrum, omnes veteres Poëtas correctos vel commentariis illustratos: Emblemata Sambuci, Dictionarium Hebraicum, Dictionarium Græcum, L. Iulium Florum de Gestis Romanorum cum Commentario Ioannis StadI, & si quæ huius generis alia, vel antea non edita vel emendatiora, locupletiora, auctiora, & illustriora facta sunt, quacunque in lingua, imprimere cōstituisse: vereri autem, ne, quod sæpenumero vsu venire consueuerit, alij non nulli, qui alieno labore & industria partis, fucorum more inhiare, & frui soleant, ea quæ ille magnis sumptibus & impensis collegit, & typis procuderit, mox ad suum cōpendium, minore sumptu & labore imitentur, atq; effingant, illique labor omnis,